

XLIII. Lm.

[Large decorative flourish]

[Small flourish]
XLIII. m. y.

1 VII 30

1536.

1
Lmo 820


Hist 697

Lmo 820

of

~~11111~~





CIVILIVM
APVD BELGAS
BELLORVM

INITIA, PROGRESSVS,

FINIS OPTATVS:

IN QVAM REM

RE MEDIA

A FERRO ET PACE

PRÆSCRIPTA,

FIDEI, PATRIÆ, ORBIS BONO.

*Joannis Iannis Frezner: Regia
Motto Solona seerei
tanj et otarij fraco
vriensis.*



Anno partæ salutis M.DC.XXVII.



ÆQVO LECTORI.

CVM, quod abhinc anno, in exterorum
 gratiam, Latine reddidi institutum
 inter duos Hispanos viros nobiles Pelagium
 & Bonauenturam de Belgicis rebus Col-
 loquium, tibi, ob rei quam tractat, nouita-
 tem & necessariam cognitionem, placuisse
 comperissem; opera rursus pretium me fa-
 cturum, & nouam apud te gratiam initu-
 rum putavi, si ipsum, multò quàm antè pro-
 dierat, auctius, Latinum rursus tibi sistam.
 Ad nuperam enim Teutonicam editionem
 multa cognitu non iniucunda, & non vulga-
 ta & audita hætenus, accessere. Nimirum
 tota Batauici regiminis & politica ratio, qua
 exteris paucis nota. Qua item Ordines Ba-
 tauos ad Americanam expeditionem tanto
 impendio suscipiendam causa moueat, &
 quæ econtrà Hispanos ad eam disturbandam,
 & omnes illos occidentis solis tractus impen-
 sius tuendos, nimia illa, quam habent, fidu-
 cia valere iussâ, debeat impellere. Modus
 quoque proponitur, quo Hispaniarum Rex
 in Belgij sui ora, quinquaginta (dicere ausim,
 etiam centum) nauium classem, nullo ararij

sui cum detrimento, ut tamē menstruē eius-
 dem epibatis stipendium numeretur, susti-
 neat; qua & uniuersam oram Flandricam
 tueatur, & Hispanorum quolibet mari na-
 uigationem securam reddat. Adhuc ostendi-
 tur, quanam in Africam merces inuehi, qua-
 nam euehi, & quibusnam ē portubus debe-
 ant. Quodq; longē optabilius, facilis propo-
 nitur modus; etiam Zelandis & Hollandis
 rebellibus probatus, tandem aliquando,
 post diuturnum & graue hoc bellum, ad ex-
 optatam pacem perueniendi. Deinde certis-
 sima, omnis seditionis militaris, qua unica
 longi huius belli occasio & incentiuum fuit,
 tollenda, collapsa disciplina militaris restau-
 randa, omnis mercimonij quod Europa tota
 suscipitur, in Regium Belgium deriuandi, &
 aerea moneta sine ullo aut Regis, aut subdi-
 torum grauamine, ad antiquum pretium
 reducenda, remedia suggeruntur. Sparsim
 quoque alia multa curiosa satis quaestiones,
 & earum solutiones interseruntur, ē qui-
 bus Hispanicam simul & Batauicam poten-
 tiam, & quidquid toto belli Belgici tempore
 contigit, colliges. Porro ita verē & candi-
 dē, neutri partium adulando, hac represen-
 tantur,

tantur, ut nec Hispanorum bello hoc ad-
missi errores usquam dissimulentur, & si-
mul eorum Regi remedia nonnulla & ratio
suggeratur, quibus si auscultet, tandem opta-
tum belli finem, nequid quam in contra-
rium obnitente sociorum Regum, Princi-
pum & Rerumpublicarum molimine & po-
tentia, sine ullo ararj sui Regj sensu, facili
negotio consequetur.

PELAGIVS.



VMMVM mihi, iam abhinc biennio
& amplius, fuit tecum, clarissime Bo-
nauentura, coram agendi desiderij,
vt quæ ad bellum resque Belgicas attinent, a-
micè ac sincerè me edoceres: scio namque, à
nemine mihi aut fidelius, aut certius, tum quæ
iam antè toto Belgici belli tempore contigere,
tum quæ adhuc futura imminet & expectan-
tur, posse enarrari. etenim & ætas tua grauior,
vtpote iam annos octoginta transgressa, &
summa rei bellicæ peritia atque experientia,
mihi irrefragabilis instructoris instar futura
sunt. Quis enim te potius, quoad omnes euen-
tus & successus id ipsum præstet; vtpote qui
vnacum Duce Albano ad bellum Belgicum ex
Hispania profectus es, & annis plus quinquaginta

ginta, varijs muneribus bellicis cum laude defunctus, arma tractasti?

BONAVENTURA.

Hanc mihi voto desiderioque tuo vsquequaque satisfaciendi occasionem oblatam, non minùs sanè gaudeo, quàm ipse posses. etenim volupe mihi & honori futurum est, ad singula interrogata respondere; cum fide tamen, quantum in me erit; adeò vt nec gentis nostræ negligentiam propugnaturus, nec hostis generositati & industriæ vel in minimo sim derogaturus. hoc quippe canos & annos dedecet meos; cùm præter sempiternam apud Deum mercedem aliud mihi iam in vita expectandum non restet, nullumque, illo vno excepto, à cuius benignis manibus vita mea omnis dependet, me timere oporteat.

PELAG. Non possum non ingentes de insigni hoc tuo in me affectu tibi gratias agere. Vides namque ætatis meæ imperitiam, vt qui quartum & vigesimum necdum transgressus sum annum: aueo proinde, quàm fieri potest breuissimè, res Belgicas per te doceri, vt, si fieri queat, vel horæ spatio ediscam, quod ipse vix quinquaginta annorum vsu edidicisti. Et, ne te verbis frustraneis æquo diutius morer, scire ex te ante omnia velim, in quo potissimum Dux Albanus deliquerit.

BONAVENT. Paucis verbis, multa à me tibi
petis

petis declarari: & quis ego, qui magni illius Ducis gesta factaque fugillem, aut eius errores alijs diuulgem? imò quis, eius loco si fuisset, in terra ignota non turpius impegisset? quis, unde quaque ab hoste cinctus & pressus, semper ita sibi in omni re fuisset præsens, ut non aliquando cespitasset, etiam cecidisset, aut à debito rationis tramite deflexisset?

PELAG. Non est quod timeas: solus hic mecum es; abest hostis & æmulus, ac delator hic nullus: ad postulata ergo mea respondeas, dubiaque mea dissoluas, obsecro.

BONAVENT. Nullatenus id tibi negare possum, ut nec aliud quidquam: dicam ergo de illo apertè, quod sentio, sine ullo, ne quis dicta carpat, ob eaque diem mihi dicat, metu. Semper ergo mihi Dux ille visus est errasse

Primò, in Belgicarum conditionum ac propensionum ignorantia; quæ non paucorum, & quidem grauissimorum, plerumque esse solet errorum mater.

Secundò, in morum asperitate & durtie, quæ apud Hispanos fortasse non displicuisset, apud Belgas non item. Tot annorum namque usu experientiaque comperi, Belgas moderatam quamdam in rectoribus suis ac Dominis requirere affabilitatem, præuenientem seseque vltro offerentem benignitatem, facilem & beneuolum, atque ab omni verborum, animi, vul-

tusque asperitate & acerbitate quam remotissimum accessum. Non ducuntur nimia illa Germanorum, qualis patres decet, grauitate, vti nec nimia illa Gallorum, quæ matrum est, affectus profusione: verum moderato quodam & amabili affectu ac beneuolentia, qui nec effundat se nimium, nec subducatur quasi videri fugiens, latere gaudens. In quo, meam quidem sententia, Dux errauit, dum prouincias has eodem prorsus, quo barbaros & Indos bello subactos, inque seruitutem natos, modo regi debere censuit. Qui sane, non minimus eius fuit error: cum nullam orbe toto reperire gentem sit, minus seruitutis patientem, quam Belgas, utpote quibus omnibus innatum est, mori malle, quam foedè & turpiter cuiuspiam famulari.

Tertio, in diffidentia de Belgis, quæ in ijs vicissim nouam de Duce diffidentiam gignebat. Hinc sinistrae vtriusque pullulare suspiciones, hinc alter metueret alterum, hinc quoque incredulitas animorum alienatio, & indiscreta nasci æmulatio, quæ omnia tum verba, tum facta quam potest pessimè interpretari, bonamque intentionem in deteriore commutare gaudet. Vbi tabes hæc semel animum occupauit, vix ei peritissimi medici medelam adferant: postquam enim semel diffidentia in hominum animum irrepserit, inque intimis eius fibris radices coepit agere, vix eam quis, nisi simul & vitam & animam, eucl-

euellat. Quidquid enim promiseris, quidquid donorum æmulo contuleris, imò effuderis, finistri quid moliri velle iudicaris; quoque se affectus amplius & cordalius effundit, eo etiam magis liuida increfcit suspicio, vtpote semper verita. ne quis sub specioso hoc velamine lateat dolus, ne quod pretiosis hisce lancibus, & lapidis edulijs immixtum sit toxicum & aconitum. adeò quidem, vt plerumque nō aliter hæc exui ac seponi possit diffidentia, quàm vel insigni aliqua partis alterutrius oppressione, vel vniuersali internecione, vel denique probrosa ab armis cessatione, aut pace satis infami.

Quartò, in nimia de se ipso fiducia: quòd videlicet nihil vsq; adeò putaret arduum ac difficile, quod non se vel ingenij sui acumine ac sagacitate, vel armis suis victricibus, felicem ad exitum speraret posse conducere: cū tamen constans ea sit apud omnes orbe toto sapientes viros opinio, nomen sapientis non mereri, quisquis suis in rebus vno sui ipsius nititur iudicio, nec alienum dignatur inquirere.

Quintò, in hostium suorum contemptu & despicientia: atque hæc, vnica ipsorum corroborationis & incrementi fuit causa. Ac velut, dum quis paruum quoddam in corpore vulnus, exiguum initio morbum, pauculas in domo sua scintillas loco indebito ignientes negligit; valetudinem, vitam, & fortunas denique

A *suas*

suas omnes extremum in discrimen coniicit: sic se periculo apertissimo exponit is, suum qui hostem ob paruitatem despicit, eumque interea per otium increfcere finit, vsque dum numero & viribus cum contemnente conferri & parari queat. Sapientis ducis non est, hostem non curare, aut despiceret. etenim quæ bonorum iactura, honoris amissio, castrorum, agrorum, prouinciarum, regnorum euerfio ex hostium secuta sint contemptu, omnium gentium tum veteres, tum recentiores loquuntur historiæ.

Sextò, in prouinciæ & locorum illius ignorantia. Mirum, quàm irreparabile, varias apud gentes (vti domestici illarum produnt Annales) sit è regionis, terræ, locorumque patriorum ignoratione damnum consecutum, sempiterna plurimorum illustrium ac magnorum Imperatorum cum infamia ac probro. Iam liquet, nihil vsque eò Duci nostro nocuisse, quàm ciuitatum & arcium Hollandicarum ac Zelandicarum situm, oportunitatem, munitiorem, robora nesciuisse. Si enim sub aduentus sui initium, cum suis primum hostium impetum copijs feliciter satis fregisset, primarias tam Hollandiæ, quàm Zelandiæ, vrbes maritimas inuasisset; facili vniuersas hæc prouincias negotio ad obedientiam reduxisset, earumque mansisset dominus, & anno vix vno res omnis,
nemine

nemine obiicere se vel audere, vel valente, fuisset confecta, & prorsus debellatum. A quinque, aut summum sex, ciuitatibus vniuersa ea res dependebat; quibus ille occupatis, aut certe rentis, Hollandiam & Zelandiam, quæ Leonis Belgici velut frænum sunt ac ferreum vinculum, æternum Regi parentem atque obsequentem reddidisset.

Septimò, in arrogantia & superbia, quòd fusilem ex ære sibi Antuerpiæ statuam velut victoriarum testem ac monumentum, erigi iussit. Hæc lapis fuit, ad quem omnes vicinæ prouinciæ pedem offenderunt.

PELAG. Volupe sanè mihi est, vniuersa hæc ita singillatim ex te audire. non possum autem hæc non summopere in tam illustri Imperatore ac duce mirari; idque, post tantam armorum scientiam, quam sub CAROLO V. Cæsare sibi parare potuit.

BONAVENT. Ceterum certum est, Albanum primis, quos sæculum nuperum habuit, ducibus & Imperatoribus, si non præstitisse & præcelluisse, comparari tamen posse & conferri. Habuit enim virtutes duci necessarias, non paucas, &

Primò, armorum scientiam & peritiam incomparabilem, vt qui summo sub Imperatore CAROLO V. varijs in prouincijs, nusquam non se virum ostendit.

Secundò,

Secundò, in omnibus expeditionibus erat interritus, immobilis & constans; in audacia autem prudens: vt nihil iuris vñquam hosti in suos & castra sua concefferit; nihil quoque inconconsultò, temere, aut è leuitate quadam sit aggrossus: numquam denique sese aduersario nudum ac feriendum præbuerit.

Tertiò, etiam hoste procul agente, castra, præscorum Romanorum ritu, semper vallis & aggeribus communita vñdique, nec non rebus omnibus necessarijs instructissima habebat, nihil omittens quod quomodocumque vsui esse posset. in illis verò dissoluendis mirè erat circumspectus, loca ad quæ tendebat, nec non vicina opida & pagos, per exploratores antè perspecta habens. Eamdem & in castris locandis adhibebat prudentiam, cùm quæ ad suorum tum tutelam, tum alimoniam opportuna erant, semper loca deligeret.

Quartò, disciplinæ militaris diligentissimus erat obseruator: quam apud eum si quis infregisset; impune non habebat, & qui vel pullum à rustico sustulisset, mox furtum luebat. Hinc fiebat, vt necessarios nihil vñquam eius castris deesset, & illo cum copijs transeunte, rusticorum nullus, maleficium veritus, fuga sibi ac rebus suis consuleret: imò in felicitatis parte non parua ponerent, illius copias apud se habere; quòd magno cum compendio, at par-

uo cum labore, iam domi diuenderent, quæ aliàs magna cum difficultate ad vrbes vicinas conuehere deberent.

Quintò, in suis ad altiora munia euehendis, non tam generis nobilitatem ac splendorem, aut commendantium amicorum merita interuentionemque, quàm vnicam spectabat virtutem, & cuiusq; promerita; etiam infimos quosque, & genere obscurissimos, ad Centurionum, Chiliarcharum, Legatorum castrensiū (quos vulgò *Maestros del campo* vocitamus) dignitatem euehere solitus; cum eam virtute & fortitudine iam commeruissent. Addebat hoc animum militi, cum videret etiam sibi ignobili & gregario, per virtutem & robur, aditum ad eminentissima in castris munia patere, seque pro virtute præmiandum; atque adeò in oculis se certare eius, qui nullum facinus abire sinebat irremuneratum. Hinc nata hæc illius axiomata & apophthegmata: Si, vt oportet, castigaris delinquentem, præmio affeceris bene meritum; fortissimis castra tua viris redundabunt. Rusticis, etiam in hostili agro, si parcas, semper de com meatu tuis abunde erit prospectum. Menstrua militi si numeres stipendia, in omnibus eum habebis obsequentissimum; nec vsquam ei tunc parce delinquenti. at castigare, & quod debes non exsoluere, nec remunerari; non hominum est, sed belluinum & barbarum.

Sextò,

Sextò, ad corruptelas munerum erat inuictissimus, multò minùs cedens auro, quàm marinis fluctibus cautes; neque ipse solùm ab omnium acceptione erat quàm remotissimus, sed & omnium ea accipientium hostis: hinc suo eos arcebat contubernio, quos illis norat illaqueari solitos. Regi quoque suo fidelem vbique se præstitit, nusquam sibi in eius causâ parcens.

Septimò, consilia sua & cogitata mentis tam alto premebat silentio, vt sæpè antè res confecta appareret, quàm cœpta aut incipienda sciretur. Vidisses in viro cogitationes profundas, verba rarissima, & mirâ in omnibus sibi fideique suæ concreditâ taciturnitatem & silentium: vt subinde, nec bellico imperio, nec Regum consilijs, nec rerum magnarum executioni, eum diceret admouendum qui linguæ nesciret imperare. adhæc numquam ignoscendum in viris delictum esse, tacere nō posse; ad omnia eū munia, & præsertim castrensia, ineptum censens, qui linguâ non posset moderari. Hæ sunt primariæ, quas in ipso notavi, virtutes, quæ ea quæ cōmemoravi vitia non nihil inobscurant, ne dicâ imminuunt. Sed noris oportet, vix vllum iam inde ab orbe condito, quantūvis magnū, ducē fuisse, in quo non semper ij quibuscum egit, aliqua desiderarint, & nō paucos, magnas inter virtutes, defectus obseruarint.

PELAG.

PELAG. Summopere gaudeo hæc ex te audiisse, quæ suo mihi tempore etiam vsui futura sunt, vt horum quædam imitari, alia studeam euitare. Porro, quid de Magno Commendatore Ludouico Requesencio tibi videtur?

BONAVENT. De hoc, quòd quàm breuissimo tempore summæ rerû præfuerit, pauca dicenda sunt: hunc tamen omnes passim, vt virum bonum, Dei timentem, atque in omnibus sincerè, sine fucò & vllo humano respectu procedentem suspexere. Quod enim animo sentiebat, hoc lingua promebat: neminem quoque circumueniebat, sed aicens aiebat, negans negabat. Omnium adhæc virtutum cultor erat ac fautor; supra modum affabilis, nulli loquenti aurem non accommodans, & ad audita quàm humanissimè respondens, bonis item desideriis plenus. Qui si maiore in aduersis constantiam, & infractum animi robur, æmulatorum quoque, detractorum, ac maleuolorum, qui illum cum in Hispania apud Regem, tum in hisce imperio suo concreditis prouincijs malignè traducere satagebant, contemptum maiorem prætulisset; nã ille inter optimos atque illustrissimos, quos vnumquam habuit Belgium, Gubernatores numerari potuisset. At præpropera & inuida Belgio mors, omnes eius præclaros conceptus & molimina subuertit.

PELAG. Quid autem de Ioanne Austriaco
censes?

censes? quod ducum, qui sub eo militarunt, de illo iudicium?

BONAVENT. Nulla dotes eius verba fatiscunt exprimere: nescio enim, num magno celebrique Imperatore digna virtus vlla ei defuerit. Animositatem enim præstabat quàm qui maxime, uti & munificentia & humanitate. laborum quoque erat tolerantissimus, adhæc prouidus, circumspectus, grauius, impiger, nullius occasionis negligens, at in omnem excubans; consiliorum quoque deliberatorumque; seruantissimus, in promissis fidus, eloquentiam præstans, ingenio simul & memoriâ magnus (quæ duo raro in vno simul reperiuntur) in expeditionibus suscipiendis fortunatus; consulta antè, quàm executioni mandaret, maturè examirans, & omnem in partem versans; in illis autem peragendis fortis, & infractus. Consulentes alios haud inuitus audiebat, alienumque consilium melius, suo postposito, sequi non pudebat. Militem fortem non secus ac fratrem complectebatur: hinc nulla eius bene facta indotata sinebat. Disciplinam autem militarem legesque castrenses exactissimè seruabat, benemeritos præmiis, & in delinquentes animaduertens; ita ut sub illo nec virtus vlla indonata, nec crimen esset impune. In bellis denique indefessus erat & martialis, at extra arma placidus, & in contubernio iouialis.

Nihil

Nihil autem in eo culpo, quàm quòd, dum primum Belgij gubernacula capeffit, Pacificationi Gandensi subscripsit, ab Ecclesiasticis quibusdam viris ad illi subscribendum inductus. Factum hinc, vt, fortissimo milite aliorum iam ablegato, nudum se & inermem armatis hostibus quodammodo exposuerit. In quo cum non multò pòst se peccasse videret, Bruxellâ & Mechliniâ fugere coactus, quò vitæ consuleret, insigni astu & arte, per speciem instituendæ venationis egressus, in Namurcensem arcem, vnicū vitæ tuendæ præsidium, sese subduxit, & amandatum extra Belgium militem reuocare compulsus fuit. Video eum præterea, ob confictam ab æmulis calumniam, qua apud Regem fratrem tamquam Belgicò inhians imperio insimulabatur, plus æquo animum deiecisse, quâ cum nonnullos, ad sinistrè de eo sentiendum, permotos vidisset, morbum contraxit, qui eum haud multò pòst, incredibili & irreparabili orbis Christiani cum damno, in florènti ætate sustulit.

PELAG. Inauditum id hætenus mihi fuit; gaudeo proinde rei veritatem ex te, simul & magni huius Imperatoris virtutes ac dotes audiuisse; adhæc, quàm pestilentes & noxij sint in Regum ac Principum aulis detractores, & alienæ virtutis ac gloriæ corrosores; quàm denique, apud nullum non Principem, vel nu-

dum arrogati imperij nomen sit odiosum, & variarum suspicionū seminarium; atque adeo, non tam oculum ad rei de foris accidentis contactum indolere, seseque contrahere, quàm cor Regis ad minimam regni ab alio inuadendi suspicionem. hæc etenim, utcumque parua, utcumque cassa & falsa, semper aliquam in eo diffidentiam generat, & plagam infert: è qua deinde innumera sequuntur mala, quæ extremam florentissimis etiam regnis perniciem attulerunt. At quid de Duce Parmensi, qui potissimam Belgij partem Regis ad imperium reduxit, & sub quo variis ipse muneribus castrensibus perfunctus es, sentis?

BONAVENT. Multum Parmensi debere me fateor, non tam ob accepta ab eo beneficia, quàm ob insignes & heroicas quæ in eo eluxere virtutes; tum verò ob eam, quæ illius operâ & industriâ, Regis nostri imperio facta est, nemini non notissimam, accessionem: ut eum primariis qui orbe toto, & omni ætate extirpare, ducibus meritò censeam annumerandum & comparandum; præsertim, si locorum Belgicorum, illo gubernacula capessente, statum, munitionem, hostium multitudinem; Regum, Principum, ac Rerum publicarum exterarum auxilia, hostem tum milite, tum auro iuvantium, consideremus; & quòd in Belgium primum veniens, præter Luxemburgensem & Namur,

Namurcensem agros, vix locum haberet, cui tutò militem concrederet. Prætereo, vno eum tempore iussu à Rege fuisse, in Gallia simul & Belgio bellum gerere; & non rarò tanto rei nummarie cum defectu, vix vt quisquàm credat, ac non solùm annuos suos proventus soluendo militi insumpserit, verùm & paternas possessiones, ære alieno intolerabili grauatas ad filium transmiserit. Illustria illius facinora orbi quâ patet notiora sunt, quàm vt referri conscribiq; opus habeant.

Nihil in eo desiderasses, quod quis in magno illustrique Imperatore. In penè omnibus namque expeditionibus fuit felix, munificus in obuios, humanus etiam in minimos, prudens, sagax, sollers quàm qui maximè; ad clementiam propensus, in periculis intrepidus, in quæ tamen nec se, nec suos, temerè & inconsultò coniiciebat; in omnibus agendis cautus accircumspectus, & exigente necessitate interitus & infractus. regiam quamdam in cunctis operibus, in mensa, aula, supellectile, familia, comitibus, munerum erogatione magnificentiâ ac generositatē spirabat. nullus eum fatigabat labor, nulla deiciebant pericula: hinc vidisses in aduersis patientem & sperantem meliora, in bonorum iactura constantem; & velut sensus expertem. De generositatē quid dicam? vt etiam morti iam proximus,

imò mortuo quàm viuo similior, nouam in Gallos expeditionem Rege iubente moturus, equum conscenderit. Demùm in deliberatis, iam antè maturè excussis, exequendis fuit immobilis, in priuata verò conuersatione subtiliter acuteque inuentis præstans, nullum denique nationum agnoscebat discrimen. Inter hæc tamen, fuere nonnulli, qui suæ gentis hominibus plus nimio eum credidisse censeant, & ob falsas deluxata nonnihil illius in Regem, fide, in Hispaniam missas delationes & calumnias, plus quàm par erat se deiecisse, atque hinc eum, contractâ tabe, mortem sibi accelerasse, communis multorum est opinio.

PELAG. Recreant hæc me, & in magni huius Alexandri virtutum gestorumque admirationem rapiunt; simul & stomachum mihi mouent, cum tantum virulentis illis ac perfidis suffurronibus, in inuictos illos Heroas, quos nulla frangere, aut de statu mentis deicere potuerunt arma, nec vis hostilis, iuris esse video. At Archiducem ERNESTVM quem fuisse dicis?

BONAVENT. Meritò hîc cum Poëta exclamê:

*Ostendent terris hunc tantum fata, neq, vltra
Esse sinent.*

Heu pietas, heu prisca fides!

Indignæ sanè prouinciæ Belgicæ fuisse videntur, quæ tanto bono ac viro diutius fruerentur. Erat enim in moribus maturus, in consiliis solidus,

lidus, in verbis & operibus serius, in promissis
fidus; virtutum omnium, & pietatis in primis,
cultor; orationi mirè deditus, vitæ integer, ab
omni mulierum familiaritate alienus; in verbis
brevis quidem, sed profundus; iuratus menda-
cij hostis; adulatores, susurrone & detractores
eane peius & angue detestans; diuinissimi Al-
taris Sacramenti cultor & venerator assiduus;
in clientes, fidos tamen & probatos, effusus &
propè prodigus, nullum obsequium virtutum-
que indonatum passus; in pacè denique quàm
bellum propensior, hoc tamen non minùs se-
dulò curabat atque illam. Multa quidem ad
Belgij bonum salutemque spectantia exequi
decreuerat vtiliter; sed, dum commodam ad
eandem efficienda oportunitatem præstolatur,
Deus eum è vitæ statione euocans, bene cœpta
abrupit, vt ei pro virtutum merito coronam,
ac beatæ æternitatis lauream apud superos pa-
raret, illius in locum Magnum ALBERTVM, qui
post Fontanum Comitem res Belgicas, primò
vt alias, dein vt proprias, curaret ac regeret,
suffecturus.

PELAG. Deplorandum sanè ac miserum,
magna non diu stare, sed ilicò intercidere; quasi
si magnitudo & diuturnitas simul stabulare &
agerenescirent. De Fontano ergo Comite ec-
quid videtur?

BONAVENT. Fuit is haud dubiè inter omnes

Principes & Magnates, longè felicissimus: bre-
ue namque imperium benè gestum, omnes be-
nè de eo sentire fecit. Generosus erat vt pauci,
& fortunatior quàm vulgò militares solent; in-
fractus & interritus, nullas difficultatum aut
discriminum remoras exhorrens, pericula quæ
tam intrepidè deuorans, quàm alius pultes sa-
charatas, alloquio accessuq; erat facilis, in aliis
audiendis comis ac blandus; in tentanda for-
tuna effusior, quàm retractior; in aggrediendo
audax, in vrgendo promouendoque audacior.
Regi suo fidelem per omnia operam præstitit.
In reos sine vlllo personarum discrimine, pro-
delicti grauitate, animaduertebat, tam in ca-
stris, quàm ciuitatibus, tam domi quàm foris,
exactissimè disciplinam iubens seruari. Quòd
autem feliciter satis habenas Belgicas sit mo-
deratus, hinc bonam apud omnes Europæos
Principes de se opinionem concitauit, & opta-
ta pauculorum annorum felicitas magni illi &
fortunati ducis nomen orbe toto peperit. Hæc
sunt, quæ mihi in præsens de Comite illo di-
cenda occurrunt: credo equidem, si diutius
præfuisset, non benignius illi à pestilentibus
amulorum linguis futurum, quàm fuerat su-
perioribus, & in eadem, qua illi, amaritudine
& lu lu cum vitam terminaturum fuisse. Hæc
namq; ordinaria, & penè communis, omnium
Rectorum & Imperatorum est merces.

PELAG. De ALBERTO Archiduce, qui per nuptias Belgicarum provinciarum Dominus ac Princeps factus est, quid opinaris?

BONAVENT. Non sunt hæc huiusmodi, vt tribus ea verbis tibi queam exponere: qui enim Magni illius ALBERTI virtutes enarrare tentet, is maris quàm profundissimum est, fundum solide explorare contendat; cùm nulla esset virtus, quæ non in Principis illius pectore sedem sibi stabilem delegisset. Etenim singularis illius erat castimonia, ne vel indecentius in quoquam verbum ferens; sui, ac suorum omnium, custos erat integerrimus, & iuratissimus omnis foeditatis hostis. Liberalitas eius, maximè in res pias & pauperes, tanta, vt centena per annos singulos millia in illas erogaret. Piam in Deum diuinæque mentem nullus exprimat calamus, lingua nulla; quàm etiam Regibus ac Principibus omnibus vt fax præluceat: quotidie enim multas orationi horas impendebat, etiam tum cùm in castris ageret; sacrificio quoque Missæ singulis diebus intererat, cùm valetudo permittebat. adhæc Virginis-Matris cultor erat indefessus, illius nomini dicata loca & oratoria tum precibus suis, tum regis donariis honorans; nulla penè vt esset ædes atque altare, quam, in Matris suæ gratiam, singulari miraculorum prærogatiua honorabat Deus, quam non suis ALBERTVS muneribus honoraret. er-

ga sanctissimum denique Eucharistiæ Sacramentū ita afficiebatur, vt, quoties illud gestans sacerdote ei per viam occurreret, semper illum, ad infimorū etiam domos, sequeretur; in quo magni illius RVDOLPHI Austriaci, qui ob delatos sacræ huic hostiæ honores, primum indytæ & perillustris Austriacæ domus potentiæ fundamentum posuit, super quod duodecim continua serie Imperatores (vt innumeros taceam Reges ac Principes) inædificati, terrarum orbem gloria & triumphis repleuerunt, exemplum est secutus.

Potest, præter hæc, non sine ratione, omnium suæ ætatis Principum sapientissimus nominari, vt qui vniuersos Consiliarios suos acumine, maturitate, prudentia, ingenij dexteritate longo interuallo præcurreret; quæ post futura erant, eminus præuidens & subodorans, quin etiam necessaria, in tempore, priusquam esset seriùs, remedia obiiciens. In verbis ita erat brevis, vt tamen nec necessariorum aliquod omitteret, nec frustra vllum proferret, vtpote sententiarum vberior quàm verborum. Memoria ita tenacis, nihil vt illum fugeret & ad triginta, etiam quadraginta, maximi momenti postulata, eodē tempore proposita, singillatim eo prorsus quo petita erant ordine, nonnumquam responderit. In conferendis dignitatibus tam civilibus, quàm Ecclesiasticis, ad stuporem vsque pru-

prudens, & quod rarissimum, supra modum felix. Virtutum omnium vti cultor erat, ita fuit & admirator, & quos virtute quapiam nosset eminere, eos pro ratione status euehere ante alios studebat. Iudicij adeò perspicacis & lyncei, vt vel semel visum hominē intus & in cute nosset, tamquam si decennium illo familiariter esset vsus. Innata ei licet esset Regia vultus & verborum grauitas, comis tamen in primis erat ac facilis; & quos ab emicante maiestate veluti sideratos & consternatos cernebat. suo ipse vltro alloquio recreabat, ac velut sibi reddebat. In promissis erat constans, neminem fallens, nihil cupiam quod non præstaret, addicens. Ingruente desubito difficultate nequidquam de sede mentis mouebatur; sed quæ facere decreuerat, intrepidè perurgebat. incidentia pericula, inopinatum damnum, graues aliorum minas, & arma intentata, non secùs despectabat, quàm si leoninum illi, non hominis, cor fuisset. Nihil vt fuerit vnquam, quod illum aut ab addicta fide, aut verbo dato, aut eo quod rationi foret consentaneum, dimouerit; quòd illius constantia & mens esset immobilis, & rupem quis ante, quàm ratione nitentem illius animum, de loco mouisset. Hoc persapè ei in maximi momenti rebus vsu venisse vidimus, quarum etiam felix & optatus fuit exitus: magis vt vno illius verbo, & nuda spōsione, quàm

validissimo propugnaculo niti quis posset.

Vultus illi semper ad placidam lenitatem, ad iracundiam, feritatem aut toruitatem numquam compositus. sic & verba semper æquabilia, matura, & in rebus aliunde incidentibus, lætis, tristibus, paruis iuxta ac magnis, solita temperie referta fluebant; semper vt sui esset similis, nec verba, nec colorem subitis in casibus mutaret, vultum uero contraheret, ac si omnis sensus fuisset expers. In sermone ita sedatus apparebat & compositus, quasi verba octiduo antè esset præmeditatus; vnde fiebat, vt & nullum proferret non necessarium, & necessariorum nullum prætermitteret. Omnia denique illius tum dicta, tum facta, ex arte composita dixisses; quibus, nisi omnem sensum illorum & artem peruertere velles, nihil addi, demi nihil debere aut posse videbatur.

A mendacio ita erat alienus, numquam vt illud protulisse auditus sit, & Principis esse diceret longè supra omne mendacium eminere; ipsum, euidentis animi timidioris, etiam perfidi, ac fallere cupientis, (quod Principis magnitudine nimis quàm indignum est) signum esse existimans. hinc vniuersa eius verba ab omni erant mendacio fucoque aliena, at sincera, & cum eo quod pectore claudebat, mirè colludentia.

Nemo illum, aut ob prospera plus æquo
gau-

gaudentem, aut ob aduersa vultu deiectionem vidit; nemo quoque ulli præterita præsentiaq; exprobrantem beneficia audiuit. In morbis omnibus (quos habuit multiplices) tantā prætulit constantiam, vt supra hominem ea esse videretur: hinc eum in torminibus aut cruciatibus nemo audiuit queritatem, nemo vultum solito vidit contractiorem, nemo oculos dolorem testantes, nemo frontem rugatam, nemo os contortum, nemo colorem natium immutatum, aut vultum præ pallore luridum, ne quidem in supremo vitæ articulo, cum iam intaminatum in summi Iudicis manus spiritum esset emissurus.

In bellis porro, media inter arma ita agebat interritus, & in castris urbiumq; obsidiis aded securus, tamquam si per amœnissimum domi hortum satellite multiplici cinctus obambulasset; centuplo plus animi præferens, quàm corporis vires paterentur. tam quoque intrepidus vera inter arma, eorumque discrimina versabatur, quàm domi aliquis inter picta in aulæis bella & maris tempestates, nullum casum aut inexpectatò incidens periculum extimescens; tamquam si vitæ dispensator Deus aliunde incurrentium malorum eum securum esse iussisset, & ipse plures Bruxellæ in arca reclusas habuisset vitas, quas, vnâ sub armis amissâ, redux ex ordine reassumere posset. Si
vidis-

vidisses equo insidentem, de priscis aliquem heroibus (adeò scitè & decorè cum moderabatur) videre te putasses: & quia scientiarum omnium, ac Matheseos imprimis, gnarus erat in paucis, hinc munitionibus castrensibus coràm inspiciendis, tum veris, tum vmbaticis, summopere capiebatur. Ne verò te diutiùs verbis detineam, ita vniuersa illius vitæ ratio, ad instar horologii contemperata erat, vt etiam in cibo, potu, somno, omnibusque homini necessariis exercitiis eo nemo posset esse moderatior, & magis ad normam compositus: vt omnis illius vita portentum esse potiùs, quàm hominìs vita videretur; simul & omnium virtutum prototypon, ad quam non Reges solùm & Principes, sed & Religiosi, qui se à rerum mundanarum turbis & strepitu Dei causâ sequestrarunt, vitā componant suam. Ita quippe seruiebat Deo & virtutibus, tamquam si non aliud totâ vitâ fecisset; ita omnibus prouinciarum suarum commodis & necessitatibus consulebat, ac si nullis præterea rebus intendisset.

Quantus omnium sæculi huius magnitudinum atque honorum fuerit cōtempтор, tum liquidò testatus est, cùm oblatum secundò ab Electoribus Imperium, antè quàm & frater illius MATTHIAS, & FERDINANDVS ad id assumerentur, repudiavit. Quàm enim paucos reperire est, qui oblatos sibi vel fasces, vel sceptrā,

&

& diademata generosè reiecerunt! quàm pauci, etiam eorum qui omnem sæculi fastum & pompam perosi vni Deo seruire se velle aiunt, sublimiores gradus subterfugiunt, cùm ad eos capeffendos, non dico compelluntur, sed tantum deliguntur aut inuitantur!

PELAG. Postrema hæc longè me, quàm priora, magis recrearunt. Sed quid tandem Belgio huic fiet? quousque omnes suos Rex noster thesauros illi iuuando infumet? quamdiu fertiles auri messes, quas illi quotannis profert India, vni huic frustra impendet? Supra bis centum & quadragenos auri milliones bello Belgico Reges nostri insumpsere; & cùm ante id vix vllæ in Belgica essent opes, iam passim prouinciæ singulæ auro & argento abundât. crediderim nostris omne, quâ patet, Belgium ducatis propè posse consterni; & interim Hispaniâ totâ aurum & argentû iam exulat, illiusq; in locum ærea de Belgicis cacabis procusa pecunia successit: sæpè vt putarim, satius & consultius facturum Regem nostrû, si hæc prouincias repudiando desereret, quàm vniuersum thesaurum illis tam irritò euentu prodigè impenderet. Hac ille sibi pecunia vniuersæ Africæ imperium haud ægrè parasset, & sparfos per Indiam regulos Hispanico sceptro vertigales fecisset. Quod verò maximè deplorandum, nondum belli finis, nondû prouincia aliqua

aliqua de hostilibus Regi accessit. hodie enim Regij urbem aliquam occupant, cras aliam rebelles, in orbem velut vices alternando; & post tot annos eodem res manet in statu, nulla notabilis obtinetur victoria. Itaque non solius Hispaniæ, sed & omnium ei subiectorum regnorum, exhauriuntur opes, incolæ, potentia, nerui, idque irritum semper conatu, & orbis totius cum explosione, cum vniuersam cum suis opibus & regnis per orbem sparsis Hispaniam, duabus tribusque provinciis, & paruis quidem, sexaginta propè annis iugum imponere non potuisse videt.

BONAVENT. Erras, mi Pelagi, erras, & quidem grauissimè, dum Belgicas hasce provincias tam parui facis. sed ignoscendus error, illas ignoranti. Etenim non semel, sed sæpius, non vltimos gentis nostræ procères & nobiles, qui Belgium frequentarant, audiui, dicentes, si sibi aut Hispaniæ, aut Belgij possidendi optionem regnorum dator faceret Deus, illam huic se postposituros. Nec id tute miraberis, si vniuersum Belgicarum provinciarum corpus iunctum consideres. An Murcia, Valentia, Cantabria, Aragonia, aut alteri cuiquam Hispaniæ regno Belgium par existimas? Plures sanè id ambitu suo, non adeò magno, elegantes, magnas & copiosas vrbes complectitur, quàm vniuersa Hispania simul & Lusitania, quàm etiam tota aut Italia,

Italia, aut Gallia, aut Germania, imò plures
quàm iunctim Italia & Gallia. Illius, & ciuita-
tum eius, ea est munitio & potentia, nullum vt
in orbe regnum habeat munitiores. Agrorum
& nemorum amœnitas, eorumque diuersus
aspectus, nullo satis exprimi calamo, nec ver-
bis potest. Ea quoque maris, ac fluuiorum, qui-
bus passim ceu venis corpus hoc Belgicum in-
tersecatur, est oportunitas, vt nulla ei quoad
hoc regna paria sis visurus.

Terræ totius is est prouentus & vectigal, vt,
si vni vniuersa Principi pareret, & Batauca-
rum quæ modò est forma regeretur, quinde-
nos auri milliones & amplius in annos singu-
los ei penderet. Imò libelli cuiusdam, anno
superioris sæculi nonagesimo Amsterodami
euulgati, auctor scribere non est veritus, è se-
ptemdecim hisce prouinciis quotannis centum
& quinquaginta florenorum milliones facili
redigi negotio posse, si Primò, immobilia; Se-
cundò, esca omnis & potus, vsuque consum-
ptibilia; Tertiò, inuectæ euectæque merces,
nonnisi mediocri & moderato tributo graua-
rentur. Quod ille quidem ad oculum osten-
dere se posse putat, & de facto conatur; at ego
id asserere nec velim, nec ausim: quòd æquo
maior ea argenti vis videatur; tametsi auctor
eam nullo negotio subducatur. Nam si vel so-
lam cereuisiariam cõsumptionem consideres,

com-

comperies hisce in terris quotannis plusquam
quinquaginta supra centum vasorum cereui-
siæ millia bibi & consumi. singulis tam patriæ
quàm externæ cerevisiæ vasis indiscriminatim
binum florenorum grauamen imponatur, de-
nos florenorum milliones annuè hinc rediges.
Transitum deinde ad vinum fac, & videbis
plusquam tricena Rhenani, Gallici etiam plu-
ra, Hispaniensis vini minimum quina vasorum
millia in Belgium aduehi. singula pocula ma-
iora quinque graua stufferis, & quatuor facillè
florenum milliones reperies. Si in potu hoc
grauamen toleretur, non sunt ab eo frumen-
tum quodlibet, caro, butyrum, caseus, pisces,
lignum, cespites, aromata, sacharum, rubia, sal,
oleum, acetum, lupulus, alumen, ferrum, plum-
bum, stannum, æs, hydrargyrum, gallæ, plum-
bago, sulphur, minium, rubrica, salpetræ, alia-
que terris effodi solita; saxa, muscæ Indicæ co-
lori firmâdo accommodæ, tabacum, smegma,
& quidquid ad hominis vestes & ornatum
quoquo modo necessarium est aut vtile, nec
non reliqua quæ corpore consumuntur, exci-
pienda. & sola consumptibilia annis singulis
quadragenorum millionum prouentum dare
posse ad oculum videbis. Nec minor elatarum
illatarumque mercium sua per vectigalia erit
prouentus. His bonorum immobilium ac do-
morum, & singulis hominum capitibus imposi-
tissimi

fitum tributum adde; & incredibilem inde pecuniam, & supra centum florenorum miliones certi prouentus conficies.

Belgis porro ad victum & vsum necessaria, præter salem, oleum, vinum, domi omnia nascuntur. nullum tamen reperiās regnum, quod plura, aut magis varia, habeat vina; etenim Hispaniense, Germanicum & Gallicum, tam in Belgio redundat, quàm in terris vbi natum, & sub torculari gemuit. Ipsius quoque flumina ita pisculèta sunt, & omnigenis piscibus abundant, vt hinc quaquauerſum ad externos euehantur. Veruccina & bubula mirè hîc sapit; vtî & auium tam altitium, quàm siluestrium genus omne, quarum maxima hîc est vis. butyri denique & casei ea est copia, vt butyro, caseo & lacti propè tellus omnis innatet, & non nemo non sit veritus dicere, tantum vnica Hollandiam suis dare lactis, quantum suis Gallia vniuersa vini. Lineo Belgium panino ita abundat, vt vniuersum propè orbem eius faciat participem; vtî & lanei, & aulæorû scitè textorum, quæ per omnia Europæ regna ac prouincias, etiam Turcarum imperium, & vsque in Sinas & Iaponios vltimos, Africam item & Asiam, & alio sub sole calentem Americâ auehuntur. Pictores habet & arte præstâtissimos, & numero plurimos, vt vnica Antuerpia, vrbs non adeò ampla, plures pingendi artifices alat,

C

quàm

quàm vniuersa simul Germania, Gallia, Italia, Hispania. Quæ verò hîc fiunt opificia mechanica, opera & instrumenta, omnia terrarum exterarum opera elegantîâ & arte superant. Incolas videbislinguarum peregrinarû, etiam diuersarum, ita peritos, vt in alienone quàm materno idiomate versatiores sint addubites; & non rarò, etiam mulieres, quinque diuersis linguis loquantur; paucos quoque reperias, qui non saltem binas ternasûe calleant.

In studia & litteras naturâ propendent, & laborem eorum quàm aliæ nonnullæ gentes, ferunt faciliùs: quod quælongè pulcherrimum, nulli non arti scientiæue sese applicant, Iurispudentiæ, Theologiæ, Philosphiæ, Mathesi, litteris humanioribus. Linguarum Græcæ, Hebraicæ & aliarum externarum, quibus doctrina traditur, cognitione, & imprimis Latinæ, ita excellunt, vt hanc quis iis natiuam existimet: Latinè autem dum scribunt, eam spirant elegantiam, vt stupori sint omnibus, adeoq; nulla aut ars est, aut scientia, quam ignorent. Innatum quoque illis dicas, cum exteris omnibus sine difficultate, fastidio & dissensione conuersari, illorum genio ac moribus quàm scitissimè se attemperando. Iouiales vt plurimum sunt, in amicitia fidi, colore vultus elegantî, nec contemnendo; indole, complexione & staturâ bonâ; robusto, vegeto, & bene composito corpo-

re. Quid de deteriore feminarum sexu dicam? acupingunt propè omnes, & in omni panni genere; in cultu & nitore corporis, domusque supellectile, ad stuporem, nè dicam superstitionem, nitidæ; quodque mirere magis, non minùs solerter & industriè omnia mercimonia genera tractant, quàm viri.

Maritimæ & naualis rei cognitione quæ Belgicam gens superet? iam orbem terræ enavigasse, apud eos ludus est. Qui vbiuis gentium, in exercitibus robore & audacia præstant, Belgas esse comperies. Wallonicus peditatus audacia, generositate, constantia, & omni quæ militem decet dote, inter omnes gentes fert primas. Equitatu quoque valent & præstant Belgæ omnes, at maximè Geldri, Campinienfes, Transmosani, & illis vicini. In arcibus urbibusque communiendis nullos eis habebis pares, vti nec in operibus naualibus, maritimis, & aquaticis. In inueniendo indagandoque videbis solertes, in exequendo constantes & nauos, mille per artes & vias ad præfixum sibi scopum peruenire conantes.

Quæ cum ita sint, mirum sanè non est, tantum Belgio suo aut recuperando, aut tuendo, Regem auri insumpsisse. quid enim ducenti sunt & quadraginta auri milliones in sexagenos quibus Belgicum duravit bellum, annos dispersiti? quatuor pro annis singulis? aduersa-

rios certè, quotannis nō pauciores, tam è comestibilibus prouentibus & vectigalibus, quàm accepto à Gallis, Anglis, Venetis, & Protestantibus Germaniæ Principibus, auro redactos, insumpsisse comperiemus. Imò, nō ita pridem Gallicum quoddam scriptum, sub nomine, *Auis d'vn Theologien sans passion*, prodiit, cuius auctor vt certum asseuerat, Regem qui nunc est Galliæ Ludouicum XIII. pauculis annis bello quod aduersus regni sui rebelles Hugonottas suscepit, supra ducentos milliones impendisse; adhæc, septem vno eodemque tempore exercitus stipendiasse, duos terrestres in Gallia, vnum mari, quartū aduersus Genuenses, quintum in Valle Tellina, sextum in Batauia, septimū denique sub Mansfeldij ducatu; vt tamen auxiliares Palatino aliisq; Germaniæ Proceribus, Cæsari aduersantibus, & Danorum Regi submissas copias, iis non comprehendat. Proinde mirari non debes, sexaginta annorum bello, aduersus potentissimos Europæ totius Reges & Principes, Batauis sub signis suscepto, vltra ducenos & quadraginta milliones tum terra, tum mari Hispanum insumpsisse. potius mirari, cum in omnibus hisce bellis, tam variis tamque potentibus inimicis in partem venientibus, tam paruatam impensam fecisse: cū Regis è pecunia annuè submissa, plus in emeritos officiales, stipendio-

pendiorum auctoramenta, Reformatos ministros, sumptuum tolerandorum subsidia (*adiudas de costa* vocant) aliasq; non necessarias impensas, quàm in de facto pugnantes & merentes milites quotannis sit infumptum.

PELAG. Quid audio? propè sum vt mentem & conceptum de Belgio iudicium mutem. Numquam enim mihi hæc in mentem, ne ad aures quidem venerunt.

BONAVENT. Vix mediam eorum quæ præsens apud eos vidi, partem tibi commemoro. Quod regnum aut prouincia, sexaginta propè annis intestinum & ciuile bellum ferat? & cum summa illius moles penè semper Brabantiae, Gelriae ac Flandriae incubuerit; illas tamè si inspicias, ita opulentas & feraces videbis, ac si hostem nullum, exercitus nullos sensissent. Incendio integri absumantur pagi, & quidem millenarum familiarum, anno, vel certè dimidio, vix elapso, ita videbis omnia instaurata, nullum vt deflagrationis appareat vestigium. In quo incredibilis Belgarum solertia, & indefatigabilis animositas elucet, quam sæpè mecum ipse tacitus sum demiratus. En tibi aliud animi Belgici argumentum. Tentarunt (intentatum id hactenus iam inde ab orbe condito) per Balticum Arctoæque glacie concretum pelagus (quis credat?) in Orientem penetrare, securibus sibi ac nauibus per glaciales illos montes,

iter parantes ac secantes, identidem noctu & interdiu, tractus illius feris ac belluis epibatas infestantibus. Repete deinde tecum quidquid tam orientis, quam occidentis Solis per Indiam & gesserint & tulerint, & nullos id Reges tentasse, aut fecisse hactenus deprehendes; mille per discrimina tam intrepidè ac securè nauigantes, ac si epulas adissent.

Intuere eandem animositatem, etsi in causa non bona, etiam prudentiâ, versutiâ, simul & industriâ succinctam. An non Bataui ita rem suam egere, vt cum omnibus propè orbis Regibus & Principibus societate aut foedus inierint? Sic Gallorum Regum auro & milite, bellum sustinuerunt: sic Angliæ Regis, & omnium propè Germaniæ Principum suppetias annis singulis impetrarunt. Sic per vniuersam Germaniam turbas concitarunt, incolas eius ad iugum Imperatorium & domus Austriacæ excutendum instigando; sic Gaborem ad res novas moliendas, Turcam ad bellum Cæsari mouendum missis legationibus impulerunt: sic Palatino Bohemiæ coronam imposuerunt, Danum in Germaniam euocarunt, Sabauda & Venetis auxilias copias miserunt; Rupellenses & Hugonottas Gallos ad Regi suo rebellandum animarunt. & ipsi interea, Gallorum socij, amici & clientes (in quo sanè magna opus dexterritate fuit & calliditate) mansere.

En tibi aliud æquè insigne insuperabilis illorum animi exemplum. Hi ipsi, tribus iam proximè elapsis annis, centum & ampliùs onerarias, rebus omnibus necessariis, armis. & in biennium trienniumue duraturo cōmeatu optimè instructas naues, variis sub ducibus, in Occiduum orbem, incomparabili dispendio emiserè; quarum pars potissima nostras in manus incidit, pars tempestate iactata disperiit. Quarū impendia si subduxeris, & vnicuique naui triennali suo commeatu instructæ, centum florenorum millia assignaris; vix decem millionibus classes illas parari potuisse comperies. Apud Orientales quoque Indos, non minorem, sed (prout æstimarunt nonnulli) etiam maiorem quàm apud Occiduos, nauium iacturam sunt passi. Quod verò à Dunkerkanis tam in nauibus, quàm halecum piscatu disturbato & intercepto, tulere damnum, quinque florenorum millionibus vulgò æstimatur. Viginti quoque millionum, Bredanzæ obsidionis causa, quod fecere impendiū, nec ipsi dissimulant, sed scriptis editis euulgant: vti nec octo cum dimidio millionum æs alienum, cuius versuram & fœnus mutuanti bus quōtannis persolunt. Nondum tamen animo cadunt, sed ad terra marique nos oppugnandos identidem se parant; vt taceam, illos Dano menstrua aduersus Cæsareanos, tum militum, tum pecuniarum,

subsidia mittere; nouas quotidie naues instruere, & ad nuperam illam Britanniae Regis aduersus Hispanos, & Galliae aduersus Rupellanos, comparatam classem, non paucas cum Admiralio suo naues addidisse; aliis denique Protestantibus Principibus auxilio venisse.

PELAG. Meritò sic censes: at mihi id nunquam in mentem venerat. Verùm, cur tibi Belgicae prouinciæ Hispano Regi adedò necessariae & utiles videntur, vt nulla eas ob impendia, opum patriarum euerfionem, ac labores, fas illum sit deferere.

BONAVENT. Intuere primùm illarum situm. Galliae, Angliae & Germaniae conterminae, illarumque velut frænum sunt: vt quisquis has possidet, multum ille in vicinos omnes iuris, & penè imperium habeat.

Secundò, ipsiusmet Hispaniae vallum quodammodo sunt, & munitissimum aduersus omnes, à quibus impeti posset, aduersarios propugnaculum: solae enim plusquam satis sunt, ad omnium Hispani nominis hostium impetum aut infringendum, aut excipiendum.

Tertiò, quamdiu harum prouiciarum Rex noster dominus erit, non est quòd aut Galliam, aut Angliam, aut Germanos metuat. aduersus Hispaniam enim insurgere quiaudeant, cum timent, ne à Belgis (quorum is situs est, vt nullo non tempore in vicina regna impetum
facere

facere possint) domi inuadantur, & irreparable damnum patiantur?

Quartò, vbi plenum Belgij Rex imperium habebit, habebit & maris, atque in eo orbistotius: & nullius Regis ea erit potentia, vt Hispanum, quamdiu mari imperabit, inuadere audeat.

Quintò, putasne, si prouincias Belgicas à se Rex abdicaret, fore vt, quos ipse habet æmulos & hostes, eum Hispania sua quietè frui sinerèt? Si, cum Regis exercitum propè intra viscera sua habeant, Hispaniam nihilominus atterere & arrodere iam tentent; quid facturos putas ab hac timendi occasione iam liberos? Vides ergo, longè satius, securius & consultius esse, procul à sua Regem Hispania bellum alere, quàm id domi & in visceribus regni experiri.

Sextò, verum esseprehendes, quàm rarissimè ea quæ latè patèt regna, ab armis quietem habere, & non semper aliquoseis aduersarios exoriri. cum ergo alterutrum necessariò deligendum sit, præstat haud dubiè, foris & procul à sede Regia, belli palæstram statui, quàm in regni medio.

Septimò, prudentissimè sanè magni Reges, (quibus numquam potentes desunt æmuli) agunt, dum continuò, ad omnem inopinatum hostium incursum, exercitatum in armis militem, & varias peditū & equitum copias alunt,

C s quas,

quas, cùm opus fuerit, in aciem aduersus aduersarios educant. Regni quippe totius salus in discrimen adducitur, cùm repentinis in casibus, in exercitatos nouus è tirocinio miles educitur. Regis ergo nostri permultum interesse puto, quòd in armis natum & adustum, & belli peritum militem sub signis continenter habeat, quem quocumq̃ue libuerit, mittat pro Rege suo vitam exponere promptissimum. Vt taceam, per assiduum hoc armorum exercitium & vsum, non paucos duces & Imperatores potiri, & velut exsculpi, quorum Rex operâ variis in prouinciis, pro rerum euentu, suum in obsequium vti valeat.

PELAG. Bene quidem prudenterq̃; tu hactenus; at quomodo has sub imperium suum prouincias Rex redigat? quis facere se posse dicat, quòd ne primi quidem orbe toto duces, Albanus, Ioannes Austriacus, & Parmæ Dux, ne Magnus quidem ALBERTVS facere vnuquam potuerit? quæ ergo nobis, post tantum tantorum conatum, spes reliqua? nõne stultum, felicem aliquem post tot irritò euentu labores, exitum sperare velle? Nihilominus quidnam hac de re ipse sentias, scire ex te velim, vt qui iam inde à belli Belgici initiis ad inducias usque, omnibus vrbiũ oppugnationibus & præliis pro Rege susceptis interfuisti. Si enim fieri non posse putes, vt rebelles hi subigantur, & in
iura

iura Regia armis compellantur, curtantas Rex
 noster sine vlla profectus spe impensas subeat?
 quis in irrecuperabilia & impossibilia opes
 effundat? non satius, aurum & militem domi
 tenere, quàm ipsum, sine omni rebellium ho-
 rum subigendorum spe, profundere, ne dicam
 prodigere?

BONAVENT. Benedicis: cùm stultum sit vo-
 lantes per aëra vellē aues coëmere; stultum,
 impossibilia sperare; stultius, illis acquirendis
 thesauros, honorem, vitam & sanguinem in-
 sumere: & consultius, pecunias arcā continere,
 quàm temerè in minimè parabilia expendere.
 At numquam impossibile putavi, provincias
 has sub Regis nostri iura posse redigi: etiam,
 post tam præstantes ac magnos Imperatores,
 desperare hīc nolim; & quamquam id arduum
 fore non diffitear, non. is tamen rerum mihi
 videtur esse status, vt omnem penitus spem
 abiicere, animumque despondere nos oporteat.
 Quis vñquam credidisset fore, vt Augu-
 stus melius ac securius Rom. Imperium, quàm
 qui ipsum condidisset Iulius Cæsar, possideret?
 quis, vt Martius, duorum profligatorum exer-
 cituum Romanorum collectis reliquiis, iis que
 perexiguus, duos Pœnorum, victoriis priori-
 bus etiam inflatos, exercitus cæderet? quis, vt
 Numantia, non ita magnum Hispaniæ opi-
 dum, viginti per annos variis Romanorum
 exer-

exercitibus nō resisteret modò, sed & cládibus sæpè attereret, fugaret ac profligaret? Quis credat, Hollandiam ac Zelandiam, de septemdecim prouinciis duas, sexaginta ferè annis, aduersus potentissimum orbis totius Monarcham, non sua solùm defendendo, sed & Regias, variis orbe toto locis, ad Orientem æquè atque Occidentē, imò & in ipsomet Hispaniæ corpore, terras impetendo, terra marique bellum gerere potuisse? & huius belli incendio nondū sopito, sed vigente, sua in Germaniam, Bohemiam, Italiam, Galliam arma intulisse, & per vniuersum propè quā patet orbem eadem circumtulisse? Nihil vt sit, quātumuis arduum, quod, cū animosè, prudenter, sapienter, constanter vrgetur, non opratum ad exitum possit conduci. Quis item credidisset fore, vt Ioannes Austriacus pugillo militū, validissimas instructissimasque Ordinum copias ad internecionem deleret? Quis, vt MARCHIO SPINOLA Bredam obsideret & expugnaret, penè ad denarium passuum in circuitu millia ipsam vallis & aggeribus circumcingeret, ac ducētis castra sua propugnaculis cōmuniret, hoste permittente, nec se mouere auso? cumque hac in obsidione omnis castrensis apparatus & comneatus octo mensium spatio, terrestri octo leucarum itinere, & quidem curribus & carrucis, conuehi deberet; & ipso exercitu hostili, Gallicis ac Britan-

tannicis auxiliis suffulto, & Gallica, Britannica, aliarumque potentium Rerumpublicarum, Principum, ac Statuum pecuniâ collecto inspectante; quis credat, toto illo tempore ne vnum quidem nostrorum comitatum ab illo aut tentatum, aut inuasum? & Mauritium, post militarem tot annorum usum, tot felices expeditiones, tot illustria stratagemata, non semel tum suis, tum Regum sociorum armis, quibus cum potestate præerat, aggeres nostros, & in illis erecta propugnacula, tam latè diffusa patientiaque, aggredi ausum? cumque SPINOLAM paulatim copias colligere, vrbi que ad mouere propius cerneret, suæ (qua valebat plurimum) prudentiæ oblitum, de omnibus ad obsidionem tolerandam necessariis rebus vrbi suæ non melius prospexisse? & cum omni Batauica solertia, cum omni sua maritima potentia, cum omnibus acutè adiuuentis alibi felicissimè sæpius probatis, cum omnibus suis nauibus, cum hîc perfractis, alibi oppositis, aggeribus, ne hilum profecisse? & ore tenuis iactatam, sed numquam re tentatam opidi vnus liberationem, Batauis vicenis florenorum millionibus & amplius, (ac quidem frustra) stetisse? Mauritium verò, cum sciret in quot menses de comœatu Bredæ esset prospectum, alias interim Regias vrbes, quibus satis prouisum non erat, non tentasse, quò SPINOLAM à Breda auocaret, aut eius
 saltem

saltem copias distraheret? Quis credat, hunc ipsum SPINOLAM, cum vallis & propugnaculis de sufficienti milite prospexisset, cum reliquis Mauritium ac Mauritianos vndiquaque communitos, aperto in campo copiis expectare, quin & ad prælium ineundum laceffere ausum fuisse? hunc verò, tot copiis instructum, suis se castris continuisse, ne leui quidem, vt illustre nomen suum quiescendo non obscuraret, velitatione tentatâ? Mira hæc sunt, & propè fidem superatura, nisi passim editis libris omnium in ore ceu certa versarentur.

PELAG. Verè quidem tu hæc, sed scire exte peruelim, qua Rex rebelles via edomare, suisque iuris facere possit?

BONAVENT. Viam quidem & modum ignoro, non tamè penitus impossibile id esse duco.

PELAG. Sententiam tuam tantum audire volo, quemq; commodissimum modum existimes, mihi proponi: cum illum aperiendo, nullum aut honori, aut facultatibus tuis damnum creaturus, at tibi me quam deuinctissimum, beneficiiq; huius perpetuo memorem, & quâ potero remuneratorem, redditurus sis.

BONAVENT. Cum tam studiose hoc à me ipse efflagites, liberè candideq; mentem tibi meam aperiam; at magis, vt tibi gratificer, quam vt quæ dicturus sum, ceu oracula & notatu digna haberi velim. Scias ergo, non aliter hæc à

me dici, quàm vt tuæ curiositati nostræque necessitudini morem geram, cùm noris, nihil esse quod tibi amicorum intimo negem. Aurès igitur ad temerarias opiniones has meas arrige, & audaciam meam vni tibi, qui ad hanc me compulisti, imputa.

Primum ergo sibi locum vendicat amor & I. timor Dei, à quo vno omne descendit bonum, & à cuius invincibili manu omnis expectanda victoria est. Variis hoc tam è veteri, quàm nouo Testamento depromptis exemplis possem confirmare. In nouo quidem Constantini Imper. cum Maxentio & Licinio, Heraclij cum Cosrhoë, Theodosij cum Eugenio, Ioannis Comneni cum Scythis, Henrici Aucupis cum Hungaris, Bodeslai & Ladiislai cum Russis, Wenceslai Bohemiæ Ducis cum Radislao; Ramiri, Alfonsi, Ferdinandi Hispaniæ Regum cum Mauris, Belisarij cum Wandalis, Narsetis cum Totila, Cataculi cum Saracenis bellantium; & aliorum plurimorum:

Et non ita pridem FERDINANDI Imp. contra varios exercitus, & infinitas propè copias diuersis sub ducibus collectas, decertantis; & quidem vno simul tempore: Ottomannicas enim ducebat Gabor Bethlinus; Protestantium, Iagerendorfius; Calvinianas, Palatinus & rebelles Bohemiæ Ordines in Bohemia; Hungaricas, Hungarus Palatinides, & alij proceres;

alias

alias in Palatinatu Durlachius, alias Brunsvico-Halberstadiensis, alias Mansfeldius: septem inquam exercitus aduersus pauxillam militum manum, quos cum BAVARIÆ Dux, tum BYC-
VOIÆ Comes sub signis, nomine Cæsaris habebant. Quis autem vsque adeò cæcutiat, vt solùm victrice Dei dextrâ, hunc victorem euassisse, hostes verò fusos, & omnem potentiam aduersariam fractam concidisse, non videat? Quisquis ergo FERDINANDVM antè paulò tot copiis hostilibus cinctum, & Hungaria, Bohemia, Silesia, Lusatia, Morauia, Austria quoque sua, & omnibus prouinciis hereditariis pulsum (vt sola propè Vienna illi reliqua esset) viderat; & eum non multò post, pulsus aduersariis, absolutum harum omnium prouinciarum videt dominum constitui; non Dei opt. maximi, suos numquam deserentis, abiectum erigentis, oppressum eruentis, contemptum & deiectum exaltantis, & aduersus omnem sæculi potentiam in se sperantes protegentis, se inuocantes exaudientis, denique in se confidentes neutiquam destituentis, magnalia obstupescet, & victricem ac beneficam illius dextram agnoscet? Antiqua miracula priscis è monumentis hîc arcessere haud est necesse, cum nostri temporis FERDINANDVS omnium Dei mirabilium sit mirabilissimum, summum miraculorum miraculum, potentiae diuinæ speculum, & euidentissim-

dentissimum Domini exercituum, contra omnem hominum potentiam, & præter cunctorum huius sæculi sapientium & politicorum opinionem, suos exaltantis exemplum.

At in veteri occurrent tibi Moses, Iosue, Gedeon, Machabæi, David, Judith, & sexcenti alij, quos tædij & prolixitatis vitandæ causâ non refero; quibus non tam propria industria, robur, animositas, copiæ, quàm Dei nutus & dextra victoriam peperit.

Videbis vice versa, impios & scelestos nunquam non Deo vindici suæ pœnas impietatis dedisse. Tales, olim quidē, Pharaon, Antiochus, Sennacherib, Nabuchodonosor, Timotheus, Nicanor, Holofernes, Apollonius, Abimelech, Achab, alij. Post Christi verò tempora, Valens, Zeno, Basiliscus, Anastasius, Heracleon, Phocas, Philippicus, Michael, Maximus, Leontius, Murzyphilus, Andronicus, & alij non pauci Byzantini Imperatores; nec non Cosroës, Totila, aliique Reges & bellici Imperatores; quibus, quia in Deum impij, in Diuos iniurij, caro post sua stetit impietas. Et quamvis initio subinde impune habeant, & prosperos expeditionum suarum successus experiantur; ut plurimum tamen cum impiis Impp. Iuliano, & Constantino Copronymo infelicitè & tragicè vitam finiunt.

Quocirca minimè dubito, quin, cum Re-

D

gem

gem nostrum Dei timentē, ac feruentissimum Catholicorum & Catholicæ religionis zelatorem & defensorem videam; iusta illius arma Deuster maximus felicitaturus, atque è contra inimicos fidei dissipaturus, illorū vnionem scissurus, potentiam protriturus, mentem erepturus, astum & artes elusurus, audaciam repressurus, vim denique & arma sit euersurus. Vnde si, vitæ correctione præuiā, vnā cum Rege, spem omnem & fiduciam in Deo colloce- mus; insignem mox, Deo dante, rerum mutationem, & fortunantem Dei dexteram videbi- mus: si modò, à parte nostra fecerimus, quid- quid humanitus loquendo, facere valemus, ni- hil inquam negligamus, quæq; ipse nobis con- tulit subsidia, quā possumus, adhibeamus. Pec- cata nostra, quæ per omnem Hispaniam inua- luere, enormia & magna, fateor, sunt; sed spero vt superioribus hisce diebus nobis euenerit id, quod olim Dauidi, cū ob præuaricationem, vlttricem Domini manum, non hostium suo- rum furorem, sensit. Etenim ipse, ceu benignus & placabilis Pater, flagitia quidem nostra in- solitā & mirabili illā aquarum inundatione eluit & expurgauit, sed ab immitibus hostium nostrorum nos manibus liberauit; vnde spero fore, vt eos ceu Absalomum & Achitophalem humiliaturus, ceu Sennacherib dissipaturus, ceu Holofernem pudore repleturus, ceu im-
pium

pium Nicanorem & Iulianum castigaturus sit.

Secundò, necessarium cumprimis, discipli- II.
nam & ordinem militarem quàm accuratissi-
mè tueri: hæc enim vbi frigescit & negligitur,
omnis militum perit generositas, animus ac
robur; & in armorum, animositatis, fortitudi-
nis, vigilantia, audacia, honoris & prudentia
locum veniunt ignavia, tædium, mollities, e-
brietas, negligentia, inertia, impudentia; & vir-
tutibus omnigena succedunt vitia. Exemplo
nobis sit miles Romanus contra Iugurtham &
Numantinos, ducibus Albino & Metello, &
idem ducibus Mancino & Scipione eductus.
quantum enim distat ortus ab occasu, tantum
fuit inter illos dum Metellum & Scipionem
duces habebant, & dum Albinum & Mancin-
um, discrimen.

Iam, quid aliud à milite, qui nullâ legum se-
ueritate coercetur, & disciplinam omnem ne-
scit, speres, quàm latrocinia, rapinas, agrorum
depeculationem, cædes, furta, matronarum ac
virginum oppressionem, & viso eminens hoste
trepidationem, metum, inobedientiam, atque
inde probrosam fugam? Magni sanè duces
semper omnimodis curarunt, militaris vt disci-
plina inter suos quàm exactissimè seruaretur,
cùm maximam victoriæ partem ab ea nossent
dependere; & illius econtrà neglectum, apud
nullam non gentem potissimam cladum, to-

talis exercituum dispersionis, & regnorum ac prouinciarum euerfionis, causam extitisse.

Nisi enim militem seueritate coërceas, & suppliciorum intentandorum metu refrænes, omnes rurales præ damni metu in fugâ ages. quod ubi fit, de necessariis alimentis quomodo castris tuis prospicere possis, minimè video, cum hæc à rusticis petantur & habeantur necesse sit. Hinc fiet, vt vel omnis exercitus fame intereat, vel ad hosti resistendum, arma uè tractanda impotens reddatur; beneuoli quoque & amici tui à te tuisque alienentur, hosti verò faueant, & cum opus erit, eius partem foueant, omnium quæ eius scire interest, certiores facientes; te verò prodant, & quoscumque tuorum tam benè quàm malè valentes, à commilitonum turba sequestratos nancisci possunt, clam de medio tollant. Quid autem cum refractariis, insolentibus, contumacibus, ducum iussa explodentibus, & proteruè in ea peccantibus (quales sunt omnes, quos suppliciorum metus non continet) militibus dux agat? Morigerum, intrepidum, impavidum, & hostes audacter simul & prudenter ad orientem, & ante mori quàm pedem referre paratum militem cupis? peccanti ne parcas, delicta singula castiga, nullumque in disciplinam militarem quocumque modo peccatum tibi sit impune.

Sed vt inculpatè & tutò in delinquentes
ani-

animaduertas, in menses singulos addita stipendia vt soluantur, erit curandum. Castigare enim, & malignè illa numerare, ferinū est, non humanum; bene numerare, ac tum delinquentium rapinas vindicare, dominorum est. nec promeritū miles supplicium recusabit, si menstruum illi exsoluas. quod cū feceris, nullum subterfugiet discrimen, nullum adire vereretur periculum, hostem non formidabit, quin vtrò in mortem ruet. Vis ergo disciplinā militarem sacrosanctam & integram, vis castris de omni re necessaria bene prospectum; vis fortem, impavidum, tibiq; in omnibus parentem militem, non contumacem, non refractarium, nulla iussa, ne mortem quidem, detrectantem? debita consuetaque pendi in menses singulos stipendia persolui curato. tunc enim nihil erit ei graue, cū sibi stipendium soluendum, ac generosè factis præmia, & mercedem meritis certò nouit rependendam. Aurum enim, simul & spes maiorum, mortem facilem, imò dulcem & optabilem faciunt.

Pudeat nos Christianos, Turcis in disciplina & ordine militari concedere. cū enim illorum castra vt plurimū tercentum bellatorum millia contineant; nullus tamen in iis auditur clamor, tumultus, blasphemia, sacrilega verba, nulla denique iurgia; vt quisquis illa videt, Religiosam se familiam intueri putet. Quæ

autem illa interfecant viæ, adeò sunt mundæ, vt ne minimum immunditiæ in illis cernere sit vestigium, quin & humanæ sordes omnes terrâ adobruantur & lateant. Exulant illinc alea, chartæ lusoriæ, ebrietas; at tanta in illis viget sobrietas, vt etiam in generali totius exercitus macello vix viginti iugulatas pecudes venum expositas videas: cùm omnis penè miles ad multos menses vsui futuram annonam, allia, cepas, rapa, cucumeres, raphanos, aliæque id genus olera, sale & aceto condita secum conuehat. siti verò sedandæ sufficit aqua. Duella, digladiationesque numquam, aut rarò admodum, ibi videre est: vnde etiam magni Solimanni tempore, in Welibegum summi inter ceteros Turcas nominis & roboris, quòd se Arssambegum, qui totius exercitus fortissimus & valentissimus habebatur, ad duellum secum ineundum prouocasse palàm iactitaret, Bassæ & præfecti castrenses grauitè animaduenterunt, aliquot eum mensibus carceri manciparunt, aliisq; infamiæ apud vniuersum exercitum notis affecere; quasi inexpiabile piaculum foret, cùm tam multi Christiani forent, contra quos vires exerere, & fortitudinis specimè edere posset, Turcam ad certamen prouocasse. Vt verò disciplina hæc melius apud eos constet, & ad hostem impetendum nemo non animetur; non nisi pro meritorum ac virtutum ratione, &
nullo

nullo stirpis nobilitatisue patriæ habito respectu, dignitates conferri solent. Atque hæc est ratio, cur vt plurimum Turcorum primores rusticum, plebeium, aut mechanicum patrem habeant, qui per robur & heroica facinora, paulatim ad amplissimas dignitates & magistratus, prout meritis quisque est, ascenderit. Imò laudi sibi ducunt & honori, plebeio & abiecto sibi ad altius fastigium aditum patuisse. Videre hinc est, quantum nos ab illorum disciplina militari, norma castrensi, in victu potuq; moderatione, continētia, quiete, parentia, prudentia, accurata in dandis bellicis muneribus disquisitione, castrorum mundicie, duella ambientium poenis; blasphemiarū, conuitorum, alearum, chartarum, ebrietatis, aliarumque illecebrarum vires destruere natarum proscriptione, absumus & illis concedamus.

Tertiò, vt autem disciplina hæc commodè seruetur, Regiæ pecuniæ prudenter, & nonnisi in res necessarias erunt expendendæ. cui rei cum primis vtile futurum arbitror, duplex Regiarum pecuniarum ærarium constitui, cui & duplices custodes præficiantur. Priori eas asseruari vellem, quæ militi præsidario, in bellū necessario, & pugnanti, in stipendium sint exsoluendæ. stipendia autem singulorum, quantum commodè fieri posset, æquari, vt nec huic maius, illi minus persoluatur. peditum quoque

omnium nonnisi duos constitui ordines & genera, sclopetarios scilicet & hastarios; & illis eiusdē omnes capacitatis & magnitudinis sclopos, vt glandes omnes quadrent omnibus, dari; hisce verò æqualis longitudinis hastas. vtrisque autem menstruē quindenos; equitibus, cuiuscumque demum generis sunt, tricenos (exceptis iis qui aliquo funguntur munere) florenos Brabanticos stipendij loco numerari; id quē certò, ne quam miles aliena rapiendi, dux verò delinquentibus ac rapinæ reis necessario parcendi occasionē habeant. Si nec negentur, nec prorogentur stipendia, non est quòd vllas militum seditiones Rex vereatur. quæ sanè in Belgio aut amissarum vrbium ac regionum, aut non relatæ de hoste, cū referri commodè potuisset, victoriæ causa potissima fuere. Sic Ziricseam, Goesam, & Tolam, simul & in quibus singulæ sitæ sunt insulas amisimus, atque earum incolas ad indignationem, & à Rege suo auersionem concitauimus. His quoque Frisiæ totius, & aliorum plurimorū opidorum & arcium, à quibus totius rei salus & incolumitas dependebat, amissio ascribenda. Sic & primariæ Hollandiæ ciuitates, ob malignè numeratum præfidiario & castrensi militi stipendium, Regi sunt ereptæ, & hosti se submittere coactæ. Itaque iam pridem pacificum Belgij totius imperiū Rex noster habuisset, si, quod debebatur

in menses, militi exsolutum fuisset. Cuius rei
mecum testes esse queunt, qui iam inde à tu-
multuum initio bellū tractarunt & viderunt.

Alterum dein ærarium, alio sub præfecto,
eas contineat pecunias, quæ in honorarias quo-
rumdam pensiones, & occultas impensas annuè
expendendæ sunt; in eos nimirū, qui post lon-
ga & multa Regi præstita obsequia, tum ob
decrepitā ætatem, tum ob vulnera & detrun-
cata membra, bello posthac inutiles esse depre-
henduntur. Inde quoque petantur donaria,
quæ variis de causis, tum bello, tum domi be-
ne merentibus, aut etiam è priuato erga quem
piam affectu, Reges pro solita & innata sibi
munificentia erogare consuevere. Hinc quo-
que deproment tam occultas, quàm notas, in
loca sacra & egenos, eleëmofynas, & necessa-
riam in splendorē superuacuum, oblectamen-
ta, palatiorum hortorumque Regionum stru-
cturam, & alios id genus vsus pecuniam. At si
vtrique ærario locupletando prouentus non
sufficiant, secundum tantisper quiescat, & pri-
mo succurrat, donec vberior nummorum sit
prouentus, qui necessarium ærario vtrique san-
guinem & succum subministret.

Quartò, cum primis vtile erit, nulli militum, IV.
aut propter generis splendorem, aut etiam pa-
rentum propriamque virtutem ac merita, sti-
pendia adaugere. Promeritis quis virtute suā

maiora est, ad altiore dignioreque gradum evehatur, è gregario milite Signifer, è Signifero Centurio, è Centurione Tribunus (Sergantum Maiorem vocamus) è Tribuno Chiliarcha & Colonellus constituitur. Ita fiet, ut indigniore gradu positus auctius habeat stipendium, cum una cum dignitatibus crescant stipendia, quibus hæc annexa sunt. Etenim ob priuata amicorum merita, alienam commendationem, generis claritudinem, aliaque de causa, stipendia alicui adaugere; ut plurimum ignauia, inertia, inuidia, contumacia, & murmurationum multarum causa esse solet: cum, qui amicis & Procerum commendatione destituuntur, se iacere obscuros, nec promoueri altius; ineptissimos vero, ignauissimos & inertissimos quosque stipendio donari vident ampliore, & (quod deterius) hos non tam promeritis, & bene factis quam muneribus & potibus aureis ad illam viam sibi sternere. & quidem adhuc imberbes & adulescentes; se vero & ætate & meritis graues negligi, neque ullam sui apud duces rationem haberi. Hinc belli in ipsis nascitur incuria, cecidit animus, exolefcit audacia, & ardor omnis intepescit.

- V. Quinto, non ante ad magistratus aut dignitates castrenses promoueri ullos velim, quam triennio quadriennioque gregarium militem egerint; neminem ad Centurionis munus assumi,

mi, qui Vexilliferi partes non implevit; neminem ad Chiliarchiam vel legionis præfecturam, qui Centurionatu probè functus non fuerit. Aliis enim qui imperabit, qui recens ab aula, aut ludo litterario? armorum peritus quo pacto erit, qui numquam hostilem vidit ensen? quo urbem modo obsideat, qui nulli obsidio interfuit, nec eius pars vlla fuit? armatos adoriatur hostes, qui arma hæcenus nulla gessit? prudentèr ac sapienter quid armatis imperabit, qui nullius armati armatus iussu vniquam excepit? Vnde efficio, hanc belli inexpertorum ad castrensia munia euectionem, certissimam totius exercitus, atque adeò regnorum, pestem esse & interitum.

An non temerarius & fatuus ille audiet, qui quam nec didicit, nec vniquam vidit, artem docere & exercere præsumet? qui domos ædificare; calceos, vestes, naues parare, pingere, agros colere; qui nullum in fabrilis, sutoria, sartoria, naupegia, pictoria & agricultura habuit magistrum? Næ longè stultius, atque etiam damnosius est, aliquod armorum imperito, & tironi nupero, in bello munus concedi. Quid? Reges ac Principes tanti momenti negotia, à quibus regionum ac regnorum salus aut iactura non rarò dependet, rerum imperitis palatinulis, imò penè pueris, committere? vicennis aut octodecennis adolescens militibus quomodo
impe-

imperet, qui numquam arma tractauit, aut castra coràm inspexit? Omitto, hacce inexercitatorum tironum promotione, veteranis omnibus animum concidere ac frangi, simul & spem emergendi adimi. Cordati proinde ac prudentis Principis erit, in castrensibus muneribus conferendis, non tam generis splendorem, amicorum commendationem, naturæ dotes, quàm armorum peritiam, exercitia & vsum, generositatem, virtutem, priora facinora & merita suorum intueri.

Sic ad Imperium orbis, vilissimos & abiectissimos quosque, etiam de triuio, peruenisse prisca historiarum monumenta testantur. Ælius Pertinax libertino natus est patre: Macrini parentes qui fuerint nescitur: Maximinus ab ouibus ad Imperium ascendit, Pupienus ab include paterna, Philippus à latrocinio, Aurelius ab aratro; Diocletianus è seruis prognatus: Maximianus, agricolam; Valentinianus & Valens, funarium; Iustinus bubulcum & deinde carpentarium; Iustinianus, porcarium, patres agnoscunt: Mauricius antè notarium egerat: Basilus Macedo parentes ignorauit, vtpote bello captus & in seruum venundatus: Michaëlis Calaphatæ pater nauibus piceandis victû compararat. Et hos omnes aut Roma, aut Bizantium Imperatores vidit. Romulus inclytæ gentis parens & auctor, parentem quem habuerit,

bruerit, ipse nesciuit; Tullus Hostilius in agresti
patristugurio primum lucem aspexit; Seruium
Tullium serua mater genuit & vberem lactauit.
Atque adeo potissimam Rom. Imperatorum
partem ex infima plebe natam, armis, virtute
& robore ad Imperium venisse notissimum est.

Et certe, quisquis in re bellica, præter virtu-
tem & armorum peritiam atque usum, aliud
quid spectat, seipsum ac sua omnia certissimo
semper discrimini exponit. Vnius quippe du-
ctoris aut Centurionis, tam peditis quam equi-
tis, fuga reliquorum omnium conciliat fugam.
Testis Gemblacensis conflictus, in quo Cen-
turio equestris, nescio qua de causa, in fugam
se coniiciens, alterum; hic tertium & reliquos
omnes, in fugam pellexit: quam fugam con-
spicati pedites, ita etiam se fugiendo distraxe-
re, denuo ut recolligi & coalescere non potue-
runt. atque hæc vnica, illustris illius victoriæ,
quam exigua militum manu, præter spem om-
nium, Ioannes Austriacus retulit, post Deum
fuit causa. Quæ cladis apud Neoportum & fu-
gæ nostrorum fuerit causa, norunt illi, qui post
insignem peditatus nostri victoriam, fugien-
tem ac cedentem turpiter equitatum conspe-
xere. Paria, in omnium gentium historiis, ex-
empla non pauca occurrunt.

Sexto, optarem, omnes turmæ pedestres, cu-
iuscumque demum sint gentis, non pauciores

trecent.

VI.

trecentismilites complecterentur; equestres, non pauciores ducentis. Regio hinc ærario plurimum emolumentum accedet: sic enim non modica Præfectorum copia Rex carebit, in quos non parua pecuniæ Regiæ portio infunditur & effunditur. Si enim singulis legionum præfectis (Colonellos vocant) cuiuscumque sint nationis, tria militum millia assignentur, & unicuique Centurioni ac Capitaneo trecenti; incredibile, quantum per hoc Regio ærario sit accessurum.

VII. Septimò, nulla omnino legio exauctoretur vel emori sinatur, nisi militum numerum minui expedierit, aut necesse fuerit. Nam veteres turmas exauctorare, & novas instituere, quid aliud est, quàm duplici & non necessaria impensa Regem gravare, & peritorum, utilium, veteranorum in locum, imperitos inutile scilicet; tirones, ingenti cum dispendio sufficere? si qua fortè legio notabiliter decreuerit, novis (quod factum haud difficile) capitibus erit instauranda, & suæ restituenda integritati.

Adhæc expedire censeo, nulli ut Centuriones, Vexilliferi, aut aliis castrensibus muneribus fungentes, emeriti censeantur, vel (ut dicunt vulgò) reformentur; sed tamdiu suum quisque munus fungatur, quoadusque per virtutem ac merita dignus iudicetur, qui ad altius fastigium & dignitatem euehatur. Etenim per
hanc

hanc munerum reformationem immensum crescunt stipendia, & pecuniæ plurimum in perpauca capita effunditur; cum his emeritis eadem stipendia numerentur, quæ, dum mererentur, quod profectò cum primis noxium est, pecuniarum vorago, & ærarij ærugo.

Meritus quis est munere suo priuari? suo quoque meritis est priuari stipendio. inutilis redditus quis, diutius ut operam suam Regi præstet? (quod rarissimum est) de honesto ei prospiciatur, pro meritorum pensitatione, ad alimoniam stipendio. Atque hanc omnibus cuiusvis gentis militibus, tum ad æmulationem tollendam, tum quòd Régis hoc interfit, concedi prærogatiuam velim. Rationi quippe consentaneum est, ut qui vni Regi merentur, etiam parientur, quò maiore vnione & concordia, animis maioribus, suam Regi operam nauent. Etenim vni concessa, alteri negata, prærogatiua, euident odij & inuidiæ seminarium est. Si enim neques promeritis, animo cadunt; & fiet non raro, ut in necessitate destituant quos sibi immeritò præpositos vident. Scio non deesse rationes, quibus vna gens alteri, quoad emeritationem, præponenda videatur: sed, re omnem in partem librata, optarem omnes eodem sub Rege merentes nationes, in stipendiis, prærogatiuis, & emeritatione æquari.

Octauò, perutile quoque foret, electiui militis,

VIII.

litis, sacramento Regi non adstricti, sed patriæ stipendiis militantis, cohortes adaugerentur: Flandria senas, Brabantia totidem, Transmonsana, Limburgensis, Falcoburgensis ditio ternas; Gelria ternas, & Transisalanix vicinus agger binas aleret; trecenta porro capita cohors quæque complecteretur. Quod enim hi capti, auro (vt alij milites solent) irredimibiles sint; hinc pro vita tuenda pugnant acrius, hosti terrore sunt, eiusque excursiones nimium quantum remorantur, quin imò plus eidamni inferunt. denique sunt in proposita militia constantiores, probè gnari aut moriendum sibi, aut vincendum; medium nihil dari. addit hoc animos, adauget audaciam; & dictu incredibile, ad quæ non stratagemata, & generositatem adigat desperatio. Quod verò illis persolendum erit stipendium, nec non reliqua necessaria impèdia, ex hostili forsitan agro posset peti. hætenus enim is (cùm tamen facillima nostris ad eum pateat accessio) grassationem, capturam, rapinam & depeculationem nostratum, menstruâ pagatim ac vikatim solutâ pecuniâ non redemit; adeò vt cuique electiui militis ductori quidam hostium assignandi sint pagi, è quibus is menstruum militi suo stipendium, per modum contributionis, educere posset.

IX.

Nonò, numerum eorum qui in castris à rationibus sunt, calamoque rem agunt, minuerendum

dum cenſeo. Eorum ergo qui nunc præſunt, nec non ærarij Regij præſectorum, tertia, imò & quarta, ad vniuerſo exercitui commodè ſatisfaciendum, pars nimis quàm ſatis foret. Octo Commiſſarij, luſtrationi militari præſecti, etiam plus quàm ſatis eſſent, ad vbiuiſ luſtrationi præſidendum. E qua numeri imminutione tam horum, quàm illorum, ærario Regio maxima fieret acceſſio; præſertim ſi ad ea munia aſſumerentur viri quorū virtus & probitas antè probata foret, vitæ integri, ab omni munerum & auri acceptione remotiſſimi, quorum vitæ ratio inculpabilis & ſupra omnem maledicorum linguam, quique nullam iniuſtitie aut alterius grauioris flagitij notam aut contraxere, aut in illius vniquam ſuſpicionem incidere, boni denique apud vnumquemque nominis & famæ, & in quibusne momus quidem, quod reprehēdat inueniat. Quales non deerunt, ſi ſua bene meritis præmia non deſint. Qui ſi vel in minimo ſuis deſuiſſe partibus & æquitati comperiuntur, grauitèr, ſine vlla indulgentia aut diſſimulatione, cuiuſcumque demum gentis, ſtatus, conditionis ſint, caſtigentur; nullus autem habeat impune, delatori verò ſua ſtet merces & honorarium.

Decimò, vt intolerabili propè ſumptu, quem X. tolerauit hætenus, Regem exoneremus, non incommodum aut inconfultum foret, (& fieri

E ~~quod~~ com-

commodè posset) si, quæ Regi adhuc parent in Belgio prouinciæ, è suis ipsæ quos habent prouentibus, omnibus omnium ciuitatum, castellorum, arcium, propugnaculorum præfidiarijs stipendia persoluerent. Sed hac seruata ratione. Primò, vt vnaquæque ante omnia nosset prouincia, quænam ad se præsidia spectarent, & sui oneris essent. Secundò, ipsæmet per delegatos & deputatos suos, necessariâ in stipendia menstrua pecuniâ numerarent & mitterent. Tertiò, nemini obolum dare tenerentur, quàm re ipsa militantibus, & operâ præstantibus. Quod certè prouincijs adeò non erit graue (cùm omnes vbiuis locorû præfidiarij vix vndecim hominum millia expleant) vt etiam vltra præfidiarios hos, simul bis mille equites Regio in exercitu alere possent, quibus per delegatos suos menstruatim stipendia persoluant.

Vt autem aliquod prouinciæ & prouinciales hoc in onere subsidii sentiant, & annui earum prouentus incrementum; certè non abs re erit si suæ iurisdictioni addictorum pagorum titulos & dominia Rex, in auctione plus offerentibus velut in pignus addicat. E qua oppignoratione quantum annuè auri redigendum sit, vix quisquam credat. Etenim in prouincijs Regiû imperium etiamnum agnoscentibus, supra quinque pagorum millia censentur: quorum millia tria ad Regem spectant. horû si is solum titu-

titulum varijs oppignorare velit, certè vniuscuiusque titulus quadringentos annuatim florenos (æquatione pagorū facta, cum hic pauciores, plures ille daturus sit) haud dubiè pendet; quorum summa capitalis & fors ad vigesimum nummum reducta, non nisi ad octo florenorum millia perueniet. Annuus autem omnium titulorum oppignorum prouentus duodecies centena florenorum millia efficiet. In pagorum numero si fortè errarim, parum refert: etenim certus eorum haberi numerus nullo negotio potest. Adhæc, si non titulum tantum ac nomen, sed & iura & iurisdictionem, pagorum in pignus dare Rex vellet, longè sanè plura, incredibili annuorū suorum prouentuum cum incremento, inde conficeret: cum iam propè omnis cunctorum illius pagorum redditus, in ministrorum, curatorum, receptorumque stipendia, aliosque sumptus depereat & euanescat; vt aperire me puderet & euulgare, quàm, ultra necessarias impensas, parum in le ad ærarium Regium deueniat.

Neque verò hæc pagorum oppignoratio Regis magnitudini & nominibus quidquam adimit aut deterit; neque enim is vlla à pagis cognomina aut titulos vsurpat. Quin & hos rursus sibi ac iuri suo arrogare poterit, cum annuo illo prouentu, quem hæc oppignoratio illi pendit, carere lubebit. Interea temporis

proventus & reditus suos immensum augebit: ut, cum hodie per annos singulos, omnibus necessarijs sumptibus deductis, nonnisi vnum recipiat, per oppignorationem hanc quinquaginta, imò centum & amplius, sine vlllo omnino onere & impendio, annuatim percepturus sit. Spondere tamen nolum, ex vnoquoque ei pago tantum quantum dixi, prouenturum; sed ex hoc pauciora, ex illo plura, pro loci situ, commodis, & magnitudine. Et esto, nonnisi mediam horum partem reciperet, prouentus tamen ille modernum quinquaginta & amplius partibus excederet.

Possent præterea sylvarum, calaminaris lapidis fodinarum, salinarum, & aliorum Regionum iurium redemptiones, carioris æstimari & inaugeri. Quæ vniuersa, ærarij onera mirè subleuabunt, & militarium stipendiorum numerationi magno futura sunt subsidio.

- XI. Vndeinò, non inutile foret, si præter præsidarios suo quadraginta peditum, & quatuor equitum millia, Rex ære in Belgio aleret, eisq; menstruatim addictum stipendium penderet. Non graue id ei aut incommodum erit, si (quod n. 4. seruandum præscripsi) nulli quidquam præter consuetum stipendiū eroget, idq; omnibus æquale; si nulli stipendium adaugeat, nulli denique nisi arma tractanti & re ipsa militanti, id soluat. Hoc ego exercitu sperem, Regem quid-

quid bello volet effecturum, quoslibet aduersarios edomiturum, ac vicinis Principibus ita terrore futurum, vt illum armis suis nec impetere, nec perterrere ausuri sint: neque eum hosti animum ac vires futuras, huic vt sese exercitui, dummodo prudens & peritus armorum dux ei cum imperio præficiatur, opponat. Sex enim & quadraginta armatorum millia, menstruè stipendiata, quid non perfringant aut edoment; si præsertim seuerè & sine vlla in delictis conniuentia, militaris disciplina seruetur?

Duodecimo, si fortè Regi, post tot annorum XII. bellum, post ducentos & amplius auri milliones huic insumptos, graue sit tantum ære suo exercitum alere; aliam tibi, qua sine vllò ærarij sui grauamine aut imminutione, non dico quatuor & quadraginta, sed centum & plura, militum millia in aciem producat & sustineat, rationem suggeram. Regna illius omnia, Hispaniam, Lusitaniam, solis Occidui & Orientis Indiam, Neapolim, Siciliam, Mediolanum, & alias prouincias tibi propone: in his supra ducenta locorum & oppidorum, in quibus centum familiarum censeantur, millia reperies. Horum locorum singulis si, præter ordinaria Regi pendenda solita vectigalia, vnius, aut etiam medij, militis stipendium persoluendum assignes; plusquam ducenta, ad minimum vltra centum, armatorum millia, sub signis habebis. Vt taceam, etiam in hisce regnis pluri-

rima locorum millia reperiri, quæ centum familias non numerent. his ergo erit medium militis vnus stipendium, vel tertia, aut etiam quarta pars, iuxta domorum aut familiarum numerum, assignandum. Non, quasi copiosa & opulenta, plurimorumque incolarum ciuitas, non plus contributura sit, quàm vix centum familias recensens pagus; sed vt, pro familiarum multitudine, loca singula viginti militum, decem, sex, quatuor, vnus, dimidij, aut etiam minus, stipendiū contribuant. Et spondere ausim, Regem centum quinquaginta, imò etiam ducenta, nullo suo impendio, militum millia sacramento sibi deuincta habiturum.

Nec nimius aut fidem excedens cuiquam hic militum videri numerus debet, cum Ferdinandi III. Regis tempore, Hispanicarum prouinciarum non maxima, Bætica, ducenta & amplius opida, & vltra centum pagorum millia numerarit. Etsi non ignorem numerum hunc iam satis imminutum esse; hinc tamen haud ægrè colligas, quanta extra Belgicas prouincias, per omnia Regis nostri dicto parentia regna & regiones, cogi multitudo queat. imò, si penitiùs & accuratiùs rem inspicias, me in minuendo potius, quàm exaggerando peccasse comperies. Ac non ita pridem à probatæ fidei viro mihi significatum est, in solo Castellæ regno plusquam octoginta baptisteriorum millia cense-
M.

Madritum tamen pro vno dumtaxat baptisterio numerando. Equo ipse colligas, quàm multi in Lusitania, Aragonia, Catalaunia, Valentia, Nauarra, Sardinia, Corsica, Balearibus, Neapoli, Sicilia, Mediolano, & vtraque in India numerari queant. Ex vnoquoque autem baptisterio stipendium in militem vnum, aut sanè medium tantum, educito; & videbis quàm potentem Hispanica regna, sine vllò Regij ærarij incommodo, exercitum sint productura.

Neque verò id mihi persuadeo Regijs subditis vsque adeò graue futurum: bonâ enim locorum & familiarum omnium in itâ distributione ac diuisione, ad illius sanè stipendia nonnisi exiguum quid domus vnaquæque, ac ne sentiens quidem, erogabit. Neque etiam perpetuum id onus futurum; sed bello finito habebit finem. Quæ quo commodiùs, minoreque incolarum cum sensu peragantur, posset, Rege annuente, modicum & tolerabile in vnoquoque loco vectigal constitui, ijs potissimum è rebus colligendum, quæ ad aduenas & peregrinos potius, quàm locorum incolas pertineant; aut, si indigenæ grauandi, ita modicum addi grauamen, vt qui illud pendit se ne pendere quidem sentiat. Neque etiam omnem hunc militem, vno simul tempore colligi aliucù necesse est; sed pro rei bellique necessitate plures pauciorescùc. Vt, si nonnisi quâdragenis aut quin-

quagenis Rex bellatorū millibus indigeat, horum stipendia vnicuique regno aut prouinciæ possent, pro cuiusque potentia, aut familiarum multitudine, persoluenda æqualiter designari.

Possset & alio modo hæc stipendiorum persoluendorum ratio iniri: nimirum vt Castella Vetus, dena; Noua itidem, dena; India Castellana detectionis & iuris, dena; Lusitania cum sua India, duodena; Aragonia, octona; Valentia, cerna; Catalaunia, dena; Bætica, quindena; Neapolitanum regnum, duodena; Siculū, septena, Mediolanensis Ducatus, octona; Cantabria, Nauarra, Galæcia iunctim, nouena; Granatense & Murcianum regnum, quatuor; Mediterranei maris & Oceani insulæ, etiam quatuor; Belgicæ prouinciæ Regiæ, sexdecim peditum millia alant. Equitatus illa è gente & prouincia petatur, quæ lectissimos submittere equites consuevit; quos quæ dabit, ei peditum minor numerus assignabitur. mille porro equitum, binis peditum & quingentis æquiualebit, aut circiter.

Qua in re quædā necessariò velim obseruari.

Primum, vt vnaquæque prouincia præscriptum sibi militem colligat & conscribat.

Secundum, si quæ prouincia tot in militiam capita è suis indigenis emittere nequeat, reliquos in supplementum aliena è prouincia eam colligere fas sit.

Tertium, omnes imperium & dignitatem castren-

castrensem habentes ex ea assumantur gente quæ stipendium perfoluit; tametsi fortè miles, quòd indigenæ non suppetant, sit ex aliena.

Quartum, vnumquodque regnum aut prouincia, militi sub ductoribus suis agenti, per delegatum & designatum aliquem, à se ad hoc muneris sigillatim assumptum, stipendium adnumeret.

Quintum, isthæc militum conscriptio, non nisi necessitate fiat exigente, & cum eam cuique Rex prouinciæ imponet.

Sextum, pro necessitatis ratione maior aut minor numerus conscribatur. maior siquidem, bello varijs simul in prouincijs exorto (putà in Italia & Belgio) quàm dum in sola Italia, militum copia requiritur. Tum etiam maior, cum tria aut quatuor regna & prouincias Regias belli flamma corripuit.

Septimum, bello aliqua in prouincia excitato, miles in alijs, pro necessitatis magnitudine, prouincijs conscribatur. ad cuius conscriptionem & solutionem quæq; suam, iuxta assignatum prius vnique numerum, symbolam conferat.

Octauum, vt in omni armorum motu & bello, præter eas quas prouincia bello ardens colligere copias iubetur, triginta peditum, & quatuor equitum millia, prouinciarum à bello immuni stipendio, ad Regij iuris tuitionem, con-

scribantur; vnaquaq; pro numero antè singulis indicto, ad triginta hæc quatuor millia concurrente. Si verò quadragenis, aut quinquagenis millibus, aut etiam pluribus Rex (quòd fortè maior sit necessitas) egeat, tot ei singulis tunc indicare milites liceat, quot ad hoc periculum auertendum opus habebit.

Neque recens id inuentum est. etenim idem olim Augustum Imp. factitasse, Rom. loquuntur historiæ: cùm enim à Marcomannis bello peteretur, nec militi conscribendo publicum ærarium sufficeret; pop. Romanus, pro facultatum ratione, militem vnum, aut duos, aut etiam plures, suo quique ære conscriptum ei submisere. quo vltro neo populi subsidio Marcomannis subactis, Rom. Imperium ab instante Augustus ruina vindicauit.

XIII.

Decimò tertio, cùm omne hostium robur & potentia mercimonijs contineatur, rebelliumque prouinciarum opes è negotiorum & commerciorum tractatione potissimum proueniant; ante omnia, & quàm maximè necessariū censeo, omnem illis negotiandi viam præcludere & succidere. sic enim fiet, vt omnes sibi neruos præcidi existiment. Iam cùm belli neruus sit pecunia, & sine hac illud omnino geri nequeat; sequitur, omni ab hoste abacto commercio, & qui ex illo sequitur prouentu, tolli quoque vnicam eius qua militi satisfaciatur, rationem. Notifi-

finum adhæc, omne illius commercium in mari, & varijs per Europâ fluminibus potissimum agitari. Huic ergo neruos si incidere velit Rex, maris & fluminum vsum ei auferat, & eneruis concidet. Fiet hoc Primò, si fluminum, quæ Regij iuris sunt, & à Regijs propugnaculis insidentur, vsum ei adimat; & imprimis Scaldis, quo Antuerpiam & aliò sua conuehit, & alia euehit; Mosæ, quo Traiectum & Venlonam; Rheni denique, quo Rinbercam & aliò.

Secundò, Visurgim & Albim primaria Germaniæ flumina, aut per se, aut per Cæsarem, qui illorum varijs in locis potestatem habet, illi occludat. hacque ratione, omne ei cum Germanis commercium, à quo potissima annuorum eius prouentuum pars dependet, præscindetur. Ipsa denique cū Gallis negotiatio aut eripi, aut periculosa admodum reddi poterit, per eam quam Fládrico in littore Rex instructam habebit classé.

Quæ ut sine ullo Regij ærarij sensu parari & adornari queat, aliquot tibi hinc rationes modestæ proponam, quæ si introduci & locum obtinere permittantur, incredibilem pecuniæ vim (quæ ad naues necessarias instruendas, & alias in amissarum locum sufficiendas requiritur) procreabunt.

Primò, omnes, cuiuscumque demum conditionis sunt, tabulæ instrumentaue, stipulationum, donationum, emptionum, venditionum, societatum,

tatum, &c. quæ coram Secretarijs, Graphiarijs, Tabellionibus, Scabinis, aut alijs quibuscumque magistratibus fiunt, in quibus florenorum centum semel res agitur, decem stuferos pendant; in quibus plus mille florenorum res agitur, viginti. simul indicatur, nullum illorum instrumentorum ratum ac legitimum fore, quod Regio non fuerit sigillo, hinc in usum sigillatim cuso, munitum ac signatum. quod valoris munimen habere qui vellet, præscripto id ære redimere deberet. Quæ consuetudo tum apud aduersarios nostros, tum alij etiam in prouincijs & regnis locum tenet. Sin hæc ratio minùs arriferit, Batauorum in hoc ritum sequi licebit. apud hos namque minus instrumentorum, in quibus tricenum florenorum res agitur, sigillum, duobus; eorum quæ adusque ducentos florenos perueniunt, tribus; quæ ad sexcentos, quatuor; quæ inde ad mille, sex; testamentorum denique & codicillorum, octo stuferis redimitur. Hæc autem ratio stipulantes minùs grauaret, & in praxi foret benignior.

Secundò, quotquot alteri litem, in qua de centum aut circiter florenis controuertitur, intentare volent, tres priùs quàm in iudicio à quoquam audiantur, & causam agant, florenos ei qui singulis in opidis & pagis hunc in usum constituetur, tamquam mulctæ nomine pendant; lite iam peracta ei accensendos, qui causa
ceci-

cecidere. si verò centum florenos controuersia excedat, actor antè quàm tribunal adeat, pro singulis centum florenis tres exponet, quos aut ipse de suo dabit, si causa cadat; aut ei reddet reus, si contra eum iudicatum fuerit: nisi fortè lite iam finitâ, iudex expensas eius compensatione quadam censeret moderandas: tunc enim victor tertiam vnam, succumbens verò duas alteras multæ partes soluere deberet.

Tertiò, quisquis perpetuam ac nonnisi cum vita terminandam dignitatem, annuè supra quadringentos florenos ei reddentem, aut à Belgarum Principe, aut Regis ipsius auctoritate posthac accipiet, mediam vnius anni prouentus, ad nauium harum impensam & subsidium, partem conferat. quod ad dignitatē aut munus aliquod aspirantibus neutiquā graue cenfeo fore. & numquam (scio) deerunt, qui huiusmodi munera libenter, esto hoc cum grauamine, etiam cum gratiarum actione sunt admissuri. imò spondere ausim, etiam totum anni vnius prouentum, quò munera quibus inhiant consequantur, Regie eos non illubenter cessuros, tum vt gratos se pro accepto munere ostendant, tum vt patriæ incolumitati hac ratione consulant, & in classis suæ structuram suppetias Regi ferant. Immenso certè, ob maximam huiusmodi munerum & dignitatum his in prouincijs copiam, auri vis hinc redigetur; & aduersus hoc

onus

onus meritò nemo occlamet aut contradicat. Idem tam in Hispania quàm in alijs regnis ac prouincijs suis vt vsurparetur, posset Rex indicere. Incredibile hinc Regis ærario & prouentui accederet incrementum, nullum verò subditis eius onus aut damnum. Vt vel hic solus prouentus, si per omnia illius regna & terras hoc locū obtineret, duas & plures ingentes in mari classes, certo cum stipendio menstuo, adornare posset.

Quartò, posset & chartis lusorijs, duorum triumue stufidorum; pari alearum, vnius grauamen imponi. Quod quamuis satis enorme videatur, perexiguum tamen est, si damna hisce è ludis prouenientia considerentur. Huc accedit, quòd nec chartæ, nec aleæ vllatenus ad hominis sint salutem vitamq; aut necessaria, aut vtilis. Imò tributum hoc forsan efficiet, vt multi damnosas has recreationes, & perniciosos ludos missos faciant. Neq; nouiter hoc inuentum est, cum Reges alij hoc ludi genus etiam multò grauiori onere grauarent.

Quintò, margaritæ & gemmæ, vt adaman-
tes, pyropi, & aliæ id genus, si quinquagenis florenis veneant, florenum pendant; si centum, duos; & sic vlteriùs, crescente pretio, crescat onus, quod vendens æquè atque emptor inter se partiantur. Ab eo tamen eæ immunes sint gemmæ & vniones, quæ in templorum orna-
tum

tum & Dei honorem cedent. Hoc autem onus nemini, credo, importunum aut molestum erit, cum gemmæ & margaritæ vix ad aliud quid conferant, quàm ad inane minimeque necessarium hominum ornamentum: qui tamen, ob exiguum hoc grauamen, vanam sese ornandi insigniendi que consuetudinem minimè deponent. Pluris scilicet sua illis est vanitas, quàm vt tantilli oneris euitandi causa, eâ carere velint.

Sextò, expediens quoque foret, omne aurum & argentum filamento serico superinductum, tenui aliqua pensuncula grauari; vnicuique inquam auri argentiue vnciæ, pro eiusdem pretij & valoris diuersitate, stufferum vnum atque alterum tributi nomine imponi. Onus hoc plebeij non sentient, sed soli opulentiores, quos tamen id ab auro argentoque emendo minimè deterrebit. Idem & in alijs pluribus, minimè necessarijs rebus, quarum apud locupletes dumtaxat vsus est, vsurpari posset: eas semper excipiendo, quæ cultui templorum & diuino obsequio adhibebuntur.

Septimò, vnaquæque vnius camini domus, in Regio imperio parentibus locis sita, quinque quotannis stufferos pendat; duorum caminorum, decem; quatuor, florenum; senum, sesquiflorenum; octo, duos; & quæ eos excedunt, tres. Quam hostis taxam velut æquo benigniorem censens, cuique camino florenum imposuit.

Vel

Vel quarumlibet ædium, per iuratos rerum æstimatores, pretia pensentur; itaque domus mille florenos valens, ducentesium, aut centesium saltem, quotannis persoluat. Quod aliàs factum non rarò: anno namq; MD.LXXXIV. septingentesimum, anno MD.LXXX. quingentesimum, anno MD.LXXVI. trecentesium, anno MD.LXX. centesium, annis MD.LXVII. LXXI. & alijs vicesimum; imò annis LXXVII. LXXXI. LXXXII. decimum, domorum ad valorem taxatarum, nummum tributi nomine datum fuisse constat. Et esset hoc onus inter conductorem & locatorem dispartendum: in eius quoque partem aliquam veniant, quibus domus illæ ad annum censum hypothecatæ sunt, quò ipsum per plures distinctum & deriuatum minus oneret.

Octauò, singulæ agrorum mensuræ ternos quotannis stuferos exsoluant, à quibus nulli, siue Ecclesiasticorum, siue sæcularium, agri excipiendi, quodcumque exemptionis priuilegium aut prætextum in contrarium opponat. Neque verò perpetuum, id onus futurum est, sed non nisi quamdiu bellum durabit: illo enim finito, finietur. Scio fore, vt proceribus & Ecclesiasticis nonnullis non vsque adeò gratum id accadat; at viso, quod hinc consequetur emolumento, & incredibili reip. Bellicæ totius bono, nullus dubito, quin oneri huic quàm liben-

bentissimè sint subscripturi , quò tandem ali-
 quando belli huius ciuilis finem videamus:
 quem profectò visuri sumus numquam, nisi ma-
 ris imperium occupemus ; quod his, & alijs id
 genus, modis haud æquè parabitur. Vnde in
 spem venio, fore vt Ecclesiastici & Præsules Re-
 ligiosi huic sint oneri non inuitia assensuri , cum
 videant quod per bellum suis in prouentibus &
 redditibus patiantur dispendium, & quod, illo
 sublato, in ijsdem sperare debeant compendiū.

Confundunt nos hostes & rebelles Bataui,
 apud quos non ita pridem domorum singula-
 rum possessores septimum , & agrorum quin-
 tum , ad reip. & communis bonum tuitiō-
 nemque nummum sese persoluturos libenter
 sponderunt. cuius oneris hoc anno collectio-
 nem (si modò vniuersæ sine vlla exceptione
 prouinciæ in ipsum consentiant) septem flore-
 norū millionibus permulti parati sūt redimere.

Certè si Belgium Regium eo in reip. bonum
 zelo ferretur, quo Bataui rebelles in suæ, dum
 septimum domorum, & quintum agrorum æ-
 stimatorum nummum pendunt, ad cuius solu-
 tionem, æquatis partibus, & possessor, & con-
 ductor , & qui è domo agroque redditum perci-
 piunt, concurrunt, è duplici hoc gratuito do-
 nativo supra vicenos florenorum milliones per-
 cipere Rex posset, cum è tribus Belgij partibus
 ferè duæ Regio imperio pareant. Non quòd

domos & agros ad septimum quintumque, Batavorum ritu, nummum taxari quotannis velim aut consulam. Absit: quamquam peroptandum foret, ut eius, quod illi, nos dimidium, è domibus inquam quartumdecimum, agris verò decimum, penderemus. Itaque supra decem florenorum milliones parari, ex iisque centum navium classis necessarijs omnibus instrui, & stipendiari posset. Ac tametsi hæc domorum & agrorum pensio dimidio foret minor, & quinque tantum florenum milliones inde conficerentur, quinquagenum tamen navium classis haud difficulter inde adornari valeret: quæ ad freti Britannici & Flandrici angustias ab incurso hostili tuendas & occludendas fortasse, nimis quam sufficeret.

Si nostrarum provinciarum incolæ, ad decem stuferos, per singula capita quotannis pendendos, induci possent, florenorum millionem facile hinc conficeremus. Etenim si verum sit, supra octingenties mille familias in Belgio numerari, & quinquies mille Belgio Regio attribui; unicuique familiæ quinque capitibus assignatis, facile duæ myriades, & quinquies millia hominum, in eo censebuntur. quorum singuli (solos pauperes excipiendo) si capitatim decem stuferos pendant, millionem florenorum facile Regi suo dabunt.

Si verò & Hispania (quæ, Batavicâ subdu-

atio-

atione, octuplo plus agri continet, quàm Belgium vniuersum) si Neapolitanum & Siculum regna, Sardinia, Mediolanum, aliæque Regi parentes prouinciæ gratuita hac, è domibus, agris, hominum capitibus soluenda pensione suo vellet Regi gratificari; quantum hinc annuè auri & pecuniæ colligi posset, esto mediam tantum eius quod indico, oneris partem subirent!

Potentiam suam Hispania ignorat. Sienim Germania vix supra centum triginta & tres agrorum *gemeten* (quarum mensurarum tres iugerum Hispanicum efficient) milliones, Gallia vix centum ac viginti sex, Italia vix septem & septuaginta, Anglia vix sexaginta milliones contineat; sola Hispania, in Europa (vtriusque Indiæ iura sub ea non comprehendendo) supra centenos septuagenos mensurarum illarum milliones, si Batauo calculatori credimus, complectetur. Vt autem demus, ex his triginta milliones inutiles & inferaces esse, restabunt adhuc centum & quadraginta satui idonei. quamquam fatendum sit, soli Hispaniæ, alijs quas in Europa possidet, prouincijs ei non annumeratis, ab hoc calculatore nonnisi centum & duodeviginti *gemeten* milliones consignari. Qui soli, etiam si externos per Europam sparsos agros non connumeremus, & tertiam eorum partem ut infrugiferam à dicto numero detrahamus, ad ingentem classem parandam abunde suffici-

cient. Etenim si singulis mensuris ex duo de octoginta illis millionibus, medij regalis onus imponamus, facile nouem florenorum milliones coaceruabimus. Si deinde & domus dimidium regalem pendere iubeamus, non minorem, credo, pecuniæ vim educemus. Esto verò, & domos, & agrorum mensuras, non nisi quadrante regalis grauemus, certè tenue hoc grauamen vtrimque redactum, etiam supra nouem florenorum milliones quotannis pariet. In quod si & alia regna, & prouinciæ, quæ Hispani iuris per Europam sunt, & facile septem & quadraginta mensurarum dictarum milliones explent, consentirent, & tum vnaquaque mensura non nisi medio regali grauetur; ad sex florenorum milliones circiter is census ascendet: vt nihil interrim dicam de ædibus, quæ non minorem dabunt. Sin quadrantem dumtaxat regalis, tum agri, tum ædes contribuant; tamen sex florenorum milliones etiam hoc vix sensibile onus pariet. Quibus si dein nouem illos Hispanici agri & domorum milliones accenseamus, quindecim efficiemus, ædibus & mensuris agrorum singulis, non nisi regalis quadrantem pendentibus. Si verò per vniuersas Regis ditiones, agri & ædes singulæ dimidium regalem pèdere vellent, tricenos minimùm argenti milliones vtraque hæc pensio quotannis in Regium ærarium inferret; si regalem integrum, supra sexagenos. Et quid, quæso,

quæso, id est, si, in quod Zelandicæ insulæ imperrimè consensere, onus intueamur; cum singulas agrorum mensuras sex florenorum pensione grauari permiscere? Iam, cum in illis vicies mille & ducentæ huiusmodi mensuræ sint, proventus hic totidem libras Flandricas peperit. vt interim nihil dicam de septimo nummo, quem omnes quas Insulæ hæ continent ædes, ad pretium taxatæ pependerunt.

An verò ea quam dixi, ægrorum magnitudo & capacitas ex fide sit, spondere non ausim; neque enim ex ea descriptione, vel laudem capto, vel ob eam sugillari volo. Si quid in ea peccatum sit, Batauo supputatori, qui eam anno sæculi superioris xc. Hermanni Ioan. Mulleri typis Amsterodami euulgauit, imputari velim: illius enim vestigia hîc potissimum sum secutus.

Nonò, posset etiam semel, & non ampliùs, centesimus è singulis domibus, valore earumdem pensitato, nummus exigi; ea tamen conditione, vt quæque ciuitas redactam inde pecuniam fructuosis & vtilibus hypothecis applicare teneretur: simul etiam in se reciperet, omnes iurisdictionis suæ domos ab incendij damno inamunes præstare, & si quam ignis fortè corripere, publico eam ære restaurare, & ei quam ante incēdium habuerat, integritati & nitori restituere. Quod nulli non longè erit acceptissimum, cum tantilla pecuniola rei suæ à conflagra-

grationis periculo cauere , & indemnitate
posset præstare. Idem & rure singulos per pa-
gosobtinere locum posset. Quod verò ea pe-
cunia annuè pareret fœnus.in nauium esset pa-
raturam & stipendia, belli necessitate exigente,
conuertendum: ea verò cessante, ex fœnerario
illo prouentu annuus census adaugendus.sum-
mo opidorum & locorum cum compendio.
Imò, bello iam prorsus sublato, ex huiusmodi
censuum prouentu & accremento , ipsum æs
capitale , ea intentione ab incolis locorum ex-
pensum , non incommodè poterit dissolui , vt
tamen interim vrbes & loca ædes incendio ab-
sumptas & deiectas reparare teneantur.

Hæc, aliaque multò intolerabiliora grauami-
na persæpè sũnt ab hoste vsurpata hætenus, &
etiannum vsurpantur. Adeò vt Regi subditæ
prouinciæ nullam de vlllo onere conquerendi
occasionem habeant, cùm in bona, pia, iusta
causa conferuntid, quod hostiles in mala, im-
pia, iniqua, non illubenter, toties iam contri-
buerunt, & etiã hodiælæti contribuunt; non è
domibus solùm, sed & vniuersis possessionibus
immobilibus pro taxatione à magistratibus ad
rerum pretium ac valorem facta. Par certè est,
Regias prouincias non minorem in vera & A-
postolica religione promouenda , ac patriæ sa-
lute & incolumitate quærenda , zelum & stu-
dium ostendere, quàm hostis in falsa fide , &
noxia

noxia sua libertate tuenda constabiliendaue libenter & sine vlla repugnātia indies ostendit.

Quæ omnia si per prouincias executioni mādentur, & exactè seruentur, fiet, vt omne in mari commercium securè tutoq; exerceatur, nec ab hostilibus nauibus inturbetur; omnisquā patet regio mirum in modum locupletetur; omne mercimoniorum & opificiorum genus ad obediētes Regi prouincias ex hostilibus traducatur; denique summo Rex grauamine exoneretur, hosti verò omnis penè lucrādi materia & occasio præcidatur.

Quis hoc prouincialibus graue fore dicat, cū tam exiguo, & propè nullo, & quem ne sentiant quidem, censu centuplū sint lucraturi?

Ab hoc autem onere nullus, quocumque tandem colore & specie exemptionem prætendat, eximendus esset; non palatini, non Consiliarij, ne quidem aurei Velleris Equites; soli illi, qui sub Mendicantibus Ordinibus censentur, & palām pauperes. Heri quoque & heræ pro famulis capitātū impositum censum pendere deberent, ita tamen vt ex addicta in annum mercede illis nihil propterea decederet.

Neque verò singula hæc reipsa executioni mandanda sunt; sed vel simul omnia, vel potior illorum pars, prout reip. expedire Rex iudicabit, & prout maiorem aut minorem subditorum erga eadem propensionem, pro tem-

poris oportunitate, & rei periculo ac necessitate videbit.

Optarem porro, naues hasce bellicas in maritimis Flandriæ opidis stationem habere, vt omne rebellium cum Gallia & Britannia commercium & negotiationem, quantum fieri potest, disturbent & frustrentur.

Ceterum isthæc nauium communibus prouincialium sumptibus parandarum ratio numerum non est inuentum ; sed iam olim etiam apud Romanos rerum dominos vsurpata, cum singulæ, pro potentia & opum ratione, prouinciæ suo classẽ ære instruerent, fouerent, & per quæstores quæque suos menstrua stipendia adnumerarent. Hæ verò naues numerosissimam certè constituebant classẽ, qua orbis sibi imperiũ pop. Romanus vindicauit. ac si quam harum aut tempestate mergi, aut ab hoste intercipi, aut alio incommodo perire contigisset; illius mox loco aliam prouincia, cuius nauis perierat, sumptu suo sufficiebat ; vt nec nauium vquam numerus immipueretur, nec maritima victoris populi potentia decresceret.

Eadem & apud nos iniri posset ratio, si quæ iam antè commemorata sunt onera, aut pars illorum, vsu introducantur. Verum ita, vt singulis in prouincijs denominati quidam & designati, prouenientem & nascentem hinc pecuniam, aut per se ipsi colligant, aut publicani qui-

quidam perfoluto annuatim ære, damno emolumentoque suo eam redimant : vt pro maiore minoreue è grauaminibus illis prouentu in nauium illa instructionem & stipendium conuertatur. Vnde sex, octo, decē, aut etiam plures, habita prouētuum ratione, quotānis Brabātia naues emittere, & rebus omnibus necessarijs mēstruē instruere posset. Deinde vt redactū inde æs non in alias incideret manus, quàm eorum quos prouincia quælibet huic singillatim muneripræfecisset, & menstruum epibatarum & sociorum naualiū stipendium curare ac soluere voluisset. Quod vt curarent impigrius ac diligentius, suæ cuique prouinciæ essent, naues assignandæ, vt nosset quænam ad se spectarent & sui iuris essent. Sic enim maiore eas solitudine tamquam proprias curarent, eoquē libentius de stipendio & rebus omnibus necessarijs prospicerent, & si quam fortè casu quopiam perire contingeret, eius in locum aliam sufficerent. Nullum tamen aliud in eas ius aut imperium haberent, quàm menstrua eis stipendia, necessaria instrumenta, com meatum, & alimonia curare: vt sua Regi, eiusquē Gubernatori, & summo maris Præfecto, in hanc communi patriæ auro adornatam classē absoluta plenaquē maneat potestas, eam quò, quando, quemadmodum voluerit, emittendi, augēdi, minuendi, & quæ, quibus expedire iudica-

bit, quosque promeritos censebit, supplicia ac præmia persoluedi: nullo alio prouincijs singulis tam in naues, quàm socios nauales & epibatas, relicto iure, quàm quòd illarū curæ cum nauium instructio, tum stipendij numeratio committetur. quæ è suo ad hoc muneris corpore viros quosdam seligent, qui simul rationesei, à qua delegabuntur, & cuius personam repræsentant, prouinciæ reddere tenebuntur.

XIV. Decimò quartò, mirè ad rem faceret, si Rex, quò aliquam Belgicis suis prouincijs locupletandi & læri comparandi materiam suggereret, mercatoriam quamdam viginti, aut plurius etiam, nauium societatem erigi permetteret. in quarum instructionem varij promiscuè, tam Ecclesiastici quàm sæculares, tam nobiles quàm plebei, ac potissimùm mercatores, vltro nec & spòte symbolam conferrent; & pro impensæ & contributionis ratione, optati quisque lucri particeps fieret.

Vt autem in hanc quisque societatem sortem libentiùs conferat, necesse eam foret quibusdam à Rege priuilegijs & immunitatibus donari. Atque in primis, vt omnes hisce nauibus impositæ merces, tam ex Hispania in Belgium, quàm è Belgio in Hispaniam vehendæ, vltiori inquisitioni non subiacerent.

Secundò, hæ tam euectæ quàm inuectæ, è

consuetis regi pendii vectigalibus minus (videlicet è quatuor partibus tres tantum) persolueret, quam quæ alijs nauibus ad societatem hanc non spectantibus imponerentur Quæ vectigalium detractio ad eò ærarium Regium & proventus non imminuet, vt insigniter etiam sit adauctura. Hinc enim consequetur Primò, vt plures longè vtrò citroque merces inuehendæ euehendæue sint. Secundò Hispanæ merces in Galliam, Britanniam, Germaniam, & alias prouincias minore sint copia exportandæ. illa quippe regna & prouinciæ, quò huius vilitatis pretij aliquam ad se partem deriuent, è Belgio potius, vt duobus, aut etiam vno, in centum minoris eas emant, quam ex Hispania has petent. Vnde maximum Regionum vectigaliũ & portuorum consequetur augmentũ. etenim cum ex emptis in Hispania, indeque in Galliam, Britanniam, Germaniam, & alias regiones sibi non parentes auhendis, mercibus non nisi vnicum, in euectione, Rex vectigal percipere soleat; ex omnibus Belgium petituris duplicatum id percipiet; primum in Hispania cum exportabuntur, alterum in Belgio cum importabuntur. Vtque res exemplo notior fiat, fingamus Hispanas merces, cum inde aliò exportantur, duodecim in centum pendere. ex omnibus ergo quæ in Galliam, Angliam, Germaniam, & alia loca auhentur, non nisi semel duodecim in

cen-

centū Rex recipiet: inuectæ enim in terras quæ illi non parent, quidquā ut ei pendant, non est quod expectet. at ex ijs quæ ex Hispania in Belgicas emittuntur provincias, bis portorium percipit, primum in Hispania, alterum in portubus Belgicis. Ac licet è duodena illa parte nonnisi nouenam percepturus esset; ob duplex tamen iam vectigal, duodeviginti in centum illi cedent, cum è mercibus in alieni iuris terras exportandis nonnisi duodecim. Iam cum merces, aliò auehi solitæ, in Belgium sint, quò immutationem illam vectigalis sentiant, auehendæ; fiet, ut Regio ærario, ob geminatum vectigal, multū hac ratione accedat. Gallis quoque, Anglis, Germanis compendiosius erit, Hispanienfes merces è Belgicis portubus & emporijs auehere, persolutis hîc vectigalis loco decem aut vñdecim in centum, quàm in Hispania duodecim; partim ob hoc quod dixi compendium, partim quòd regnis illis commodius multò sit, illas è Belgio quàm Hispania petere, sumptu quoque & periculo minori.

Tertiò, ut omnes Hispanas merces, in Galliam, Angliam & Germaniam auehendas, nouo ultra consueta & prisca vectigalia, Rex onerè grauet, alia inquam quinque in centum illas pendere iuberet; à nouo autem hoc onere exciperet illas, quæ ex Hispania in Belgium Regium dictæ societatis nauibus importarentur.

tur. Erit hoc dictæ societati cum primis lucrosum, & in causa, vt quæ ex Hispanicis opus habebunt exteri, è Belgio petitori sint, quò grauiamen hoc vel totum, vel in parte effugiant. Neque insolitum ac nouum hoc est, nec etiam exteris graue aut insolens poteri viderit; cùm & alij Reges & Principes, quoties eis visum fuerit, & expedire iudicauerint, suorum regnorum merces ad aliorum Principum provincias conuehi solitas, nouis tributis gratiare pro more habeant, nemine aduersus illa reclamante, aut ipsos iniustitiæ damnante; quòd Reges ac Principes ius habeant domi suæ nata, & ad alienos auhendenda, cùm placuerit, grauandi.

Quartò, vt omnia opera mechanica, quæ in Regio Belgio aut modò fiunt, aut olim fieri solita erant, at modò in rebellibus, aut extra Regium imperium sitis locis fiunt, prohiberentur, capitis poenâ inuidenti propositâ; nulla verò alia permitterentur, quàm quæ in Regio Belgio facta, dictæ societatis nauibus vehentur. Vnde fiet Primò, vt hostis aut tota, aut potissima opificiorum ac manualium operum negotiatione priuandus, ideoque plusquam octoginta familiarum millia, hisce operibus tantum victitantia, Hollandiam desertura sint, omni propè horum operum ad externos auentione, hoc dicto Regio, exclusâ aut prohibita. Erit hoc in causa, cur annuus rebellium pro-

prouinciarum prouentus incredibile passurus sit detrimentum & imminutionem. hisce enim mechanicis & opificibus, qui numero plurimi, migrare & alias sedes quærere compulsis, non modica prouentuum Hollandicorum, qui è rerum comestibilium & consumptibiliũ emptione & vsu colliguntur (in quibus tamen annui eorum prouentus pars potissima sita est) portio annuatim deperibit. Hoc autem Regium edictum non est quòd exteræ prouinciæ & regna carpant, cùm alia id genus edicta decretaque apud ipsas etiam in vsu sint. Sic enim Anglorũ Rex omnem externam lanam, stannum, plumbum, Francorum, diuersa exterorum opera, atque in primis adamantes sculptos & politos, in regna sua inferri vetant.

Vtque propiùs rem tangamus, & ad particularia descendamus, prohibere & excludere Rex posset, 1. Omnes eos pannos laneos, nigros & albos, quos vocat *Hollantsche saeyen*, Hispano vocabulo *Xergas*, vel *Anascotes*: qui Leydis aut Delfis vt plurimùm conficiuntur, cùm Honschotanorum, Brugensium & Iprensium merces ea sit propria. 2. Telas lineas, tum albas, easque partim subtiles, & arctè complicatas & constipatas, partim spissiores in longum expositas, ac diductas; tum etiam crudas & naturales, nec soli expositas; quas Harlemium potissimùm suppeditat, cùm tamen apud Siluæ lu-

centes,

censes, Gandenses, Endouienſes, & alios non minore induſtriâ & arte parentur. 3. Omnia mapparum & mantilium liacorum floribus in-textis genera, Cortracenſium opus & artem. 4. Telas goſſipinas albas, quas Brugenſes ſub-mittere ſolent. 5. Varia Antuerpienſium opera, putà omnigenos pãnos ſericos, floridos, holofe-ricos villoſos, damascenos, & alios id genus; alios item è lino & ſerico, alios è ſerico & lana diuerſimodè, cum floribus & ſine floribus opere phrygio textos; rafos alios, alios non rafos; alios auro falſo in ſpeciem intertexto (quos propriè dicunt *ſmallekens van garen, ſijde ende valſch goud, boeren-kaffaen, garen damaskens, ghenopte, buratten*; vel *telillas de hilo, dichas de ſeda, y con oro falſo, telillas de borlilla, o motillas, caſſates de hilo, damasquillos de hilo, fileyles de todas ſuertes*.) item aciculas, acus, vncinulos, æreas & ferreas zonarum fibulas, lineas omnis coloris ligulas, denique omnis coloris filum lineũ. 6. Tapetia, quibus texendis Bruxellenſes, Antuerpienſes, Aldenardenſes, & Angianenſes excellunt. 7. Eos pannos laneos, quos *cangeanten, baracanen, pluymkens, ghefigureerde trijpen*; aut *lanillas negras y de color, baracanes d albornoſes, telillas de mōte, tripillas terciopeladas*, vocitant; quos, vt proprios, ſibi Infulenſes & Tornacenſes vendicāt. 8. Filum candidum & ſole dealbatum; hoc ſibi Gandenſes. 9. Tibialia lanea, varijs è filamen-

tis

tis sine stamine & scapo texta, & alias id genus vestes, vt interulas, & soccos pedales, quæ Bruxella & Tornaco peti solent. 10. Omne filamentum lineum textū, quod Bruxellis & Siluæducis parari textique consuevit. 11. Texturam muliebrem & puellarem, tam è lino quàm serico textam (nomine *breynaet*, vel *punteria*) & alias id genus minutias, quæ in varijs Belgij Regijlocis ac ciuitatibus confici solent: denique omnia manualia opera, quæ hisce in prouincijs aut olim fieri solebāt, aut etiam modò fieri possent. 12. Pannosillos laneos leuidensos (quos *baeyen*, vel *bayettas* vocant) quos iam Anglia in copia submittit, & olim Poperingæ locisque vicinis incomparabili compendio parabantur, & quorum in Lusitaniam, indeque in Indiam, multa millia submittuntur.

Secundò, Regijs in Belgio prouincijs hac ratione insigne accedet compendium & emolumentum, tum ob innumeram operarum multitudinem, quæ vndiquaque ad hasce prouincias, quò solita sibi arte victum comparēt, confluent (quod rerum comestibilium venditioni, & in ea annuis nostris prouentibus, tantum adferet accrementum, quantum isthæc opificiorum ablatio Hollandicis pariet decrementum;) tum etiam, quòd omnia hæc opera, per societatis huius naues, non magno molimine alias in regiones distrahenda sint. è quo ad prouincias
hasce

hæc Regem adhuc agnoscentes non contemnendum deriuabitur lucrum.

Porro ad pericula, quæ à mari & tempestatibus, atque à piratis imminebunt, auertenda (in quo potissima sita difficultas est) minimum quadraginta aut quinquaginta prædiarias, optimeque ad bellum instructas naues, freto, per quod solum enauigare hostis potest, necessariò oportebit insistere, ipsiusque ibi excursiones impedire. Etenim fieri posset, vt tres quatuorue naues, pretiosis tum ex Hispania, tum Belgio petitis, mercibus onustæ in hostiles myoparones inciderent; quarum amissio duodecim aut quindecim centenis florenorum millibus vix pensaretur, irreparabili societatis huius cum damno, & incredibili hostium compendio. Superiore anno satis id ipsum in Anglis experti sumus. Vt hæc ergo pericula euitentur, plures in freto naues & milites, quàm hostis, Rex habeat oportet, tam ad omnem, vel partem saltem, negotiationem Hollandorum cum Gallis & Anglis disturbandam, quàm ad nauibus hisce socialibus securitatem & præsidium præstandum.

Non me fugit, quod ab ærea Hispanorum pecunia (*quartos* vocant) societas hæc accipere damnum queat. mercibus enim Belgicis in Hispaniam, vt tibi veniunt, appulsis, & argentæ pecuniæ defectu, æreà diuenditis; sequitur,

quitur, vendentem, si aureâ vel argenteâ sibi
 solui velit, aut quinquaginta in centum perde-
 re debere (quod malum vt euitet, necesse ha-
 bebitor merces suas dimidio plus grauare; quod
 in graue plebeculæ dispendium cedit:) aut, si
 æream recipere non abnuat, quâ dein cum ar-
 gentea commutet, eum, quò fœnus illud col-
 lybisticum euadat, merces suas antequâ distra-
 hat, grauare; aut, si æreâ suâ alias Hispani-
 enses emere cupiat, putâ oleum, salem, vinum,
 & alias huiusmodi ibi natas, has ideo illum em-
 pturum carioris, quòd pretium illarû æreâ sit
 persolutorus. Hispaniensis enim venditor tan-
 tum suas grauât merces, quanto æs argento
 est vilior & pretij minoris. vnde cum hæc in
 Belgium inuehet, emptorem vicissim eas gra-
 uare oportebit, ne quod in ijs detrimentum ac-
 cipiat. Quod nimis quàm graue onus est. imò,
 nisi aliqua æreæ huiusce pecuniæ Hispaniâ
 proscribendæ ineatur ratio, fiet breui, vt, quod
 ex permutatione apud nummularium æris in
 argentum sequitur dispendium, ad centesimû
 in centum adscendat. Misera sanè res, à qua to-
 talis regni opulentissimi ruina dependet. Et ea
 nostra est cæcitas, vt malum in quo versamur,
 minimè videamus, & nos vtrò in pecuniarias
 hæc voragines præcipientes demus; aut simpli-
 citas & vesania, argentum vt æri postponamus;
 aut arrogātia, vt toties nobis proposita remedia
 vsur-

vsurpare nolumus; aut denique tam iurati patriæ sumus hostes, & singulares iuratis simorum hostium nostrorum amici, ut dextrâ illorum propinatum aconitum vini instar sapidissimi obbibamus, totali patriæ nostræ cum destructione & interitu, & orbis ludibrio, ut qui aurum omne & argentum à nobis proscribimus, quod æra redimamus; & quotquot Europâ sunt gentes auro nostro diuitiamus, quod ipsi ad inopiam redigamur. Itane nos cæcutire ac desipere, & non videre, omnium nos gentium hac ratione ludibrium fieri & opprobrium? Nupera & inopina illa aquarum nos inundatio mirè afflixit; turbauit quoque, non immeritò, inexpectata illa Anglorum in agrum nostrum suscepta expedito; hinc totâ Hispaniâ concitamur, & identidem armia procudimus. & iure merito: neque enim vlla in hac re diligentia & vigilantia esse nimia potest. Et interim æreo hoc diluuiolibenter, & vltro, obrui gaudemus, & per vniuersum regnum nostrum æra spargimus, decuplo nocentius paritura damnum, quàm decem Anglicanæ Batauæque classes.

Oggeres mihi fortè, artis nō esse, verbis malum indicare ac patefacere; at pretium operæ facturū, & bene de Hispania vniuersa meriturū illum, qui commoda eius pellēdi remedia suggeret. Non deerunt, credo, Hispaniæ nostræ, ad noxiam & æruginosam hanc æræ monetæ

pestem, suo è corpore perpetuò & irreuocabi-
liter proscribendam media. Itaque vt ad rem
veniamus. hæc (vt mihi quidem militi videtur)
iniri posset ratio eius aut prorsus eliminandæ,
ad pristinum valorem reducendæ.

Primò, Rege iubente, simul & semel, sic vt
nemini reclamare liceat, ad veterem ipsa æsti-
mationem & pretium suum reducatur, tamquã
si vno vehementiori opiato, vna posi bene an-
timoniata, aut magna rhabarbari copia semel
hausta, malum vniuersum semel de ægri cor-
pore pelleretur. Quod licet permultis graue
foret, cùm triginta penè milliones in ærea illa
moneta Hispania continere dicatur; non tamè
omnibus & singulis. Plebs enim rarò pecunio-
sa est, & vix opes in arca coaceruat: opulenti
porro & locupletes iacturæ huic, quæcumque
sit, ferendæ sunt, ne ué illis adeò grauis hæc ac-
cidet. vt vix centum regalium hinc singulos
iacturam putem facturos. Quid, obsecro, hæc
sunt, vt propter eam totius regni bono incolu-
mitatiq; consuli negligatur? Diluuium quod-
dam esse crede, quod, sicut nuper aliquot so-
lùm prouincias, iã vniuersam quã patet, Hispani-
am inundet. Neque verò prorsus suo æs pre-
tio decideret, sed debitum retinebit, si ad eam
normam & modulum redigatur, quam olim
FERDINANDI Magni, CAROLI V. & PHILIP-
PI II. Regum temporibus habuit. sicut enim,
quod

quod tunc *ochauo* dicebatur, & binis valebat marauedinis, modò *quarto* vocatur, & quaternis valet marauedinis; ita quod modò *quarto* dicimus, tunc rursus *ochauo* nominaretur, & iam nō quatuor, at binos tantum marauedinos valeret. & quod olim *quarto* appellabamus, quatuorquē marauedinis æquiualebat, ac iam dicitur *quartillo*, & octo appenditur marauedinis; iterum pristinum nomen *quarto* recuperaret, & quatuor marauedinos complecteretur. Et quamquam damnum hoc non nemo quindecim auri millionibus æstimet; tamen, quod ipsum per totam Hispaniam in tot capita & priuatos possessores sit dispertiendū, hinc id vix à quoquam percipietur, & nemini non ob commune reip. bonum erit tolerabile. Et sanè nefas est, vt quisquis illius salutis & communis incolunitatis est amans, tantillum subire detrimentum detrectet; in re præsertim, à qua totius regni bonum & fortuna dependent; cū necessitate exigente, eius causā quisque facultates, sanguinem & vitam exponere teneatur; quanto potius exiguam quamdam subire iacturam, quò perniciem extremam & interitum ipsum à patriæ ceruicibus propulset.

Secūddò, publico edicto proposito, quidquid totâ Hispaniâ auri argentiue signati est, ad ærarium, monetariasue officinas suas Rex curet deportari: grauique proposita pœna caueat, ne

vllam, quacumque è caussa quis auream argẽteamvè pecuniam in quamcunque demũ rem expendat, quæ speciali Regio signo, hanc solã in rem statuto, signata non fuerit. quo signo accuso, cuique sua illata restituenda pecunia erit, regalem, è quatuor & triginta quibus nũc estimatur, ad octo & triginta, aut etiam quadraginta, maravedinos augẽdo; & reliqua pecunia omni ad augmentũ hoc, pro pretij diuersitate & valore, reducta; ea tamẽ lege, vt quicumque ob accusum regium signum adauctam pecuniam recipit, tantum æræ pecuniæ, Regio ærario, aut monetæ Regiæ præfectis numeret, quantum augmenti aut æstimationis, ex accusa Regia nota, pecuniæ suæ accreuit. Equa re nulli quidquam decedet, itaq̃ue paulatim omnem pecuniam æream sui Rex iuris faciet: quã dein, non sine vbere fructu, ad veterem sub Ferdinando Magno eiusq̃ue successoribus Regibus, vsitatam æstimationem, aut etiam inferiorem deducere poterit. Iam cogitet quisque & subducat in genere, quot per totam Hispaniam regalium milliones, tum auri, tum argẽti, apud quoslibet reperire sit; & videbit, omnem propè æream pecuniam hac ratione in Regium ærarium illatum iri.

Æri verò huic in potestatem suam iam reducto, peculiarem notam & signum Regium imprimi curet, quo constet, illud ad veterẽ esse æsti-

æstimationem deductū. Hac verò pecunia sic signata, emat ab ijs, qui aurea argenteaūc carēt, æream non signatam quam habent: exempli gratia, duobus quartis signatis (qui ratione signi huius ad ochauum deducti erūt) quartum vnum non signatum redimendo: itaque breui omne æs ad pristinum valorem, damno subditorum nullo, suoque nullo Rex reducet.

Quòd si fortè cuipiā graue videatur, Regio ærario illatam pecuniam, & ratione noui signi adauctam, dominis suis reddi; iubeat Rex vniuersam regni sui pecuniam ad officinas suas monetarias toto regno sparsas deferri, cudiq; ex illa auream argenteamūc, varij valoris & æstimationis, pecuniam nouam, cuius pretium supra prius consuetum inaugeat: adeò vt quod antè quatuor ac triginta maravedinos, nunc octo & triginta, vel etiam quadraginta valeat. Fecit id sæculi sui Principum prudentissimus Archidux ALBERTVS in Belgio, cū in omni propè genere auream argenteamq; pecuniam non sine insigni emolumento, nomine suo signatam cudi curauit. Feceruntque idem non vno loco Principes Regesque, qui nouam cusan pecuniam, eadem manente materiā, auxerunt; aut prioris pecuniæ pondus aut materiā minuerunt; aut meliorem in paullo deteriorem, lucro suo maximo, commutarūt. Reddat deinde Rex dominis pecuniam quam accepe-

rat, tot nimirum marauedinos quot receperat: ex lucro verò, quod per hoc æstimationis incrementum pecuniæ accessit, æream aliorum redimat: quam in potestatem suam iam redactam ad antiquum valorem restituat, signo aliquo & indicio Regio adpresso, ex quo omnibus liqueat, eam nō pluris valere. ita vt *quarto*, quod nunc quatuor valet & continet marauedinos, dein nonnisi *ochauo* æquivalet, & duos tantum marauedinos valore suo contineat.

Sin durum videatur, omnes ad auream argenteamue pecuniam suam ad monetarias officinas Regias deferendam compellere, possent omnibus deferentibus in singulos regales, bini marauedini in lucrum dari, vt eius possessorēs hac emolumenti spe ad eam deferendā inuitarentur. E qua pecunia, vti dictum, aurea argenteaue noua cudi posset, regalem ad quadragenos marauedinos augendo, aut (quod in idem recidit) in singulis regalibus materiæ valorem ad sex marauedinos imminuendo. Atque hac ratione non tantum nullum Hispania pateretur damnum, sed quotquot auream argenteamue pecuniam ad Regium ærarium deferrent, ipsam etiam cū lucro reportarēt. Idem etiam lucrum assignari posset aurū argentumue non cūsum, ad Regias officinas monetarias, quò pecunia inde cudatur, deferentibus. quæ
res

res non leuem ærario accessionem addet.

Quòd si graue hoc alicui augmentū videatur, is meminerit , in regnis ac prouincijs exteris, regales qui in illis cuduntur, sex, quinque, aut minimū quatuor, marauedinis , quoad argenti valorem, Hispanicis inferiores esse; & Hispanicos in vero valore suo sex, quinque, vel ad minimū quatuor marauedinis, exteris meliores ac probatiores esse. Vt proinde nemo merito mirari aut offendi debeat, si ad aliorū regnorum & prouinciarum pecuniæ valorem Rex deducat suam.

Tertiò, posset Rex Hispaniâ vniuersâ , ab omnibus centesimum æstimationis omnium ædium ac terrarū, in ærea pecunia pretio nunc vfitato, exigere; aut, quod optandum magis, ab vnaquaque per Hispaniam domo, regalem vnum, à singulis etiam terræ mensuris, quas in Belgio *ghemeten* vocant, (è quibus tres conficiunt iugerum Hispanicum) medium regalem, ærea pecunia persoluendum deposcere. quæ res magnam æreæ pecuniæ in Regium ærarium partem traducet , si vera sunt quæ Bataui scribūt, reperiri in Hispania huiusmodi mensurarum terræ milliones octodecim supra centum, quæ iugerū milliones minimū triginta & nouem efficiunt. Quare constituta, ex hoc medio regali è terris & agris collecto, Rex supra quatuordecim florenorum

milliones facillè colligeret: regalis verò è singulis colligendus domibus, secundùm Batauicam subductionem, quatuordecim milliones longè superaret. quo fieret, vt longè maxima æræ pecuniæ pars, in qua regales & suprà recensiti medijs regales numerandi forent, sine cuiuspiam graui damno, ad Regium ærarium deueniret. ac licèt suprà memoratæ terrarum mensuræ tertia, imò parte media infra Batauicum calculum essent, magna tamen æræ pecuniæ pars Regias in manus incideret.

Vt verò certius ad felicem æræ pecuniæ eliminationem deueniatur, posset Rex à singulis, qui nec in ædibus, nec in agris quid proprii possident, medium regalem in ære numerandum exigere, pauperibus exceptis. A singulis etiam nouè in posterum intentandis litibus regales duos: à contractibus & instrumentis tabellionalibus singulis, qui centum regales excedunt, regalem medium in singulos contentos regales. atque hæc omnia in ærea pecunia numeranda præscribi deberent. Et quia duo postrema futuri magis, quàm præsentis sunt temporis, possent illa singulis in opidis locisq; locanda exponi, & præsentis pecunia redimi. Denique si ne quidem hæc ad omnem æream pecuniam ad Regium ærarium transferendam sufficiant, posset Rex singulis per vniuersam Hispaniam equis, mulis, alinis, tauris, bobus, vaccis,

vaccis, ouibus, similibusque, quartum vnum, id est quatuor marauedinos, in ære numerandos vt tributum imponere. Quæ res, licet perexigua sit, non exiguam tamen æream pecuniam ad Regium ærarium transmittet.

Erunt qui putabunt ab Ecclesiasticis non leuem hâc difficultatem mouendam. at ego mihi persuadeo, in onere adeò tenui, nullam illos iustam querimoniam habituros occasionem, cum ex æræ grauis pretij pecuniæ eliminatione, prouentuum suorum annuorum non leue percepturi sint incrementum : nam cum hos in ærea pecunia longè supra valorem & pretium suum naturale inaucta, recipere cogantur; aut è frumenti, olei, vini, lanarum, aliorumque prouentuum suorum per venditionem distractione, præter æream, aliam pecuniam non colligant, sit vt, si illam cum aurea argenteaue velint commutare, vix mediam modernæ æstimationis æræ pecuniæ partem consequantur. quædamna, ære ad pristinum valorem reuocato, euitabunt, integrosque prouentus suos in aurea argenteaue pecunia sine vllò dispendio recipient. quod vt fiat, merito aliquid de suo semel contribuent, præsertim cum quod daturi sunt, longè sit pretio emolumenti. quod accepturi sunt, inferius. Et sanè non minora ab Ecclesiasticis, quàm secularibus, pro regni totius incolumitate expectanda sunt, maximè cum

cùm quidquid isti dignitatis munerisque possident, à Regia ferè munificentia & manu possideant. Nec sine insigni ingratitudinis nota, Regi benefactori suo tantillam videntur rem posse denegare, à qua ingentia toti regno in extrema propè necessitate constituto accessura sunt compendia. Adeò vt quisquis rem hanc in dubium vocare vellet, grauem, meâ sententiâ, Ecclesiastico Hispanico nomini notam esset inuiturus.

Ac licet vnaquæque iugeri pars tertia tantum quadrante regalis oneraretur, ex hac tamè re supra septem florenorum Rex milliones cōsequeretur. adde his septem milliones ex quadrante regalis ex ædibus colligendo, inuenies ex vtroque hoc onere argenti milliones quatuordecim. Iunge aliū regalis quadrantē singulis, qui quinque minimum in quaque familia sunt, hominibus imponendum, & reperies florenorum milliones facilè triginta. Quibus si quatuordecim illos, quorum iam memini, iunxeris, quatuor supra quadraginta florenū milliones conficies. Adhæc è nouè intentandis litibus, & contractibus corā tabelione conficiendis, pecunia quæ è recensitis pecoribus & armentis redigenda, non leuis etiam pecunia corradetur. Vt proinde in spē veniam, his sex capitibus, æs omne ad Regias breui manus deuenturum.

Neque

Neque verò graue hoc meritò Hispaniæ videri debet, cū Bataui nuperrimè Ordinibus suis, ædium æstimatorum nummum septimum, agrorum verò quintum concesserint. Et Zelandi diebus his superioribus, in singulas agrorum suorū mensuras (quæ tertiam iugeri partē statuunt) sex florenos passi sint imponi. E qua concessione viginti supra ducena librarum Flandricarum millia Ordines colligent, cū Zelandia viginti ac ducenties mille mensuras agrorum numeret. Indignum sanè foret, Hispaniam in optima causa, regalem, aut dimidium, aut quadrantem eius, in singulas id genus terræ mensuras negare, cū Zelandi in pessima, pro singulis mensuris quatuor & viginti regales, volentes lubentesque pependerit.

Quartò, posset præterea Rex ab omnibus, qui per vniuersam Hispaniam, sæculare munus aut officium quodcumque, Regia donatione obtinent, muneris illius anni vnus prouentū in ærea pecunia numerādum, exigere. quod nulli, credo, graue accidere poterit. neque deerunt qui cum ingenti gratiarum actione, illa lege, & munia ambiant, & à Regia manu accipiant. E qua re vna omnem propè æream pecuniam paulatim ad se Rex trahet: quam deinde ad veterem æstimationem deductam, in quas volet, res impendat. Ita fiet, vt Hispania,

noxia

noxia hac pecunia, quæ supra iustum valorem excreuit, leuetur, & Rex non exiguum emolumentum referat, vtpote qui per hosce officiorum vnius anni prouentus in ære numeratos, factus dominus triginta millionū æris, quibus nunc Hispania obruitur, vbi illos ad antiquam æstimationem reuocauerit, quindecim millionum sit lucrum factururus. Etenim ærea pecunia ad mediā illius quod nunc æstimatur, partem reducta, ita vt *ochauo*, loco duorum, non nisi vnum; *quarto*, loco quatuor, tantum duos; *quartillo*, loco octo, quatuor solum tunc maraëdinos faciat; dictorum quindecim millionum lucrum Rex referet.

Dicet hic aliquis, plurimorum hanc rem annorum esse: neque enim hoc ab alijs exigui pretium posse, quàm iis qui deinceps officiis donandi sunt: vnde prius mors iam de facto munia possidentium expectanda foret, quàm hinc aliquid sperari possit. quæ res in multos abitura videtur annos, cum æreum Hispaniæ malum remedio egeat præsentis.

Sed occurri huic obiectioni potest, si munia ad Regem post possessorum mortem deuoluenda, nunc certis aliquibus post dominorum mortem possidenda addicantur; qui vnum futuri aliquando prouentus annum per anticipationem in ære numerent. Quo fiet, vt omne paruo negotio æs ad Regem deuoluatur.

tur. Neque deerunt vinquam, qui cum hac conditione lubentes onus hoc subeant. Quòd si contingeret, eos qui in antecessum, viuentibus adhuc possessoribus, pecuniam numerarunt, decedere è vita; reddi huiusmodi pecunia heredibus illorum, in eodem quo numerarunt, ære posset; quam ab iis rursus Rex acciperet, in quos talia de nouo officia conferret. ita fieret, vt neque Regi, neque prioribus numeratoribus quidquam deperiret.

Si verò Pontificia concessione impetrare idem in Ecclesiasticis beneficijs posset, vt post eorum qui nunc ea obtinent, mortem, illorum futuri possesores anni vnus prouentum in ærea pecunia Regi adnumerent, non magna difficultate omne æs ad Regem deueniret, ab eoque ad veterem iustam, materiæque debitam æstimationem reduceretur.

Quintò, posset deinde Rex ex omnibus coram tabellione, aut quocumque alio in publico munere constituto, factis instrumentis, ducentos regales excedentibus, vnum ochauum, duos nimirum marauedinos, deposcere: ita vt ex singulis ducentis regalibus, qui in quocumque contractu continerentur, duos marauedinos, ochauum nimirum vnum, in ære numerandos, consequatur. quæ res, incredibile, quantum æræ pecuniæ thesauris Regijs illatura, Hispaniamq; ab illa exoneratura sit; cum ferè
Hispani

Hispani priuatim publiceque sine tabellionis, aut alicuius in publico munere constituti, interuentione & signatione nihil omnino peragāt. Singulos dein contractus Regio aliquo signo, ad hoc constituto, firmari oporteret, sine quo contractus omnis valoris expers cēsendus esset: quod signū, nisi numerato ære prædicto, addi minimè posset. Quidquid etiā nouarū litium posthac Hispaniā totā nascetur, posset creā aliquā pecuniā onerari: adeo vt in singulos regales centum, vel actor, vel prior litem intentans, binos teneretur marauedinos, seu ochauum, (antequam ad agendum, litemūc intentandam admitteretur) Regio ministro ad hoc delecto numerare. quod omne postmodum ab eo qui caussa caderet, esset prænumeranti refundendum. Equā re nemo facilè credat, quātum æræ pecuniæ ad Regem deuolendum sit; cū dici vix queat, quantum indies nouarum in Hispania vniuersa litium exfurgat.

Feceram horū duorum postremorū modorum mentionem suprā art. XIII. dum redactam inde pecuniā in Regiæ classis subsidiū conuerti posse dixi. Verū, posset prius illis Rex vtī, ad omnem æræ pecuniæ eliminationē, aut illius ad debitum materiæ suæ valorē reuocationē: eaque iam feliciter confectā, omnem sequentibus annis hinc conflatam pecuniam ad huius classis

æstimationem deductū. Hac verò pecunia sic signata, emat ab ijs, qui aurea argenteaue carēt, æream non signatam quam habent: exempli gratia, duobus quartis signatis (qui ratione signi huius ad ochauum deducti erūt) quartum vnum non signatum redimendo: itaque breui omne æs ad pristinum valorem, damno subditorum nullo, suoque nullo Rex reducet.

Quod si fortè cuipiā graue videatur, Regio ærario illatam pecuniam, & ratione noui signi adauctam, dominis suis reddi; iubeat Rex vniuersam regni sui pecuniam ad officinas suas monetarias toto regno sparsas deferri, cudiq; ex illa auream argenteamue, varij valoris & æstimationis, pecuniam nouam, cuius pretium supra prius consuetum inaugeat: adeò vt quod antè quatuor ac triginta marauedinos, nunc octo & triginta, vel etiam quadraginta valeat. Fecit id sæculi sui Principum prudentissimus Archidux ALBERTVS in Belgio, cū in omni propè genere auream argenteamq; pecuniam non sine insigni emolumento, nomine suo signatam cudi curauit. Feceruntque idem non vno loco Principes Regesque, qui nouam cusam pecuniam, eadem manente materiā, auxerunt; aut prioris pecuniæ pondus aut materiā minuerunt; aut meliorem in paullo deterio-rem, lucro suo maximo, commutarūt. Reddat deinde Rex dominis pecuniam quam acceperat,

rat, tot nimirum marauedinos quot receperat: ex lucro verò, quòd per hoc æstimationis incrementum pecuniæ accessit, æream aliorum redimat: quam in potestatem suam iam redactam ad antiquum valorem restituat, signo aliquo & indicio Regio adpresso, ex quo omnibus liqueat, eam nō pluris valere. ita vt *quarto*, quod nunc quatuor valet & continet marauedinos, deīn nonnisi *ochauo* æquualeat, & duos tantum marauedinos valore suo contineat.

Sin durum videatur, omnes ad auream argenteamue pecuniam suam ad monetarias officinas Regias deferendam compellere, possent omnibus deferentibus in singulos regales, binimarauedini in lucrum dari, vt eius possessores hac emolumenti spe ad eam deferendā inuitarentur. E qua pecunia, vt dictum, aurea argenteaue noua cudi posset, regalem ad quadragenos marauedinos augendo, aut (quod in idem recidit) in singulis regalibus Materię valorem ad sex marauedinos imminuendo. Atque hac ratione non tantum nullum Hispania pateretur damnum, sed quotquot auream argenteamue pecuniam ad Regium ærarium deferrent, ipsam etiam cū lucro reportarēt. Idem etiam lucrum assignari posset aurū argentumue non cūsum, ad Regias officinas monetarias, quòd pecunia inde cudatur, deferentibus. quæ res non leuem ærario accessionem addet.

Quòd

Quòd si graue hoc alicui augmentū videatur, is meminerit, in regnis ac prouincijs exteris, regales qui in illis cuduntur, sex, quinque, aut minimum quatuor, marauedinis, quoad argēti valorē, Hispanicis inferiores esse; & Hispanicos in vero valore suo sex, quinque, vel ad minimum quatuor marauedinis, exteris meliores ac probatiores esse. Vt proinde nemo meritò mirari aut offendi debeat, si ad aliorū regnorū & prouinciarum pecuniæ valorem Rex deducat suā.

Tertiò, posset Rex Hispaniā vniuersā, ab omnibus centesimū æstimationis omnium ædium ac terrarū, in ærea pecunia pretio nunc vfitato, exigere; aut, quod optandū magis, ab vnaqua; per Hispaniam domo, regalem vnū, à singulis etiam terræ mensuris, quas in Belgio *ghemeten* vocant, (è quibus tres conficiunt iugerum Hispanicum) medium regalem, ærea pecunia persoluendum deposcere. quæ res magnam æræ pecuniæ in Regium ærarium partem traducet, si vera sunt quæ Bataui scribūt, reperiri in Hispania huiusmodi mensurarum terræ miliones octodecim supra centum, quæ iugerum milliones minimum triginta & nouē efficiunt. Qua re constituta, ex hoc medio regali è terris & agris collecto, Rex supra quatuordecim florenorum milliones facile colliget: regalis verò è singulis colligendus domibus, secundum Batauicam subductionē, quatuordecim

milliones longè superaret. quo fieret, vt longè maxima æreæ pecuniæ pars, in qua regales & suprà recensiti mediij regales numerâdi forent, sine cuiuspiam graui damno, ad Regium ærarium deueniret. ac licèt suprà memoratæ terrarum mensuræ tertia, imò parte media, infra Batauicum calculum essent, magna tamen æreæ pecuniæ pars Regias in manus incideret.

Vt verò certiùs ad felicè æreæ pecuniæ eliminationem deueniatur, posset Rex à singulis, qui nec in ædibus, nec in agris quid proprii possidēt, mediū regalem in ære numerandum exigere, pauperibus exceptis. Quæ res nihil nouū, & quod meritam excitare admirationem debeat, continet. nam & in singula capita Iudæi Regibus suis annuè certā pecuniam pendere cōsueuerant: & Romani non semel, hostium multitudine & robore territi, cū ærarium militari stipendio nō sufficeret, capitatim certam pecuniā lubentes volentesq; numerarunt. Quid? quòd ipsæ matronæ, nec iussæ, nec prouocatæ, sed vltro, muliebrem mundum Senatui, ne pecunia conscribendo militi deesset, post Cannensem cladem obtulerint, inter beneficia reponentes, quòd suo prodesse reipublicæ ornatu possent.

Denique si ne quid hæc ad omnem æream pecuniam ad Regium ærarium transferendam sufficiant, posset Rex singulis per vniuersam Hispaniam equis, mulis, asinis, tauris, bobus, vaccis,

classis erectionem ac sustentationem, conuertere : cum quem Belgica grauamina dabunt, prouentus classi , ad omne mari commercium tutum reddendum , & omnem hostis negotiationem , in qua potissima prouentuum annuorum illius portio & potentia consistit , disturbendam , instruendæ abunde sit facturus satis.

Decimoquintò, vt propè omne maritimum ac nauale hosti eripiatur commercium , opus, meo iudicio, foret XV.

Primò, freti Gaditani angustias illi præcludere, eoque illum, quâ licet, excludere. hoc si fiat, nullum ei in Mediterraneo , Ligustico & Adriatico mari , nullum cum omnibus Italis, Massiliensibus , alijsque in Gallicana illa ora gentibus, supererit commercium. Fiet hoc, si angustias illas quindenæ triremes, & totidem naues, armis & milite instructissimæ, insistant, quæ vicinis in portibus. Gibraltariensi & Algebiensi (Ceutam vocant,) quorum hic in Africa, ille in Hispania , stationem ordinariam figant. Has suis Bætici sumptibus instruant; ea tamen conditione, vt quas de hoste referent manubias & prædas , ipsis ad impensam commodius sustinendam cedant. Nullum tamen aliud in hac naues illisius & imperium sit , quàm eas fouere, in socios nauales, militem & epibatas menstrua stipèdia curare, & rebus omnibus necessarijs instruere. Quid porro facilius, quàm

H freti

freti huius fauces & angustias communire, & illis hostem depellere, utpote quæ varijs in locis vix tres in latitudinem leucas patent? Mirificè porro huic intento deferuiet, si decem in Sardinia instructissima nauigia, Sardorum & Corsorum impensâ, parentur, quæ assiduè per Mediterraneum mare speculando oberrent. quod illos haud illubenter facturos autumo, si captam ex hoste prædam Rex illis concedat.

Secundò, Orientalis Indiæ nauigatione hostem excludere; cui ille supra sexaginta vertente anno naues nongentis viris instructas, vltro citroque commeantes dedicat, quæque ei modò tres, modò quatuor, modò quinque, & interdum etiam sex, florenorum milliones, æquat inter se annis, annuatim parit. Hæc porro nauigatio à nouem aut decem onerarijs, optimè instructis, in insula à S. Helena cognominata stationem habentibus (ad hanc enim hostem ex Oriente domum redeuntem necessariò oportet appellere, ad nauigia instauranda, & ægros, quos habet plurimos, recreandos & curandos) tolli & impediri potest. Adeò ut quæ recenter à statione prodit, & à nauigando hactenus cessauit, nauis vna duas tales, utpote laceras, & præsidarijs exhaustis defensionis inutiles, facillè superatura sit. quod eo factu facilius, quòd hostis ut plurimū nō nisi tres ad summum naues simul domum amandet, quas Rex,

vti & omnes quas conuehunt merces & pecunias, haud ægrè sibi vindicet.

Tertiò, eum commercio cum Guineensibus priuare. huic ille nauigationi supra viginti naues, quadringentis hominibus infestas, aurum, elephantinos dentes, piper duplex (genuinum videlicet & secundarium) coria & pelles animalium, interulas gossipinas in Batauiam reuehentes annuè impendit. quod autem ex illa provenit lucrum, florenorum millionem, in Occidentalis Indiæ societatis emolumentum cedentem, deductis impensis excedit. Aurum enim, quod è montibus quibusdam, tamquam æris ramentum, pluuiâ deradete defluit, & ab incolis in peluibusc collectum expurgatur, supra duodecies cetera florenorum millia; ebur, supra trecenta millia; & aliæ merces non pauciora pariunt: vt ultra sumptus, qui sanè ingentes & incredibiles sunt, facillè florenorum millionem Occidua societashinc colligat. Quæ naues, quòd in opidis maritimis, & in litore potissimum, viginti aut triginta leucis ab inuicem remotæ suas merces distrahant, & nauas coëmât, à decem armatis & optimè instructis, paruo molimine subigi expugnariq; possunt. Ad hanc rem necesse foret, naues nostras Februario mense in Guineam appellere; quòd hostis non nisi circa Aprilem discessionem in Hollandiam parare soleat.

Quartò, commercium Groenlandicū, quod potissimū in balenarum captariū adipe, muria & ossibus cōsistit, & cui annis singulis quindecim sedecimūe naues applicantur, & è quo plusquam octingenta florenorum millia quotannis proueniunt, intercipere. Quod sanè disturbatu facillimum est, cū naues eò proficiscentes vix armatæ, & paucissimis epibatis sint instructæ: tuu verò, quòd Hollandi nostris Vascōnibus transfugis, quos auro sibi pararunt, & iam inde à Cantabria & Biscaia ad se pellexere, destituti balenas capere nequeant. Vnde si Rex his sine vlla exceptione delicti veniam indulgeret, & alijs promissis & sponsonibus ad obsequium suum, hostique valedicendum pelliceret, in caussa esset vt, transfugis domum redeuntibus, mare Boreale balenarum ergò hostis frequentare cessaret.

Quintò, nauigationem in Moscouiam, vnde pelles ferinas, cerā, linum, pisces, coria bouina, & alias id genus merces petunt. lucrū huius quotannis ad sexcenta propè florenorum millia pertingit. octo ad summum huic destinantur nauigia: quæ non difficile foret intercipere aut disturbare, quòd à defensoribus & armis non satis sint instructa.

Hæc sunt præcipua loca, ad quæ Hollandi merces deuehunt & auehant, quibus per pauculas Hispanorum naues excludi & impediri pos-

possent. Et sanè probrosissimum, turpissimum, & numquam ignoscenda negligētia est, Hispaniam omnium harum nauigationum dissipationem & exclusionem in manu habere, nec vñquam eam tētare, cū tamen tot florenorū milliones hosti ex illis annuatim proueniant, sempiterna gentis nostræ apud omnes cum infamia & opprobrio : quibus proinde persuasum est, nos studio bellum hoc alere, & illo velut delectari, dum hosti materiam vltro quodammodo ad bellum hoc sustinendū suppeditamus. Hoccine quis sibi persuadeat ? hoc ne euipiam in mentem veniat ? vbinam nostra sapientia ? an non meritò nos gentes omnes explodant ? sexaginta ipsos annos, hoc nos tolerare potuisse ? quàm intolerabile hoc Hispanorū est phlegma & morositas ? quis hūc nobis errorem condonet ? esto & lapidei essemus & bruti, cecitatem sanè hanc videremus. *Vala me Dios!* Ignosce ; Hispana enim cholera & bilis mihi mentem propè eripit.

Decimosextò, quò maris sibi Rex imperium **XVI.** vindicet, potentem in eo classē instruere necesse foret, quæ per varia dispersa loca hostem vndiquaque mari excludat, & plenum eius dominium Regi suo consignet. Quod vt sine Regij ærarij sensu & damno fiat, omnia regna & prouincias naues quasdam adornare, & impensas earum sustinere oporteret; Castellam Vete-

rem decem, Nouam totidem, Lusitaniam octo
Aragoniam sex, Catalauniam octo, Valentiam
& Murciam quatuor, Granatam tres, tres item
Galæciam, & quatuor Cantabriam, duas Na-
uarram, Neapolitanum regnum denas, Siculum
quinas, Mediolanensem denique Ducatum se-
ptenas. vniuersum octoginta naues: nisi, quæ
artic. XIII. commemorata est pecuniæ colligendæ ratio, maiori classi parandæ sufficeret; tunc quippe maior vncuique regno & ditio-
ni nauium posset numerus præscribi.

Magnates porro Hispaniæ, quos *Grandes* vo-
cant, quique ibidem & domiciliū stabile, & facul-
tatū suarū prouentus habent, quorumque annuus
reditus duos & dimidiū auri miliones exsuperat, & quidquid sūt omnemque magnitudinē suā
Regi debent, non pauciores quàm quatuor pro
rerū suarū magnitudine, instruere naues par est.

Alios verò Duces, Marchiones, Comites Hi-
spaniæ, quorum prouentus tres auri miliones
excedit, non pauciores etiam quatuor.

Archiepiscopi quoque & Episcopi Hispaniæ, qui suam à Rege promotionem accipiunt, non etiam pauciores quàm quatuor, rebus omnibus necessarijs instruere naues debent, cum tres ferè auri miliones suis è prouentibus annuè colligant. Non pauciores item Abbates, Præfules, Canonici, quorum reditus non cedunt prioribus, imò & superant non parum.

Militarium Ordinum collegæ, quorum proventus annuus in auri millionem & amplius excrescit, duas etiam Regi naues adornent, cum nonnisi Rege donante, sacre illi militiae inferantur.

His adde Indiam Orientalem: non enim potest hæc pauciores sex, rebus omnibus instructas, Regi suo naues submittere. Quid verò America, Perüa, Mexicana, Brasilia, & omnia ei vicina regna, suo minus Regi dare possunt, quam decem instructissima nauigia, eisque de annua impensa prospicere? Itaque nullo suo impendio, & sine vlla ærarij imminutione, centum nauium, de rebus omnibus prouisarum, classem Rex habebit; quarum epibatis & militibus ea, quæ diximus, regna ac prouinciæ, Ecclesiastici & Magnates, stipendia menstrua de suo numerarent.

Non potest autem hoc cuiquam videri graue: impensis enim pro facultatum vniuscuiusque magnitudine diuisis & distinctis, onus hoc & grauamen nimis quàm exiguum, neu dignum vt id quisquam suscipere detrectet, esse deprehendetur. Hoc tamen Regi non mediocri erit subsidio, & pleno maris imperio parando, pacificeque semper possidendo, per opportunum. quod vbi habuerit, non est quòd vlla cuiuspiam arma metuat, cum, ad omnium Regum potentiam infringendam, mare liberum ei velut viam

aperiat. Etenim nauium suarum commoditate, potentiâ & adminiculo, ad ferè omnium Regum oras maritimas appellere, easque infestare poterit.

Cui voluntariæ classi si aliam quinquaginta ære suo paratarū nauium adiungere, & sustentare vellet; vtraque yniverso mari occupando, æmulis omnibus edomandis, rebellibus haud ægrè compescendis, & vicinorum Regum ac Principum armis, vt nec lacertos mouere, nec prouincias Hispano Regi rebellantes auro & milite iuuare auderent, retundendis, nimis quàm abunde sufficeret. Quamquam Regem ad hanc nauium impenfam minimè opus erit descendere, si quæ artic. XIII. nu. VIII. dicta sunt, seruare velit: nam è pecunia, quam quibusdam è rebus colligi posse dixi, duæ ingentes, etiam sine vllo Regio impendio instrui clâsses poterunt.

XVII. Decimoseptimò, non inconsultum foret, Antuerpiæ, & in nonnullis oræ Flandricæ locis ad hoc peropportunis, minora nauigia, vt actuaras, celoces, liburnicas, dromones, & minoris formæ triremes parari; quæ Zelandicas insulas excursionibus suis fatigarent, & exscensione subinde factâ agros depecularentur, neque vllum domi suæ turum ac securum esse sinerent; vt bellum re ipsa sentiant, & non velut in tabula depictum videant, aut libris descriptum legant.

gant. Quod si fiat, mirabilem mox in harū insularum incolis mutationem videbis; quorum modò ea est arrogantia, vt seipfos non noscant, cunctis insultent, Regum omnium potentiam eludant, inuincibiles se esse rati, quòd quid bellum sit, facto non experiantur; eorum denique superbia etiam nubes transscendat, quòd à nemine sibi damnum aut vim inferri posse, & omnium sese armis & potentia superiores esse existiment. Sentiant tantum, nauium harum adminiculo, Regis sui arma, & ipsis noctu diuque non quietis, non tutis domi esse liceat, longè, credo, aliter sentient ac loquentur, & elatus eorum animus longè infra aggeres & aquas subsidet.

Decimooctauò, optadum esset, omnia portoria, quæ *Licentias* passim dicimus, terra marique penitus inhiberi: his enim qui hostem priuat, è quatuor & viginti, quos habet, dentibus sex ei quodammodo eripit, cum tres florenorum milliones, id quæ nullo cum labore, *Licentiarum* ei quotannis indubiè pariant. Eadem quoque operâ esset vniuersum inter rebelles, & obediētes Regi prouincias, commercium inhibendū, nulla vllis in rebus communicatio permittenda, acri in delinquētes propositâ poenâ; vt hac ratione, omnis mercium propriarū venditio, nec non emolumenta è vectigalibus, quæ tum inferendis, tum efferendis mercibus impo-

XVIII.

sita sunt, prouenientia, hosti eriperentur.

Prohibendos quoque censerem libellos illos, quibus vltro citroq; commeari liceat (quos *passortas* vocamus) qui non exiguum hosti compendium annis singulis adferunt; cum singuli ad annū duraturi libelli septem & triginta florenis redimantur. & quia plures id genus libelli tum à suis, tum à nostratibus peti solent, magnam auri vim inde redigit. Si enim verum, quod vulgò fertur, quinque aut sex huiusmodi libellorum millia, pauculis abhinc annis, ab hoste petita fuisse; inde efficio, horū annorum singulis hac è pecunia & redēptione, supra ducenta & viginti eum florenorum millia conflasse. tantum circiter quotannis efficient sex libellorum millia. Est hoc insigne inimico ad sumptus extraordinarios tolerādos subsidium; quod non sine magno sensu, & cum notabili annuorum prouētuum decrēmto illi eripietur.

- XIX. Decimonond, Regio Belgio comodū, rebellis autem (cuius omnis vis & potētia in mercimonijs ac nauigatione sita est) incommodum foret, & securitati, tutelæ, munitioni patriæ parandæ perutile; si Nouesio Rhenus per Iuliacum Ruremondam; aut Rinbercā per Gelriam opidum, Venlonam conduceretur: Mosa verò Traiecto per Hasletum & Diestemium; aut Ruremondā per Weerdam, Herendaliam & Liram Antuerpiam; aut Ruremondā,
Weer-

Weerdâ, Helmontio, confluentibus Bekâ & Adâ amnibus, Siluamducis, indeque adiuuante Rummâ fluuiolo per Turnholtum Herendaliam deriuaretur. aut, si fieri posset, (quod etiam magis optandum) Venlonâ per Pelensem tractum, accedentibus Adæ aquis, Helmôtium, inde Siluamducis & Bredam, dein per Rosendaliam, aut (si mauis) pagos *Groot-Sûdert, VVest-vvesel, & Schooten*, tandem in Scaldin Antuerpiensium flumen se exoneraret. Enormi, fateor, in fossionem hanc opus foret impendio: at si emolumenta, quæ Pelgio Regio hinc accedent, cum sumptibus componere velimus, illa vicecuplo his maiora fore comperiemus. Spôdere quoque ausim, Antuerpiam de suo non il lubenter quadringenta florenorum millia in sumptus hos collaturam, & Bredam, Siluamducis, & Venlonam centies mille florenos singulas. adhæc, pagos, qui noui huius aquæ ductus adminiculo ab hostili vexatione & contributione immunes reddentur, quinquennio & sexênio proximo tantum in fossionis huius impensas libenter numeraturos, quantum eos hosti annuè dare oportuit. Vt verò hæ vrbes quàm effudere pecuniam, tandem aliquando recuperent, possent, Rege annuente, pro æris alieni, quod idcirco contraxere, ratione, tolerabile quoddam ex omnibus hoc aquæ ductu venturis mercibus, vectigal & portorium tamdiu colligere,

ligere, vsque dum plenè ijsset satisfactum.

Vt autem maius hinc hostis damnum sentiat, esset Rinberkâ Venlonam vsque, non solâ aliqua stagnans effodienda, sed totus, quantus quantus est, Rhenus, profluens & affluens, in Mosam deriuandus. Vnde fieret, vt Grauia, Rauesteinia, Bommelia, Huesdenum, Tila, & non modica Hollandiæ pars ab aquis Rhenensibus inundaret, nullam tamen vt inde Regiæ prouinciæ aut vrbes noxam acciperent, & vice versa, multæ hostium ciuitates, quæ modò ob aquam vicinam propè inexpugnabiles videntur, putà Resa, Embrica. Neomagus, Arnhemium, & quæcumque Leckæ flumini imminēt opida, nec non Doesburgum, Zutphania, Dauentria, Campi, aquis destituerentur, itaque exercitibus nostris viâ velut panderent, ad sine vlllo impedimento & difficultate in Hollandiâ penetrandum, hostem cominus laceffendum, arma ab agro nostro in hostilem transferenda. & esset hæc optima cruenti huius, quod iam plus annis sexaginta ceruicibus nostris vndiquaque incubuit, belli finiendi ratio.

Incredibile dictu, quantum per horum fluminum concursum & cōnexionem mercimonia florerent, vectigalia Regia crescerent, & omnis quâ patet regio omnigenis mercibus abundaret. Hinc enim fiet, vt omnis ad Belgium Regium cum Germanis omnibus negotiatio &

cor-

correspondētia sit commigratura: omnes quoque Leodiensium (quibuscum nullum iam hosti commercium esse poterit) merces vilioris multò sint pretij futuræ, vtpote ab immenso, quòd curru vehantur, sumptuum onere iam liberæ. Augebit hoc immensum mercimonia & negotia: nam vna triginta tonnarum (vt vocāt) naus non plus quotidie merces, & earum vecturam aggrauabit, quàm modò duo currus; qui tamen simul non plus quàm tonnæ vnus onus vehere possunt.

Adhæc, horum fluuiorum adminiculo, omnia Rhenana & Mosellana per vniuersam provinciam vina commodè conuehi & traduci poterunt, vti & omnigenæ Belgicæ Hispanæq; merces per vniuersam Germaniam longè lateque diffundi.

Hinc quoque fiet, vt, quod è Licētiarum inhibitione Germaniæ Principes passuri sunt detrimentum, (vtpote quos propter eam multis exteris carere mercibus, & non modica mercium patriarum distractione frustrari oportebit) minus & tolerabile visurum sit; quòd, horum fluminum oportunitate, quascumque è Belgio nancisciam poterunt.

At dici non potest, quantum hinc hosti ori-
turum sit damnum: omnes enim merces, ac
præsertim aromata, quas, horum & aliorum
fluminum oportunitate, in Germaniam magnâ
copiâ

copiâ numquam non conuehere solet, apothecis suis reclusas tunc seruare cogetur, quas diu seruatas multorum annorum situs deteriores reddet, & pecuniariû scœnus aggrauabit & demum consumet. Cogentur præterea opifices, præmercium distractionis, vëditionis, operum defectu, patrijs sedibus relictis, aliò commigrare. Ligno quoque & omni fabрили materia, quod horum fluuiorum aquâ potissimum ad illum conducebatur, necesse eû erit destitui; nos vice versa eo abundare. quod in causa erit, vt, quod modò carò apud nos venditur, vilioris veneat; apud hostem verò pretium illius multò futurum sit grauius. Adeò vt ei tunc naus quadruplo maiori constituta sit pretio, cùm fabrilē materiam è Suecia & Dania intolerabili cum impensa; & ferrum, quod nunc Germania & Leodicenses ei suppeditare m̃ximè consueuerent, è Suecia (esto Suecum hoc, dimidio quoad valorem minùs valeat) petere compelletur. Certum rei huius nuperrimè experimentum vidimus: cùm enim ferri in Hollandia pretium immensum idcirco excreuisset, factum est, vt, uauibus binis quingentes mille ferri libras vehentibus, Leodio illuc per Mosam appulsis, ipsum penè dimidio decreuerit; ingenti certè omnium qui Regijs ad Mosam opidis & propugnaculis præsunt, cum probro & infamia, quòd ipsis aut conscijs, aut inscijs hosti de re, qua maxime

ximè opus habebat, prospectū fit. Idem de sclo-
petis, plumbetis, alijsque bello seruientibus re-
bus esto iudicium : quæ horum & aliorum flu-
minum interclusione, itinere verò terrestri iam
præpedito & ablato, dimidio plurisei haud du-
biè stabūt. Hæc deniq; fluuiorū diuersio agrum
Transmosanum, Limburgensem, Falcoburgē-
sem, & non paruam Gelrensis, Iuliacēsis & Bra-
bantini partem à contributione hosti pendi so-
lita eximet ; Luxemburgenses à prædonibus
& volonibus satis tutos reddet ; hostem verò
immensa pecuniæ vi, & annuorum prouētuum
parte non modica priuabit.

Non foret item abs re, si Scaldis Antuerpiē-
sium flumen in vicinum Netham, Liram & He-
rendaliam vt decurreret, deriuaretur. Non mi-
nùs ad rem facerēt, si Hulstani per Stekenam
pagum riuum effoderēt, per quem tum Antuer-
piā, tum Gandaui suapeterent & conducerēt.
cuius adminiculo Hulstium mirum in modum
communiri, ei que de omnibus rebus necessarijs
cōmodè prospici, & vniuersus Wasianus ager
non mediocriter percipere posset emolumentum.

Neque recens est hæc fluminum aliò con-
ducendorum abducendorumque ratio, sed &
olim à Regibus, varijs in locis vlurpata. Sic lego
Xerxem Persarum Regem Athon mōtem ma-
ximum perfodisse & velis peruium fecisse, vt
commoda ex vno mari in aliud per eum classi-
bus

bus esset nauigatio, & qui ob eum nauigantibus faciendus erat, circuitu seuitaretur; etenim ad mille quingentos passus Rex eum à mari præscidit.

Ptolemæus, Ægyptiorum Regum non potestremus, iam inde à Pelusio ingentem effodit fossam; quam, cum tellus vniuersa aquarum laborabat penuriâ, laxabat; cumque inundationis nimie periculum imminabat, catarractis occludebat.

Sic & Myro, Ægypti item Rex, fossam iugeri latitudinem habentem è Nilo ad nouena passuum millia effodi, & ad lacum, quem prius parari iusserat, ad trecenta septuaginta in circuitu milliaria patentem, usque conduci mandauit.

Sesostris Ægypti quoque Rex, hunc ipsum Nilum, iam inde à Memphi vrbe regia procurrentem, in plures deriuauit alueos: cum ut ager omnis aquis hisce quaqua uersum irrigaretur, & ad regiam nauibus, ac proinde minore cum sumptu, commeatus varijs è locis conduceretur; tum etiam ut Ægyptus, hostili excursioni vndique patens, hisce intersecta riuis, ab eadem aliquatenus foret immunis.

Eandem ob causam Persarum Rex Cyrus Gindin flumen in quadraginta & amplius amnes distinxit.

Nec uiris solum id fuit propositi, sed & Reginæ Semiramidi: viso namque, Ecbatana Medie

diæ regiam, aquarum laborare penuriâ, rupe-
tribus altâ milliaribus excauatâ, fluminis vici-
ni aquam, quinque & quadraginta altam pe-
dibus, per latissimâ fossam in urbem deriuauit.

Romanos si intueri velimus, ea illos in aque-
ductibus fecisse comperiemus, quæ fidem apud
posteror vix inueniant.

Sic Claudius Imp. duos aquæductus, à Caio
Caligula inchoatos, perfecit; quorum primum
partim actis cuniculis subtus, partim per ter-
ram, ad quatuordecim passuum millia; alterum
verò ad duodecexaginta, etiam sub & supra
terram conduxit.

Sic M. Titius aquâ Martiam per montes cõ-
duxit; adeò vt sub terra ad quatuor & quinqu-
aginta, super terrâ fornicatos per tubos ad septẽ
passuum millia, & sub montibus ad bina flueret.

L. Flaccus, quod Curius antè cœperat, per
continuum ferè saxum aquam ad duo & qua-
draginta miliaria in urbem deriuauit.

Nec insolens hoc aut mirũ cuiquã videbi-
tur; nam quæ de Sinarũ aquæductibus historiæ
produnt, fidem propè superant. Etenim vix vl-
la apud eos ciuitas, ad quã non aut natura, aut
hominũ industria fluuen deduxerit, partim in
negotiorũ facilitatem, mercium traductionem,
partim in regni robur ac tutelam, partim in in-
colarũ habitationem; cum plures in nauibus &
aqua, quàm in opidis & terra commorentur.

I *Quid*

Quid autem canales & aquæductus nostros, remotarum regionum, & priscorum Regum exemplo necesse me est confirmare, cum nostro in Belgio præstantissima, priscis Romanis præeuntibus, rei huius exempla habeamus. Hi enim Domitio Corbulone legato, iâ inde Lugduno Batauorum per Delfos, & agrum Mosæ conterminum, iuxta pagum *Sluys* nomine, in Mosam vsque, fossam latissimam & capacissimam duxere. Inde verò Bataui sub Claudio Ciuili, iam inde à Durostadio haud procul Ultraiecto, per Culenburgum, Vianam & Schoonhouiam in idem flumen Mosam, iuxta pagum *Krimpen*, aliam, cui Lecka dein nomen impositum: vt Rhenus, cuius olim Durostadio Ultraiectum cursuserat, illo propè deserto, per hunc aquæ ductum totus fluxerit. quod Ciuilis opus & longitudine, & amplitudine, illud Corbulonis duplo ferè excedit.

Druso verò Germanico Rom. copias illis in locis ducete, alium in pago *Iseloirt* prope Arnhemium, Doelburgū vsque, aquæductū effossum legimus, vt commoda è Rheno, per Doelburgum, Zutphaniam, Dauentriam, Campos, in Frisiam per Isalam transire volentibus esset nauigatio. Sunt, qui & Isalam quantus est modò, Romanorum olim manibus effossum putant; atque adeò potissimam amnium, à quibus Batauus agervndiquaque, ceu corpus venis in-

tersecatur, vti & Transilalanorum, & Gelren-
sium etiam quamdam, & Frisiorum penè om-
nem, partem, non à natura, sed hominū esse in-
dustriā paratam. Et sanè, si Bruxellenses suo ip-
sorū ære & inpendio octo leucarum aquæ du-
ctum, etiam montoso & confragoso in solo &
auspicari & perficere; & Flandri soli quatuor
florenorum miliones, quò noua Gádauo Bru-
gas vsq; fossa pararetur, quæ appulsas oceano
merces aliò conduceret, expendere non dubi-
tarint; vniuersa cū vicinis prouincijs Brabantia
aggredi verebitur id, à quo sempiterna nō Bra-
bantiæ solius, sed & vniuersi Belgij Regij, salus
& incolumitas dependet?

Carolus cognomento Magnus Rom. Impe-
rator, nisi cōtinua ad multos dies pluuia obsta-
culo fuisset, Danubium Rheno iunxisset; quod
certè torrida æstate factu non admodum ar-
duum est; vti & Visurgin per Luppiam in Rhe-
nū conducere. Incredibili certè id Germaniæ
totius, & Belgij maximè, fieret cū emolumen-
to; commercia cū vicinis prouincijs adaugeret,
& ob facilem operū Belgicorum in exterarum re-
giones distractionē, externorumque eòdem in-
uentionem, opes Belgicas nimium quantum ad-
augeret.

Quin & nostræ ætatis Batauos intuere, qui
incredibili propè ausu Zipesem lacū exficcare
aggressi, eum tandē arabilē fecerunt, nouo ad-

uersus omnem maris impetum obiecto aggere, que inde aquarū eluione, & vi tempestatis perfractū, rursus de nouo instaurarūt: & hac ratione vndena iugerum millia, aquis antè innatantia, sementi admittendæ adaptarunt, dum

*Spicigera sua regna, feris Neptunus in vndis
Horrendum stridens, Cereri concedere*

est compulsus. Id ipsum dein & in freto *Beemster* nuncupato tentarūt: quod pari modo, laborioso quodam aggere, etiā post eluionem restaurato, à reliquo mari sequestrātes, nouena propè iugerū millia continenti annexerūt, cū prius vniuersam qua patet freti aquā, plurimarū antè nauium campū, artificiosis quibusdā instrumentis & antlijs ingenti molimine eduxissent. In quæ opera quantum auri impensum, tecum consideres velim. Ergo ne Regi, eiusque fidelibus vasallis ad paria tentanda minus aut animi erit aut potentiæ?

- XX. Vigesimo, cōmunis est Regiæ prosperitatis amantiū sententia, ad inimici potentiam prorsus eneruandam, & insolentem eius animū deiiciendum, nihil esse cōpendiosius, quàm si suas in hostilem agrum Rex copias educat: partim, vt Regiarum prouinciarum incolæ ab incommodis & damnis, quæ militaris turba secum trahere solet, immunes agant; partim, vt hostis belli incommoda suis etiā in visceribus sentiat; quod alia illius edomādi ratio non appareat.

pareat. Quàm commodissimè autē id fieri poterit, si cis & trans Isalā flumē duæ validissimæ, rebusque omnibus necessarijs, vt cōmeatu militari, annonā, armis, milite, instructissimæ cōdantur arces: quas ambas pōs naualis neēt ac combinet. Brefordia quidem huic commeatus aduectioni satis incommodare & nocere poterit: at, cūm opidi huius ciues nonnisi vnum per aggerem exire & redire possint, duabus arcibus vtrumque paruis in vicinia erectis, hoc tolli incommodum commodè satis potest.

Vigesimo primò, sæpiùs ex ipsismet Belgis, XXI. locorū omniū & adituum peritissimis, etiam in Hollandia & Zelandia natis, audiui, satius longè fore, vt, cūm vicinorū Regum ac Principum potentiā, armis, pecuniā rebelles ita iuuabūtur, vt, humanitus loquendo, eos subiugare videatur impossibile; tūc suis eos aquis Rex faciat innatare, omnes eorū agros, prata, campos, animalia perfossis aggeribus immergendo, itaq; omnem internam & domi natam potentiam eis eripiēdo. quod, aggeribus varijs perfossis, factu haud difficile. itaque plusquam duæ tertię Holladiæ ac Zelandiæ partes aquis inundarent, & ad annos plurimos satui inutiles manerent, vnda- rum præda. Quod ducentis trecentisq; aureorum millibus effusis, qui rei huius executoribus addicerētur, haud egrè fieri posse opinabantur.

Et sanè, multò mihi videtur satius, Hollan-

diam ac Zelandiam sub aquis merſam natate, quàm ſuos Regem theſauros, non ſine notabili Indiarum ſuarum ſi non amiſſione, ſaltem exhaustionē, & ſempiterna cum Hiſpaniæ inquiete, quæ ſuo præterea robore, tot generoſis ſubmiſſis militibus, identidem exhauritur, & non ſine grauiorum periculorum, & maioris aliquot poſt annos iacturæ metu, incuſſum in eam recuperandam profundere. Si pari Hiſpania facilitate ab Hollandis obrui aquis poſſet, ad tri-duum non exſpectarent.

PELAG. Incredibili hæc animi mei cum gaudio ex te audiui : hinc viginti aureorū millia æquè cara non habeo, atque hanc tecū de Belgicis rebus à tanto tēpore mihi expetitam agendi oportunitatē. Vnde etiam æternū me tibi de-yinctum, & perpetuū clientem fore ſpondeo. Sed vnum eſt, quod perſæpè me torquet. Eſto namque ex ijs quas attuliſti rationibus, ſole meridiano clariùs videam, Regem Belgicæ ſuæ rebellis iugū tandem poſſe imponere ; aliquis tamē mihi ſuper eſt ſcrupulus, in quo animo ipſe meo neutiquā poſſum ſatisfacere, aut, quo minùs dubitet, impedire. Quomodo nimirum, ſi Gallicæ, Anglicæ, Daniæ, Sueciæ Reges, ipſis Germaniæ Principibus etiam ſuppeticas ferentibus, quò Hollandos contra Hiſpanorū potentiam tuerentur, apertè rupto foedere, vim omnē armorum aduerſus Regem noſtrū conuerterent;
ſolus

solus ipse tot potentium Regum impetum excipere, & suas à tanta violentia prouincias ac regna tueri valeret?

BONAVENT. Quoad Angliam, nemo id mihi facile persuaferit: norunt siquidem Angli, Hiberniam commodissimum esse locum, quem nullo cum labore, & paruo impendio Hispanus queat occupare; vt quâ nulla in Europa prouincia commodiores tutioremque nauibus stationem præbentes portus habeat. Quos si Rex noster inuadat, quem Angliæ statum futurum putas, hoste tam vicino, & Anglicana littora quotidie infestante? Ipsa adhæc Anglia vndiq; & aperta, & accessibilis est, vix vt vllum munitum sit opidum, quod accedentem hostem arceat. Scotia quoque non minùs patet quàm Anglia, & nulla penè quæ hostili incurfioni resistant, habet loca. Denique modum non video, quo necessariam bello alendo, aut nouæ semper classi comparandæ, Anglus pecuniam colligat vel inueniat.

De Gallia, multò id minùs timere possum. licet enim Galli exterius sæpè parum prudentiæ præferant; suis tamen in consilijs ac propositis prudētes, maturi, cordati, viriles, & prouidi sunt: cumq; iam instat præforibus periculum, non rarò eos prudentiores videas, quàm alios permultos, qui magnum prudentiæ specimen nonnisi exterius ostentant.

Cur autem Gallus apertum, pace disruptâ, Regi nostro bellum minimè sit inducturus, hâ rationibus adducor vt credam. Prima, quod altissima & duplex inter eum & Regem nostrum intercedat affinitas: quamquâ non ignorem, vix vllam apud Reges sanguinis sensum reperiri, cum illis regni sui salus, bonum, incolunitas, affinis, sororius, frater, imò pater & mater sit. Vt quoddam Regem inter ac regnum, initum matrimonium dicas, cuius ille causâ forores, fratres, patrem iuxta ac matrem relinquat & obliuiscatur.

Secunda, maior Gallorum Regis mihi videtur pietas ac religio, quàm vt cū fidei Catholicæ hostibus, aduersus sororium suum conspiceret. IUSTI adhæc is passim cognomento dicitur; neutiquam proinde mihi in mentem venire potest, vt is apertam & sole meridiano clariorem Hollandorum iniquitatē & iniustitiam tueatur, & Christianis armis suis eos, aduersus naturalem, legitimum & natium Principem suum rebellantes protegat. Nam quemadmodum is meritò succenseret, si Rex noster suis rebellantes illi Rupellanos armis foueret, impiamque illorum causam tueretur & firmaret; ita & noster iniuriam sibi fieri queri iure posse videretur, si suis Francorum Rex armis contumaces & proteruos Batauos Regi suo rebelles protegeret, & iniquam illorum causam faceret

ret suam. Quod enim quis dicat, non ideo Gallum Batauis Hispani iugū detrectantibus & rebellibus, Christiana sua subsidia mittere, vt illorū rebellionem foueat, causam iniquā tueatur, minùs etiam vt religionem adulterinam promoueat; sed vt Hispanorum arma à regni sui finibus auertat: id & Hispanus hîc poterit dicere, non ideo se Rupellanos Regi suo rebellantes iuuare velle, vt ipsorum rebellionē foueat; nec suppetias dare, vt aduersus legitimū dominum insurgant, regno eius vastationē inferant, ac perfidæ religionis suæ terminos longiùs extendant; sed dumtaxat, vt Gallorum à regnis suis potentiam amoliat. quā non est quod timeat, quamdiu illi Rupellensibus edomandis & compescendis distinebuntur. Et hanc, vnicam rationem videri, quæ Regem nostrum ad illos iuuandos posset inducere. At quis hanc in illo probet aut dilaudet? Idem ergo de Gallorum suppetijs & armis, quibus Batauorum rem fulciant, dicendum est.

Video adhæc, Gallum Valle Tellina recuperanda, & Sabaudo Duce aduersus Genuensium Remp. fouendo distineri; adeò vt, si se Regis nostri hostem palàm declarare vellet, tertium conflare exercitum, (quod sine ingenti pecuniarum vi fieri nequit) cogeretur.

Demus verò, eum se Hispano hostem declarasse. vbinā tunc prima hostilitatis suæ argu-

I s men-

menta edet? In Belgas armorū vim conuertet? ijs certè haud difficile erit, vim vi repellere. non tunc & Aragonij & Catalauni quinq; ac viginti armatorum millia, ære suo collecta, paruo in Galliam negotio poterunt emittere? non Poloni & Croatæ, tali datâ occasione, viginti equitū immissis millibus vniuersam quā patet Franciā vastare & depeculari? In Hispaniam potentiam & bellimolem conuertēt? non regnum eius, Germaniā & Belgium versus, vndiquaque patet, & incursionibus obnoxium est? In Germaniam ergo copias educet? Hispani & Belgæ nullo non tempore in conterminam sibi Galliam possunt irruere. Et hæc illum videre non putas? adeone fungum & fatuum eum existimas, vt ab Hollandis quocumque, velut naso comprehensum, se abduci passurus sit; aut vt, quò vnus Buckinghamij concepto in nos odio & malevolentia velificetur, sexcentis regnū & omnes suos periculis exponere pro nihilo ducat?

Taceo præterea, quoad Rupellanos illum, vtcumque decies fidelitatē ei scripto iurassent, nullatenus posse esse securum. viso namque militem Regium bello externo distineri, facili, quæsito in speciem colore & occasione, munitiora quædam regni opida inuadent. quod ille certè nequit ignorare, vt qui ex historijs, & maiorum suorum gestis, Caluinistarum genium & indolem satis perspectum habere potest;

test; non aliter pacem petentium, & quietem
 amantium, quàm dum res ipsorum domi affli-
 ctæ & propè desperatæ sunt: illam verò vio-
 lantium, dum lætior alicunde affulget sors, &
 meliorem rerum euentum sperant; cùm probè
 gnari sint, in turbida aqua tutiorem esse pesca-
 tum. Ita porro me harum rationum pondera ac
 libramenta suas in partes pertrahunt, nemo vt
 facilè mihi persuasurus sit, Gallum in itam cum
 Hispano pacem violaturum; nisi, ad peccata aut
 nostra, aut Gallorum, aut vtrorumq; castigan-
 da, tale quid fieri Deus permetteret. quod de
 clementissimo illo Patre nos nefas est credere,
 vtpote qui regna illa & Regem vtrumque, per-
 inde ac filios carissimos, tueri solet ac protege-
 re (ringentibus licet ac frendentibus vtriusque
 aduersarijs) & semper, vti confido, conseruabit
 atque defendet.

Neque etiam à me ipso possum impetrare
 vt credam, Gallum cum Anglo, coniunctis pa-
 riter viribus, Hispanos adoriturum. Norunt
 quippe Galli, è re sua non esse, Anglum poten-
 tiâ crescere: vt qui priscas Anglorum in Gal-
 liâ prætensiones & iura non ignorant, & quid
 ab ijs hæc olim passa sit etiamnum cum dolore
 recordantur. recens enim illorū adhuc memo-
 ria est, & Regia vrbs Parisij, ac potissima re-
 gni portio, exercitæ sæuitiæ locupletissimus est
 testis. Sed demus id ita fieri, & Gallum socie-
 tate

tate armorum cum Anglo initâ, non modicam Hispaniæ partem occupasse; quid tunc Gallo, ab Anglo iâ potentiore, & latius imperante, aliud expectandū, quàm vt hic, fortunâ lætiore iam arridente, & à Gallicanis Calvinistis, suis in Evangelio fratribus, suffultus & adiutus, prisca iura armis repetat, vt à maioribus illius olim factitatū non semel, vt qui etiamnum, in pristina prætensionis & spei suæ signum, Francorum se Regem appellare non dubitat, & maiorum exemplo, Gallicana lilia suis iungit leonibus, & velut deuoranda obijcit, aut suavi illorum odore ad eadem inuadenda allectat? vt maiorem Gallia sibi ab Anglorum potentia & magnitudine, quàm Hispanorum, metuendi causam habeat. Ac proinde, non prius Galliam tutâ ac securam esse posse arbitror, quàm Anglo ad angustias redacto, exhausto, & ad pristina iura per bellum repetēda impotente; cū, quotiescumque ei libuerit, optimā ad ipsa bello & armis alleganda occasionem habeat. Sapientiores ergo duco Gallos, eosque præterita, & futura contingentia ac possibilia prudentius excussuros, ac in rebus suis fore arbitror circūspectiores, quàm vt, præcipiti in Hispanum odio acti, hereditario & nato hosti suo Anglo arma velut in manu tradant, ad pristinam Britannia suam denuo inuadendam, indeque tum sua, tum reformatōrū Hugonottarum arma vlteriùs proferen-

ferenda; venientibus præsertim in partē Batauis, qui ad fratribus suis in Christo, eiusdem secum fidei, auxiliandum, & causam eorum tuendam, magis se putant obligari, quàm Christianissimo Gallorum Regi, cuius, obeam quam profitetur & tuetur religionem, iuratissimi sunt hostes.

Verisimile quoque mihi fit, Gallū, ab enormi illo pecuniario Batauis submitti quotannis solito subsidio tandem aliquando velut defatigatum cessaturum: cū ē Regiarum rationum libris liquidò constet, iā inde à tumultuū Belgicorū initio in præsentem vsque diem supra centum & duodenos argenti milliones à Gallorum Regibus, id quæ sine vlla vel oboli refundendi spe, rebellibus Batauis esse ad belli impensam tolerandā suppeditatos; ingenti certè Gallia totius cum grauamine, & Francorū oppressione. vt nihil interim dicā de immensa illa auri vi Regi Daniae, Expalatino Frederico, spurio Mansfeldio submissa, & alia in expeditionem Val-tellinensem & Sabaudi aduersus Genuenses insumpta. Efficio proinde, nouas Gallū nouis exercitibus instruendis impensas minimè facturū, ne irreparabilem vniuerso regno perniciē adferat, nouisquæ id oneribus ita exhauriat, vt exinde respirare nequeat; cū quos in Transalpina, Val-tellinensi & Genuensi expeditione, sine vilo prorsus emolumento, vniuersa Gallia sumptus subiit, etiam nū sentiat; vti & illos

los, quos susceptū in Rupellanos & Hugonotas reliquos bellum florentissimo regno peperit: vnde factū vt annui Regis prouentus nimīū quantū in annos plurimos sint oppignerati. Vnde censet nonnemo, in postremas illas expeditiones, eum supra centū, alij centū & quinquagenos, alij deniq; supra ducentos milliones impendisse: vt taceā, sexaginta Gallorū millia, anno non plus vno, varijs in exercitibus, & in illis Gallicæ nobilitatis florē, occubuisse. vt Theologus sine passione libelli nuperi auctor, dicere non vereatur, nuperis hisce paucorū annorum expeditionibus plures Galliam Principes, proceres, duces, generosos milites amisisse, quā olim sub S. Ludouico dux illæ in Palæstinam, infeliciter susceptæ expeditiones absumpserint.

Denique videbis Gallos suis in conceptibus maiorē re iam agi cœptā prudentiam ostendere, quā initio præ se ferebant; adeo vt effectus & finis rei longē sint alia, quā ea prima species fore prodebat. Norunt quippe, Deo dante, fieri posse, vt ad Regē suū Hispaniense sceptrum deuoluatur; imò facilius, quā ad Borbonios deuolutū est Gallicanum, cum iam quatuordecim stirpe Valesia fratres Regij superessent; etiā facilius, quā FERDINANDVS ad Imperiū Romanū peruenit, cum sex MAXIMILIANO Imp. esset filij, quorū etiam quinque satis prouectæ & maturæ ætatis fuere. Quis vmquā credidisset fore,

vt

vt Lusitanicū sceptrum & regnum ad Hispanos deuolueretur? Mirabilia sanè sūt opera Domini, & incertissimæ mundi huius reuolutiones & vicissitudines. Vide quàm arcana & admirabili rerū deuolutione, Austriaca nobilitas Burgundicæ potētiae, & deinde Hispanicæ, & omnibus quæ hæc possidet, coronæ annexa & associata fuerit. Cui vmquā, istuc aliquando fore, in mentē venisset? Vt verò ad Regem nostrum Galliæ sceptrū hereditario iure futuris temporibus aliquando deuoluatur, incassum speramus; quòd priscis Gallorum legibus & institutis à Francici regni gubernaculis mulieres arceantur. At Gallū ad Hispaniense diadema, tamquam proximū heredem, euehi, & factu facillimum est, & fieri potest, cū feminis apud Hispanos ad regnum ius sit. His ego rationibus inducor vt credam, Gallos aperto in Hispanos odio nunquam grassaturos, aut bello vexaturos.

Quod ad Sueciæ & Daniæ Reges attinet; nō ea mihi modò videntur esse tempora, vt exere-re cornua, vel mouere lacertos audeant, victri-cibus Imperatoris armis longè lateq; terrorem per Germaniā incutientibus. Etenim ad eò se hi bello implectere & intricare possent, vt ne ad propria quidē tuenda ac retinenda, sat virium haberent. & ambo maiore hætenus damno & probro, quàm honore, tum in Imperatorem, tum in Polonorum Regem arma mouerunt,

nullas vt Hispanici nominis hostibus supplicias foras possint mittere.

Alij verò Germaniæ Principes ideo res novas moliri, aut conceptum animo odium proferre non audebunt, quòd nouis indies Imperatorè victorijs cælitus donari vident; vnde ceu frænis ac vinculis quibusdam eorum impetus erumpere subinde gestiens, coërcetur & retinetur. Et sanè, ita domestico ac defensiuo (vt mihi quidem videtur) bello tunc implicabuntur, vt apud externos id quærere eos minimè oporteat; & ipsa foris belligerandi haud dubiè prurigo illis decrescet, cum inexpectata aliorum arma domi experientur. Vt omnes has minas, volaticarum & inanum nubecularum, plus minarum, quàm aquæ afferentium, & præter terriculamenta aliud non incutientium, ad instar habeam.

Demus verò, omnes hosce Reges ac Principes, coniunctis viribus, ac locietate armorum initâ, tripartito exercitu, tribus Hispanici iuris prouincias locis inuadere. ea sanè Regis nostri est potentia, vt, sine vllò ærarij sui detrimento, triplici item exercitu, quorum vnusquisque quinquagenis armatorum constet millibus, illorum excipere impetum, & occurrere copijs posset (quemadmodum art. xii. videre est.) quin & alias, præter has, suo copias ære conscribere, quas in aliquam hostilium prouinciarum

rum posset educere. Ad eò vt nullam, hominum more loquendo; vilius arma metuendi occasionem habeat; quòd ita illius Deus ter maximus potentiam constabilierit, & talem regno situm dederit, nullam vt exterorum Regum eum timere potentiam vel arma oporteat.

PELAG. Plusquam satis est, hunc mihi scrupulum abstulisti, rationumque tuarum fulgor spissiores omnes dubitationum mearum nebulas discussit. Sed est aliud, quod mirè me torquet, & sollicitum habet; ideoq; vt à te mihi hîc fiat satis, expectabo. Dicitur inimicus omnes pagos & domos rurales, ad quos ei patet accessio, igne velle absumere & deuastare, vt hac ratione nullus ab agresti turba ad Regia opida commeatus deferatur, & sic illa præannonariæ rei penuria ad sibi parendum compellantur; eadem quoque ratione copiis nostris militariibus officiat, victum iis omnem præcludendo. Hinc sequetur, vt sese atque agros suos à nostrorum excursionibus tutos, & ab armis immunes reddat; viam quoq; nobis prædicat, ne quod ei parentium opidorum inuadamus.

BONAVENT. Quantum ad domorum ruralium deflagrationem & vastationem spectat, quid dicam nescio; nisi, quemadmodum Advocati Hollandici mortem, quæ nullo ei stetit impendio, sexcentis facillè aureorum millibus Rex noster, vtpote sibi compendiosissimam,

redimere debuisset; ita isthanc ædium deflagrationem plus auri millione illum æquè posse redimere. Idque variis de causis.

Prima. Non alias ex eis, quæ Regio parent imperio, vastare prouincias hostis potest, quàm aliquam Brabantiae, Gelriae, Transmosanæ partem, & agros Transsalanæ proximis. Flandria quippe, tum electiuo suo milite, tum erectis hinc inde propugnaculis, haud ægrè se ab hostili tueri poterit incendio. Nam tametsi hostis ex agro Flandrico Slusis vicino, quotannis ultra centum & sexaginta florenorum millia pagatim per modum contributionis iam colligat, præter omnem illam pecuniam quam Casandria insula annuè ei parit; variis tamen hinc inde erectis arcibus ita is concludi & coerceri possit, nullam ut villo è pago sperare pecuniam possit. Hinc duplex consequemur emolumentum: primum, quòd hunc hosti prouentum eripiemus; alterum, quòd vice versa hanc auri pensionem nouarum arcium erectioni, earumque stipendiis, si non omnibus, saltem potissimæ earum parti, impendemus.

Secunda. Non pauciores inimicorum pagos, tam hieme quàm æstate, incendio & flammis nostri possunt tradere. Vniuersa namque Frisia per æstatem aperta est. vnâ proinde excursionem omnes eiusdem pagos incendio delere possumus. Non modica quoque Gelriae quam

quam ipse possidet, pars nullo non tempore in nostra est manu, uti & vniuersa Transilana ditio. Brumali tempore, aquisque congelatis, Mosæ proximum, nec non Betuwensem, agrum igne quin vastemus, nemo inhibere potest.

Tertia. Credo equidem, tantum interdum hominum in hominem esse odium, adeoque implacabile & mortale, ut, dummodo inimico male sit, oculum sibi vnum erui paterentur; sed ut adeo quis demens sit, & odio ardeat, utroque ut orbari lumine gaudeat, quò vno priuetur inimicus, inauditum & inuisum est hæc tenus. E pagis, quos igne delere Bataui valent, decuplo plus tributorum in menses singulos percipiunt, quàm cum ex his, tum è Batauicis, Regis nostri ærario accedat. Et quis, hisce eos prouentibus suo pte nutu & libenter carituros credat? etenim è solis pagis Brabanticis, tributis & taxationis nomine, supra duodecies centena florenorum millia præsentè pecunia annis singulis percipiunt. Et hæc eos cum cineribus & fauilla commutaturos, credimus? adeò insanire solennia, & vsque eò stultos illos esse minimè opinor.

Vt autem Brabantica, Gehrensia, & alia opida, hosti propiora, com meatu & rebus necessariis destituantur, non est quòd timeamus: Flandria namque, Leodicensis, Namurcensis,

Iuliacensis, Cliuius ager, Westphalia, & Germania nimis quàm abundè illis alimenta sufficere queunt, vt à fame minimè nobis timendum sit. Et sanè, si hanc hostis inire viam incipiat, trans Isalam sibi miles noster, necessitate pressus, violenter com meatum quæret. nulla enim fami via est inuia.

Quarta. Non eam existimo hosti feritatem & immanitatem fore, vt tam atrociter in innocuos & paruulos sæuire, & Regi pariter, ad eandem necessariò exercendam, occasionem dare cuperet. Hac quipperatione, æternum & implacabile omnium agricolarū & ruralium, in caput suum, odium arcefferet; quos modò in omnibus rebus necessariis sibi nimis quàm fauentes & beneuolos experitur.

Et sanè, nī vnica hæc ratio contrà faciendum suaderet, iam dudum omnem pagatim & vicatim indictam ab hoste nostratibus contributionem & censum Rex noster interdixisset, & sub capitis poena inhiuisset. Sed noluit & plus quàm barbarum duxit, innocuos & inson-tes penitus destruere, perdere, omnibusque bonis & facultatibus, quò hostibus hac ratione officiat, dispoliare. Sed, si hostis vel lucernulam accendat, verendum est, ne integras Rex faces accensurus sit, quas hætenus, tamquam pater in benignitatem quàm flagella pronior, in filios suos rebelles exerere distulit. Et sanè nihil

hil ei accidere posset optatius, nihil videret libentius, quàm vt primam tragoediæ huius scenam Bataui agerent, cuius ipse, sine cuiusquam admiratione & reprehensione, at maiori hostium cum damno ac maleficio quàm fortasse existimèt, catastrophën posset agere & epilogū.

Si præter hæc nouus ille aquæductus Rinberka per Gelrense opidū Venlonam, & alius Antuerpiâ per Herendaliam Ruremondam, aut Antuerpiâ per Bredam & Buscumducis Venlonam deduceretur; certè Brabantiâ & Gelriâ propè totâ, nulla vt ab illo iis noxa timenda esset, hostis excluderetur. Demus Regem summum maleficii genus moliri statuisse; an non, cùm vellet, decuplo ampliùs Batauis per aggerum Batauicorum & Zelandicorum perfoffionem, nocere posset, quàm illi Regio Belgio per ignes? magnam illi, fateor, locorum incensione inferre noxam possunt; nos igne simul & aqua vicecuplo maiorem. Itaque veriti, ne maius subire damnum, & suummet ipsi extinguere incendium cogantur, suas domi faces continebunt.

PELAG. Bene quidem tu hæc hæctenus; at discere ex te peruelim, vndenam quadraginta illæ militis Regij toto belli huius tempore seditiones ortum habuerint; quæ, quemadmodum non semel à me intellectum, potissimum in causa fuere, cur tam diu ipsum senserimus.

Per has factum, vt Regi præclarissima, quam yniversæ prouinciæ subigendæ habuit, occasio sapius è manibus effugerit; atque inimicus tam sui suorumque comuniendorum ac tuendorum, quàm potissimæ eorum quæ iam possidet portionis obtinendæ tempus ac modum nactus sit. nostris enim inter se digladiantibus, ac sese mutuo conficientibus, & hostire sistere non valentibus, (quòd vtrimque, tam domi, quàm foris, impeterentur) temporis ipse turbidi oportunitate sibi vtendum ratus, egregiè rem egit. Neque enim, vt verum fatear, possum intelligere, quænam tam frequentium in milite nostro seditionum ac rebellionum fuerit causa; cùm tantum Rex annuè argenti bello gerendo submiserit, vt supra sexaginta armatorum millia eo ali & sustentari haud ægrè potuerint. Cùm certum sit, non aliam vt plurimùm seditionum esse originem, quàm mensuorum stipendiorum defectum; qui locum in Belgio habere quì potuerit, nequaquam intelligo; cùm pecuniæ, si militum, in quos expendendæ eæ erant, numerum supputemus, non modò non defuerint, sed etiam plusquam sufficientes semper missæ fuerint.

Inimicus, esto non pauciores quàm Rex milites in aciem quotidie educat, tamen notabilem nullum suæ seditionem vidit; cùm tantum ei non sit abundantia, quanta

quanta Regi; & præter mensura hæc stipendia, plures eum quàm Rex, in opidorum atque arcium suarum restauratione & munitionem impendere pecunias oportuerit: quæ etiam duplo plures ei stat quàm Regi, uti negare non poterit, quisquis arcium & propugnaculorum illius copiam nouit & intuetur. Adeò ut, etiam induciarum tempore, annua propugnaculorum & urbium nobis vicinarum instauratio supra centum florenorum millia absumpserit.

BONAVENT. Meritò hoc tedubiū & suspensum tenet: in hac enim pecuniæ & seditionum materia, abditissima & obscurissima quædam mysteria, quæ peraccurata opus habent interpretatione, consistunt. quæ tametsi perobscura atque intricata esse videantur, ea tamen quàm potero clarissimè, tibi reuelabo. Constat sanè, tantam Regem singulis propè annis in Belgium auri vim misisse, quanta quinquaginta armatorum millibus stipendiandis nimis quàm sufficeret; & non rarò tantam, ut etiam sexaginta millia commodè eà ali potuissent. Sed omnis illa vis ne mediæ, & subinde ne tertiæ quidem, oneris, quo exercitum suum Belgicum Rex onerarat, parti ferendæ suffecit. Et enim frequens illud ordinariorum stipendiorum augmentum, plurimorum illorum qui nec re ipsa milites sunt, nec pro Rege arma gestant, sustentatio; sumptuum tolerandorum subsidium,

(*ajudas de costa* vulgò dicuntur;) incredibilis scribarum & ministrorum à calamo multitudinis salaria; occultæ impensæ (*gastos secretos* nominant;) emeriti & reformati castrêses Præfecti, quibus sua nō aliter & æquè plena, quàm si re ipsa castrensibus muneribus perfungerentur, stipendia adnumerantur; denique honorifica & regia in varios Regum & Principum exterorum Legatos munificentia; tantum auri absumpsere, vt in hæc plus in annos singulos nummorum infumi oportuerit, quàm in menstrua pugnantium stipendia. Adedò vt hæc, & his similia, quæ ad bellum propriè non spectant, vim auri maiorem deuorant, quàm quinquagenûm millium exercitus; plusque in hæc, quàm in omnem militem, sit impensum, & (si prout res est loqui velimus) mediam eius, quâ Belgica onera indigebant, pecuniæ partem Rex non submiserit.

Nihil hîc dico de incredibili fœnoris onere, quod Regem, quod à mercatoribus pecuniam, si quando eius, quam in menses singulos bello alendo necessariam submittere solebat, numerationem ad aliquot menses differre cogebatur (quod certè satis fuit frequens) mutuo acciperet, subire oportebat. Vnde fiebat, vt multa Regiæ pecuniæ millia, in fœnerariam hanc voraginem coniecta, deperirent, sine vllō alterius, quàm solius mutuo dantis mercatoris, qui

qui mirè suam inde rem adaugebat, emolumento.

Hinc factum, vt non rarò, cùm præsentem necessitas pecuniam posceret, nec ea suppetere, necesse Regem fuerit duodeviginti, vigin-
tiquatuor, imò & triginta, in centum, pro effusa & ante addictum tempus soluta pecunia, persolvere. quod fœnus è proximè submittenda ex Hispaniis nummariâ prouisione detrahebatur. Vt sæpè Itali, aut alij mercatores, qui exercitui de more pecuniam necessariam procurabant, tantum auri antè effudissent, quantum valebat noua pecuniaria prouisio à Rege mittenda: adeò vt sibi metipsis inde soluerent, & omne quod mittebatur aurum, ipsi tum ob pecuniariû fœnus, tum ob effusam pecuniam, cederet. Vnde cùm iterum propterea noua nummorum esset penuria, & ærarium vacuum, nouam Regem oportebat iisdem cum oneribus pecuniam sibi procurare, duplex eius persol-
uendo fœnus, primum in Hispania primis assignatoribus; alterum, pecuniæ præsentis & promptæ defectu, mercatoribus in Belgio habitantibus; qui, cùm iuxta Regiarum schedularum & pecuniarij contractus in Hispania initi tenorem, non nisi quarto post mense, soluere tenerentur; non rarò primo mense, assignationem in ipsos factam præueniendo, totum soluentes, id quod dixi fœnus sibi applicabant.

cabant & præoccupabant : itaque in causa erant, ut tribus ipsis mensibus necessariâ exercitus pecuniâ destitueretur, & euidenti seditionum periculo res Regia exponeretur.

Satis hinc te videre existimo, ecquid in causa fuerit, ut omnibus hisce oneribus ferendis submissa à Rege pecunia impar fuerit; cur item ex ea militi exactè satisfieri non potuerit, penè omni pecuniâ in ea quæ prius dixi impendia insumptâ. Vides præterea, ideo quinquagenis aut sexagenis militum millibus nullatenus ad plenum stipendia annumerari potuisse, quòd pecunia omnis aliis oneribus, quæ promissis stipendiis inferiora non erant, ferendis obnoxia fuerit. Ut, tametsi quàm æquissima illius facta fuisset partitio ac distributio, militi ne quidem mensis vnus (cùm duorum, etiam trium ac quatuor subinde, mensium stipendia ei deberentur) potuisset persolui. Hæc ergo (ut vides) seditionum causa, quòd pauculo argento militibus multis accuratè & plenè satisfieri non posset. Quæ incommoda ut euitentur, varia tibi, præsertim artic. III. IV. VI. VII. IX. remedia proposui, quæ tibi ad plenum huius rei intellectum vsui esse poterunt.

Quòd autem nullas, aut sanè perpaucas, militum seditiones hostis habuerit, cùm addictum menstruè stipendium suis semper exactè adnumerare studuerit, non est quod mireris. Perinde

inde enim hîc se res habet, atque in splendidi cuiusdam Principis, & alterius ciuis honesti quidem, sed non vsque adeò locupletis, familia fieri videmus. In illa enim velut de ingenti & non numerato auri aceruo, in hac de prænnumerato marsupio fit impensa. Vix nouit Princeps, quid sit impensæ rationem reddere: at ciuisille, iam tum sub anni principium, subduxit & statuit, non solum quid menstruè, verum etiam hebdomadatim, expendere velit & valeat, tenues suos prouentus & lucellum identidem præ oculis habens, ne illos quotidiana excedat impensa. Tenuitas, parcæ erogationis, & prouidæ distributionis, est mater, at liberalis donationis, & inconsideratæ impensæ, abundantia. Inopia per se est parca, & sapientiæ mater necessitas; copia econtrà munifica & larga est, atque ingens opum vis modum & moderationem nescit, inque effusione cæcutit magis, quàm videat. Oculos adaperit inopia, excæcat affluentia. Parit timorem ac diffidentiam indigentia; opes audaciam, securitatem, inconsiderantiam, imprudentiam, & sæpè noxiam fiduciam.

His adiungas oportet, ipsi stipendiorum erogationi Batauos semper & interfuisse & præfuisse, cum Regiæ pecuniæ procul ab Hispania sint erogatæ, & per tot picatas, atque plurimorum indigas manus pertransierint, vt, si hanc

tan-

tangere chordam vellem, vix finem nostrum inueniret colloquium.

Huc accedit præterea, propter aquarū, quæ nobis defunt, hosti verò mirè commodæ sunt, oportunitatem, factas in auehendis aduehendisque militibus, armis, annona, aliisque ad urbium obsidia, liberationem, locorum & castrorum mutationem necessariis rebus, impensas, ei sæpè duabus tertiis minoris steterisse, quàm Regi huiusmodi impensæ steterint, aut stare possint. Nam vna quinquaginta tonnarum nauis (singulis tonnis quater mille quingēta pondō assignando) plus vehit, quàm trecenti currus vel carruæ castrenses: & huiusmodi nauis naulum nouenos in diem florenos non excedit, cum quotidiana trium currum aut carrorum impensa plusquam nouenis constituta sit.

Adiuuenit insuper hostis nouam quamdam, at ingeniosam, mensuræ stipendiorum impensæ minuendæ rationem, dum vnicuique mensi quadraginta attribuit dies. hinc quatuor mensibus illius annus quoad stipendiorum impensas nostro minor est. quare tametsi parem Regi militum numerum & copias aleret, tres tertiæ pecuniæ partes apud eum in illorum stipendia sufficerent, cum ad hæc quatuor Rex opus haberet. Vt interim de dicta aquarum oportunitate taceam: quâ quia caret Rex, hinc necessariæ illius impensæ, quas euitare nequit,

quit, ob aquæ defectum mirum in modum incrementum oportet.

Notandum præter hæc, vniuersam tam numeroſorum exercituum, procul Hispania militantium, impenſarum molem, tot annis, ſuis Regem noſtrum humeris ſolum ſuſtinere debuiſſe; Batauorum econtrà oneri varios Europæ Reges, Principes ac Reſpublicas, militem & aurum eis ſubmittendo, humeros ſubieciffe, & in laboris velut partem veniſſe. Atque hæc diuturni huiusce belli potiffima eſt cauſa. Scias namque oportet, non aduerſus ſolos Batauos, ſed omnes penè orbis Chriſtiani Reges, quin & Principes Proteſtantes, ſub nomine Batauico, ſexaginta propè annis, Regem noſtrum bellum geſſiſſe. Hæc vt ita ſe habeant, ſuos tamen ille, prout quidem mihi rerum ignaro & inexperto apparet, haud difficulter inimicos ſubiget, & præualebit; ſi viginti illos, quos antè tibi per modum conſulentiſ deprompſi articulos, opere ipſo exequi velit.

PELAG. Niſi, ne quam tibi crearem moleſtiam, vererer, intelligere ex te eſt animus, quo ſubiectas ſibi prouincias modo Bataui regant & adminiſtrent.

BONAVENT. Curioſa ſanè quæſtio, at quæ intricatior & impeditior, quàm vt breui hoc tempore à me queat extricari velexpediri: vt tibi tamen morem geram, paucis, quantū mihi poſſi-

possibile erit, primarias politicæ eorum gubernationis partes attingam.

1. Quidquid ad publicum vnitarum prouinciarum bonum & incolumitatem spectat, vti sunt communis earumdem defensio, onerum imponendorum consensus, necessaria bello terra marique gerendo subsidia, ineunda cum vicinis aut longius distitis Regibus, Principibus, Rebus publicis societas & amicitia, & id genus alia, à Generalibus illarum Ordinibus proponi & constitui solent.

2. Ordinum nomine censentur ii, quos vnaquæque prouincia ex vniuerso Equitum, Nobilium, & tum prouinciæ, tum opidorum Receptorum corpore; ad eam dignitatem cooptat & eligit.

3. In suffragiis ferendis & deliberando non singulorum capitum & consultorum, sed prouinciarum, ratio habetur, vt, quotquot vnus prouinciæ Ordines sunt, non nisi vnum habeant suffragium, esto plura numero sint capita, quàm alterius prouinciæ.

4. Illorum commissio non ad ea modò capita definienda se extendit ob quæ conuocati sunt; verùm & ad omnia extra ordinem & inexpectatò incidentia, prout ad prouinciæ tum suæ, tum omnium bonum expedire & necessarium esse iudicabunt.

5. Tot prouincias singulas ad generalem
Ordin-

Ordinum conuentum fas est capita submittere, quot pro rei necessitate opus esse censebunt; quæ in eo non capitatum, sed prouincialiter sententiam dicunt.

6. Quo thebdomadis ipsum præsidendi munus in orbem mutatur, vt modò hæc, modò alia prouincia præsideat.

7. Cuius sunt partes ea hebdomade præsidere, proponenda & deliberanda in medium profert, singulorum sententiam sciscitatur, & quam in partem plures inclinare conspicit, eò & ipse inclinare coactus, rem determinat.

8. Bellicæ expeditiones, earumque suscepio tum terra, tum mari, à summo belli duce dependent, & pro illius sententia suscipiuntur.

9. Concilium Ordinum à Generalibus prouinciarum Ordinibus constituitur, qui ei tam agenda, quàm cauenda, singulatim præscribunt; vt tamen hi interea plenâ sibi potestatem retineant agendi quidquid ipsi Concilio faciendum cauendumue præscribunt, si communi patriæ bono ita expedire videant, vti & præscripta & instructiones suas immutandi, augendi, minuendi & explicandi.

10. In hoc Ordinum Concilium singulæ prouinciæ, vnum, duos, aut etiam plures, pro sua magnitudine, viros adlegunt & submitunt. In hoc confesso & suum Angliæ Rex nomine suo Consiliarium habet, prout inter illum

lum & Batauos iam olim conuenit. De illius Cōcilij corpore quoq; sunt Generalis Ordinū Thesaurarius, & Quæstor, & Secretarij duo.

11. Generales belli, terra mariūe gerendi, Præfecti, ab Ordinibus Generalibus, vti & Concilia in quibus rei maritimæ negotia disceptantur (qualia in variis prouinciis & locis erecta sunt) constituuntur.

12. Suas singulæ prouinciæ seruant leges, iura, priuilegia, consuetudines, & suos singulæ, tam in ciuilibus & publicis, quàm criminalibus rebus, vti solebant, magistratus habent: & omnes eodem penè modo & forma in iudicando procedunt, cùm tam equites & nobiles, quàm ciuitates in magistratus cooptentur.

13. Ciuitates secundùm priuata & municipalia iura & priuilegia sua administrantur.

14. Singulæ quoque Prætorem habent, quem Scultetum aut Balium vocant, qui ab Ordinibus constituitur.

15. In primariis ciuitatibus, ex eminentioribus & potentioribus ciuibus, quatuor & viginti, triginta, quadraginta, aut etiam quinquaginta, eliguntur viri, quos *Prudentes* vocant, qui vniuersum ciuitatum suarum corpus repræsentant, & quorum dignitas & munus nonnisi cum vita exspirat: apud hos grauissimæ quæque controuersiæ, tam ad vniuersum territorium, quàm ipsam suam ciuitatem, spectantes,

stantes, agitantur, disceptantur & iudicantur.

16. Hi ciuitatum Prudentes & Senatores, duos, tres aut quatuor quotannis eligunt ciuitatis quique suæ Consules, septem aut plures Scabinos & Iuratos.

17. Consulum curā circa bonum ciuitatum regimen, & exactam legum & disciplinæ politicæ observationem potissimum versatur. Scabini iustitiam ciuilem tam in iure dicundo, quàm maleficiis castigandis curant: ciuium tamen crimina non aliter apud Scabinos excutuntur, quàm præsentibus Consulibus.

18. Prudentes hi duos, aut etiam plures Quæstores, Ædiles curules, orphanoscopos constituunt: primi, ciuitatum prouentus, tributa, census curant; secundi earumdem fabricandi & facta tecta; postremi relictas pupillorum sub tutoribus opes.

19. Consules & Scabini quosdam creant ædituos, & orphanotrophiorum, xenodochiorum & gynæceorum curatores: quorum cura annua dumtaxat est.

20. Pagi rurales proprio suo iure administrantur. de aggeribus illic controuersis præest Præfectus & Iudex priuatus; criminalibus & aliis maioris momenti causis, Baliui, Consules, & opificiorum mechanicorum tutores, qui commune regimen & opificiorum disciplinam curant. in ciuilibus autem cau-

L. sis

sis Scultetus iudicat cum Scabinis.

21. In criminalibus ab omnibus ciuitatum & pagorum iudicibus sententia de plano pronuntiatur.

22. Equitum, Nobilium, & ciuitatum Hollandiæ & Westfrisiæ citatio & denominatio ab earumdem prouinciarum Aduocato peragitur: qui & in conuentibus omnia deliberanda proponit, sententias singulorum exquirat, & pro suffragiorum pluralitate res definit.

23. Ordinum dictorum conuentus quinies aut sexies per annum, & quoties aliqua requirit necessitas, indicitur.

24. Ordines hi, ex vniuerso Nobilium & Rectorum ciuitatum corpore, ad ea quæ in conuentibus definita sunt, executioni mandanda, nec non ad omnium incidentium rerum directionem, quosdam velut Consiliarios priuatim deligunt, sacramento sibi obstrictos. Et hi omnium quæ agunt, Hollandiæ Ordinibus rationem dare tenentur, eaque ad eos referre.

25. Ordinariè, tam in ciuilibus quàm criminalibus causis, ad prouincialem Hollandiæ curiam, Præside vno & nouem decemue constantem Consiliariis, appellatur.

26. Præter curiam illam prouincialem supremum quoddam iustitiæ administrandæ erectum Concilium est, quod Summum vocant:

cant: quod in omnibus causis ad suam cognitionem, tum per appellationem, tum per sententiam à dicta Curia prouinciali, & aliis iudicibus latæ reformationem deuolutis, sententia- liter pronuntiat. ab eo tamen vltcrius causa- rum examen (quod reuisionem vulgò vocit- ant) licitum est exigere. quo in casu, ab ipsis Ordinibus, præter dicti Concilij Assessores, Iurisperiti aliquot constituuntur; qui causam iam iudicatam ex iisdem actis examinent, ex- cutiant, declarent, num quæ lata est sententia reuocanda sit, nec ne. quâ declaratione factâ nulla vltcrior conceditur appellatio.

27. Dominiorum & iurium patriorum ad- ministrationi quosdam præficiunt Consilia- rios, Præfectos, & auritos rationum inspecto- res, præter ordinarios quæstores, & huic mu- neri præpositos administratos.

28. Nouum quoque est, in Hollandia qui- dem, in gratiam vrbium, pagorum & inquil- norum, quos in Brabantia habent; in Zelandia verò, pro Flandriæ eius quæ sub Generalium confœderatarum prouinciarum Ordinum imperio est, incolis, Concilium institutum: in quo & Brabanticæ & Flandricæ causæ. Gene- ralibus Ordinibus ita iubentibus & præsiden- tibus, disceptantur.

29. Instituta denum Lugduni Batavorum in omnibus facultatibus & artibus Vniuersi-

tas: Collegium item Theologicum, in quo triginta aut etiam quadraginta communi Generalium Ordinum impensa adolefcentes Theologiae ipsorum operam nauant, cui suus est Rector, Vicarius & rei domesticæ œconomus.

30. Quod ad militarem stipendiationem spectat, quò omnis seditionibus militaribus, quæ à malignè numerato stipendio consequi solent, via præcludatur, quidam sponte ad hoc muneris sese offerentes, deliguntur. hi debita militi stipendia menstruè ipsimet soluunt: quæ verò ad hoc necessaria est, pecuniam suo ipsi nomine colligunt fœnore quàm possunt minimo, quod in hebdomadaria aut mensua stipendij persolutione militi adnumerant. quod, quia in tot capita partitum, vix à quoquam sentitur. Hanc autem pecuniam qui effudere, eam postmodum ab Ordinibus refusam suo tempore recipiunt: qui his pecuniæ curatoribus non rarò debent permulta, & hoc ipso tempore etiam octo mensium stipendia, tam peditatui quàm equitatui vniuerso ab hinc octimestri ab illis persoluta. Verùm quia hi tam de capitali summa, quàm fœnore certi sunt, hinc integram semper apud mercatores effundentes fidem habent, nec vñquam pecunia ipsis defecit. Sociis tamen naualibus & nautis iam à quadraginta mensibus ne obolus (vt verum fatear) est numeratus: sed vxores, & proles,

proles, ac speciosa Ordinum promissa, & opimæ spes prædæ in causa sunt, cur rebellionem & seditionē hæctenus concitare non audeant.

PELAG. Quam tute mihi hodie ostendisti beneuolentiam & amorem, nullo tibi possum auro, nullis opibus, rependere; quas etiam te nec velle, nec opus habere, mihi exploratum est. Nihilominus plus tibi debere me fateor, quàm aut lingua hæc eloqui, aut cor valeat comprehendere: simul quoque ita cunctis dubiis ac postulatis meis à te esse factum satis, nihil vt ultra expetam vel optem. Vtinam verò, quorum aliquid ad hæc efficienda valet auctoritas, eorum executioni studeant & incumbât, & eam quâ pollent, prudentiam, auctoritatem, ac potestatem ostendant; præsertim cum totius reipubl. salus & incolumitas, tot millium animarum ab interitu vindicatio, vniuersæ denique Hispanicæ monarchiæ quies id exigant, & quodammodo deposcant. Eâdem tamen operâ nosse è te velim, quid ad eas, quæ Vallis Tellinæ & Palatinatus occasione, totâ Europâ sparsæ sunt, calumnias possit inculpatè responderi. Multa enim hac super re scribuntur, plura sparguntur, & vbiuis à quolibet iactantur; Rexque noster passim omnium fit fabula & prouerbium, vti & iusta illius arma in agrum Iuliacensem alioq; vicinos illata. Plenis faucibus, mutis, verum armatis & detatis, calamis,

summam illius in prouincias illas iniuriam passim clamitant, & ad rauum vsque inculcant.

BONAVENT. Non possum non satis hominum impudentiam obstupescere. Verum, quod duabus mulieribus litigantibus vsu venit, vt scilicet ea quæ vitæ inquinatissimæ & infamissima est, prius alteri litem moueat, quod & suam infamiam ac propudium tegat, & vicinæ iustitiam verbo aliquo probroso subuertat, causæ iniquæ æquitatem, & æquæ iniquitatem affricare conata; idem hac in controuersia locum habere mihi verosimile fit.

Etenim Vallis Tellinæ Catholici, cùm se, præter fas & æquum, & secus ac mutuo promissum & addictum erat, oppressos, vexatos, facultatibus exutos, patrio solo exactos, & immanius, quàm in Turcica seruitute ab hæreticis haberi, neque vllam meliorum spem aliunde affulgere cernerent; omni vicinorum & amicorum suorum ope destituti, & iam ad extrema redacti, missâ ad Regem nostrum, velut veræ fidei protectorem & tutorem, legatione, illius opem efflagitarunt, vt nimirum suis ipse armis causæ ipsorum æquitatem tueretur, ac quam omnibus notissimam à Grisonibus hæreticis paterentur iniuriam ac violentiam, à ceruicibus ipsorum depelleret. Nec frustra petiere. etenim Mediolanensis Gubernator, Regiis Catholicorum æquitatem armis vindicandam
ratus,

ratus, iis mox opem tulit, suis eos facultatibus, & Ecclesiasticos beneficiis ac templis restituit, extorres reuocauit, ipsos iniquos proscriptores & oppressores solum vertere compulit. Grifones, tamquam intolerabilem ab Hispano iniuriam passi, de ea mox suos per Legatos apud Francorū Regem exoptularunt. Verū, post varias vltro citroq; missas legationes, diuersa postulata & refutata; ita tandem inter vtrumque Regem conuenit, vt quæ Hispanus occupat opida, Romano Pontifici, quasi neutri parti addicto, seruanda traderentur, quoadusque causæ æquitas exactiùs discuteretur, & parti alterutri adiudicaretur. Dictum, factum. Rex itaque noster, præsiidiis & copiis suis è Valle euocatis, munitiora opida & arces Pontificis potestati tradidit; qui, velut sequester & arbiter, suis ea præsiidiis insedit & protexit.

Verū, non multò, missis trans Alpes copiis, Gallus Tellinam Vallem inuadit, Pontificiisq; pulsus præsiidiis, cuncta eiusdem propugnacula occupat. Nihil tale suspicatus Hispanus, at sincerè procedens, de apertissima hac apud Summum Pontificem iniuria per Legatos est conquestus. at, cum se & tempus terere, & frustra apud eum verbis agere videt, armis vtendum ratus, ea in Gallos dictæ Vallis iam possessores, quò suæ æquitatem causæ tueretur, & quam priùs Catholicis tulerat opem,

afferre pergeret, conuertit. Atque hæc pura & ipfiffima rei veritas.

Non est verò meum, hîc disquirere, vter Regum potiore iure nitatur: tantum quippe in scholis Iuris prudentiæ non haufi; vtpote qui iam inde ab adolescentia inter arma, non liberos, vixi. At ferream rabularum quorundam miror frontem, qui tum linguâ, tum calamo, in Regem nostrum identidem tam malignè debacchantur. Licuitne Angliæ Regi, Batauos, apertiffimos rebelles, veræq; fidei desertores, aduersus Regem nostrum, legitimum ac naturalem suum Principem insurgentes, auro & milite, sine vlla iniustitiæ nota suffulcire & iuuare? Idémne licuit Gallo, sicuti non paucis editis libris Galli ei licuisse ostendere gestiunt? Cur Regi nostro non liceat, Catholicos oppressos, proculcatos, præter fas & promissa electos, extorres, bonis exutos, armis suis protegere, cum illius hi opem prius postulassent? aut hæretici Bataui, Christianorum Principum, vt aduersus legitimum Regem suum bella suscipiant, auxilio & subsidio digniores sunt, quam prisca Vallis Tellinæ Catholici auxiliaribus Catholicorum copiis, quibus se aduersum iniquos sui oppressores Grifones hæreticos tueantur? Si duobus his Regibus citra culpam licuit, suis Batauos rebelles & hæreticos armis propugnare, & aduersus legitimum naturalemque Principem

cupem suum pecunia & copiis submissis fouere; quid ni Regi nostro liceat ac licuerit, suis Valtellianos Catholicos, oppressos & sub onere Grifonico fatiscientes defendere?

Vtra pars iustius arma induerit, aut æquitatem pro se habeat, non dico; at non intelligere me, quomodo duo illi Reges in causa iniqua ab omnibus passim infontes censeantur, noster verò in bona iniquitatis insimuletur. An non Rex noster occupata armis opida, Pontificiæ potestati tradidit? quid vltra requirant? Ergo ne Gallo, qui in arbitrium & neutralitatem hanc consensit, præter omnium expectationem licuit Tellinam Vallem armis opprimere, Pontificis præsidarios exigere, omniumque sibi locorum dominium arrogare? Quis igitur Regem nostrum arguat, quòd Gallis istic sese opposuerit, ac priorem adire possessionem, quam antè quàm Papæ arbitrio lis & controuersia committeretur, habebat, tentarit; præsertim quòd iam & sequestratio disturbata, sequesterque loco, de quo controuertebatur, vi cedere compulsus esset?

Gallum hinc neitiquam damno vel culpo; at non video, quomodo prudens & cordatus quispiam, hisce in armis hunc vt infontem, Hispanum verò fontem habeat. Hoc ipse in animum vt inducam, induci prorsus nequeo; nec vt vllus sapiens Gallus in suum, sine fuco &

sincerè inducat, vllatenus mihi possum persuadere.

De Palatinatu nihilo minùs miror. Bohemiæ Rex coronatus erat FERDINANDVS : subditorum illius nonnulli, tam Calvinistæ quàm Hussitæ, aduersus eum insurgunt. Ergo Palatinum Comitem euocant, qui, omnibus quibus poterat, hæreticorum, Turcarū, perduellium, armis suffultus, præter fas & æquum, contra fidelitatis iusiurandum, quam Cæsari, in quantum Elector Imperialis, debebat, contra omnia tum humana, tum diuina iura, Bohemicam FERDINANDI coronam sibi arrogat; Gaboris Bethlini subsidiis, Hungariâ illum deturbat; hæreticorum armis, Silesiâ, Moraviâ, & potissimâ Austriæ parte exiit: vt, vnâ demptâ Viennâ, & aliis pauculis opidis, omnibus se prouinciis suis ac regnis dispoliatum Imperator videret. Hac in necessitate constitutus, primò Dei, dein sororij sui Hispanorum Regis, & exinde nepotis, qui modò Hispanici regni gubernacula tenet, opem efflagitat; qui per BVCQVOYÆ Comitem, aduersus infinitam hostium manum, & varios exercitus, per exiguo militum numero, aliquot eum annis, magis diuinâ quàm armorum potentiâ, protexit.

Hanc Cæsaris iniuriam, nec non scelestissimam hæreticorum impietatem & audaciam BAVARIÆ Dux cum videret, iustitię actus zelo,
cui

ceu nouus Iosue, Gedeon, Iudas Machabæus,
 quibusdā Germaniæ proceribus Ecclesiasticis
 in oneris partem venientibus, armis eam sibi
 vindicandam censuit. БУСЬОУО itaque se
 iungit; vnde cōcordibus animis & armis ambo
 ante Pragā, hostē proterunt. Quo in prælio,
 magis diuinā, quā humanā, dextram licet
 agnoscere. Etenim hostē, positus in colle castris
 inaccessum, tormentis bellicis vndiquaque cir-
 cumuallatū, Pragā à tergo velut inexpugna-
 bile propugnaculum habentem, aduersarios
 tum equestrium, tum pedestrium copiarum
 numero multò superantem, recentem, rebus
 omnibus instructissimū; Bauarici & Bucquoya-
 ni superioribus viarū incommodis licet fracti,
 exhausti, necessariis destituti, loco castrorum
 decliui & iniquo præpediti (quos proinde velut
 in cliuum obnixos ascendere oportuit, vt ho-
 stem ferirent) inuadere non dubitarunt. Atta-
 men ille castris exuitur, funditur, ac fugatur:
 Praga, in qua supra quinquaginta bellatorum
 erant millia, expugnatur: simul & Bohemia v-
 niuersa in Cæsaris potestatem concedit; quam
 & mox secutæ Silesia, Morauia, Hungaria, &
 reliqua per Austriam opida: denique Palati-
 natus ipse, partim Regiis, partim Bauaricis, ar-
 mis Exregi Palatino eripitur.

Quis Regem in his omnibus meritò culpet?
 Palatinus Comes, Imperatoris cliens & subdi-
 tus,

tus, contra legitimū Principem suū arma
induit, & regno illū priuat; obloquitur nemo,
aculeatis eum scriptis oppugnat nemo. Præter
hæc, Gaborem & Turcas concitat, vt Cæsarem
impugnent; ecce tacent omnes. Vniuersos Cæ-
sar's fautores & præsidarios tum per se, tum
per suos, Silesiâ, Hungariâ, Morauîâ, & potissi-
mâ Austriæ parte expellit; nemo verbum, nulli
in chartam inuolant calami Imperatorem pro-
pugnaturi; nullus Palatinum damnat & fugil-
lat. Vindex Deus inuasorem eiicit proprio,
spuriū Bohemorum Regem solio deturbat,
Imperatorem in propria restituit; suas Rex no-
ster hunc in vsum ei copias, tam ad propriū
patrimonium recuperandum, quàm ad condi-
gnas de alieni peculij inuasore Palatino pœnas
sumendas, commodat; confestim omnes Re-
gem carpunt, eiusque factum vellicant, quòd,
ad Imperatoris petitionem, SPINOLAM ad Pa-
latini ditionis occupandas cum copiis miserit.
Qua in expeditione tot propè rursus videbi-
mus prodigia, quot gesta & expeditiones. Vi-
deas namque

Primò, vt SPINOLA perexigua militum ma-
nu, potentissimis licet diuersorum Protestan-
tium Principum exercitibus circumvalla-
tus, inter incognitos, & hostes, & alieno in-
solo ageret, omnes propè Palatini ciuitates,
sempiterna confœderatorum Principum Lu-
thera-

horum cum infamia quàm breuissimo tempore expugnarit. Putabant hi Regias se copias Germanâ, Lutheranâ & Calvinianâ quadam expeditione dissipaturos, quasi si vno Lutheri cyatho tam facilè SPINOLAM cum suis dissilassent, quàm totum Lutherus decalogum vno hauſtu & halitu è suo Decalogari cyatho exhausit; nullum inter vastum Heidelbergense dolum & veteranum Ducem, cuius victricia orbetoto arma iam claruerant, nullum inter cōpotatores & exercitus, inter crateras & veteranos milites, amphoras & sclopetos, culullos & sarissas, lances & lanceas, farcimina & enses, petasones & verbera, nullum denique inter inexpertos milites & periculis ac certaminibus innutritos, discrimen statuentes.

Secundò, vt Brunſuico-halberſtadiensis, Marchio Durlachius, & spurio-Mansfeldius, triplicem simul constituentes exercitum, aduersus GONSALVVM DE CORDVBA, & TILLIVM, paucissimis instructos, in aciem prodeant: tanta tamen potentia mole sua fatiscens, succumbat, Palatinatus totus ad Regem transeat, &, quamuis multitudine nostros duplo penè superarent, tertio tamen profligentur, non tam hominibus, quàm Deo pro Imperatoriis depugnante. Et, ecce ad nauseam vsque, rabulæ omnes hîc ogganniunt, scriptisque virulentis Regem nostrum calumniantur. Miror, eos &

in Deum calamum non stringere, eumque non culpae aut calumniis proscindere; qui, ut evidentissimè patuit, Imperatoris causam tuendam suscepit, hostium insolentiam deiecit.

Quis ergo Christianus approbet, aut ferat, Palatinum, numquam ab Imperatore vel in minimo violatum, aduersus eum insurgere ac rebellare; Turcas, & Turcis deteriorem Bethlinum, in eum concitare; omnium ferè Protestantium Principū arma euocare; sibi met ipsi manu armatā coronam Bohemicam, quam Cæsari præter fas & sacrilegè detraxerat, imponere? Huic nemo occlamat, omnia ex æquitate & Dei ita disponentis voluntate fieri censentur. At statim ut auunculo suo Rex noster, in causa iustissima, & qua æquiores nulla vidit ætas, auxilias mittit copias; varij hinc inde per Europam volitant libelli, quasi is rem iniquissimam tueretur. Hoc ut feram, à me ipse nequeo impetrare.

Galliæ & Britanniae Regibus fas erit, Batavos rebelles Regis nostri subditos, totis viribus propugnare, & hunc omnimodis impedire, suo nepatrimonio pacificè frui tur; Hispano auunculum iuvare, quod subditum suum, rebellantem, & imperii arrogati reum, Bohemiā aliosque provincias inique iniurjs expellat, & pro meritis eum in proprio castiget, minimè lice-

licebit. Quonam ex Euangelio huiusmodi Christianus calamus lac fugat? ecqui doctrinam hanc Patres tradidere?

Ludouicus XI. Galliarum Rex Caroli Audacis filiam à morte patris, Burgundiæ Ducatu, & non modica aliarum prouinciarum, quas pater Carolus moriens possederat, parte spoliatus, easque sibi, vti & alia non pauca dominia legi Salicæ non obnoxia, quorum proinde à feminis adiri hereditas potest, quæque ad Serenissimam Infantem ISABELLAM (cuius mater trium Regum fratrum fuit soror, & ex Regia Valesiorum stirpe sola iam superest) æquissimo iure pertinent, vendicat; & nemo iniquam hanc eius inuasionem carpit. Gallis, nullo præuio bello, licebit Metim, Virdunum, Tullum ab Imperio præscindere, & etiamnum possidere: adhæc Cameracum occupare, Ducem Alensonium magnis cum copiis in Belgium mittere, quod in prouinciarum Belgicarum Principem inauguretur; hinc & nemo rem hanc damnat, sed vt bonum factum interpretantur, tamquam si diuino illa nutu & beneplacito fieret. Hispaniarum Rex auunculo aduersus rebelles auxilio venit, & ad eos qui impio & sacrilego terras & prouincias Imperatorias ausu inuaserant, hisque eum peptulerant, suo in peculio (vti promeriti erant) castigandos cooperatur; & nulla typographica præla

præla satis sunt, ad probrosos in Regem nostrum confictos libellos cudendos. Palatinum, Cæsaris in obsequium, & rebellantis subditi castigationem, occupat; & satis Europa chartæ non habet, ad infamia in eum scripta & satyras per orbem euulgandas. at cum sibi Palatinus regna & prouincias alienas, sui que Imperatoris, nullâ præuiâ æquitate vindicat, nulli sese Reges in causa Imperatoris mouent, calami quiescunt, arma velut situ & rubigine obsita delitescunt. Quis hæc intelligat, quis comprehendat? Imperator ceu nouus Moles Domini opem implorat; & MAXIMILIANVS magnus Bauarorum Princeps, Caluinistas & Lutheranos Procures, qui aduersus Christum Domini tunc conspirant, uti olim Iosua Amalecitas, profligat; B V C Q V O Y A Comes ad instar Machabæi vitam discrimini obiectat; & vniuersa sudant præla. Palatinus, ut nouus Amalec, Nicanor, Bacchides, impia in Imperatorem dominum suum arma vertit, nemo linguam, nemo mantum, nemo calamum mouet.

De Iuliaco quid dicam? Imperator armis fraternis eam occupat, illam ei cessurus, cui Iudices controuersæ dirimendæ præpositi adiudicabunt. Hollandi, Francorū armis, eam oblidio premunt, intercipiunt, & diu possident; obloquitur nemo, imò Christianum & pium opus
cense-

censetur. Hispaniarum Rex Duci Neoburgico, legitimo Iuliacensis & Cliuensis Ducatum, Montium, aliarumque inde dependentium terrarum heredi, cuius mater, vnica superioris horum dominiorum Ducis, (huius mater FERDINANDI I. Cæsaris erat filia) proles in viuis superest, fert suppetias; omnis charta volitat, calamitates omnes viuere incipiunt.

Bataui per speciem Brandenburgici iuuant, varias ciuitates occupant, Embricam & Resam præsidij suis detinent & premunt; nemo mussitat. Rex verò, petente Neoburgico Duce, opidorum præsidia adauget; ferè orbis totius arma incalescunt, nemo non se ad scribendum accingit. Quis capiat hæc? Si Bataui Iuliacum retinuisent, & sua in ea præsidia firmassent; omnes se domi continerent. Regi verò nostro, in Ducis illius qui legitimus eius est Princeps, gratiam & vsum; sua ibidem præsidia locanti, anathema nemo non pronuntiat, ac diris caput eius deuouet; imò, si possent, lapidibus eum vniuersi impeterent. vniuersa enim illius verba & facta, quantumcumque iusta, blasphema censentur, ac proinde digna quæ lapidum umbre luant. Neminem calumnior aut culpo, nec quis æquitate causæ nitatur, meum est definire; sed hæcce status axiomata & vulgò receptas doctrinas intelligere me non posse, palam pronuntio, nec sacris ea Litteris depròpta videri. Ea qui vsur-

M pant

pant & probant, vndenam mutuati sint & hauserint, secum ipsi dispiciant. Hispaniense ingenium meum vtcumque stupidum, profunditatem hanc nequit penetrare, nec ad hanc altitudinem euolare. Quem mihi militi, & in armis nato & adulto stuporem ignoscas oportet.

PELAG. Aliam curiosam à te quæstionem si petiero, veniam, credo, dabis. Scire ergo à te velim, vndenam Bataui omnem illam, quæ bello, quod aduersus potentissimum orbis Monarcham tot per annos gessere, & tot in Occidui & Orientis Solis Indiam mittendis classibus necessaria fuit, hætenus pecuniam compararint?

BONAVENT. Vicinorum Regum ærarij cum damno id factum comperies; & solâ Galliam, toto hoc belli tempore, plus quàm centum & duodenos florenorum milliones Batauis subministrasse: nec minora ab Angliæ, Daniæ, Sueciæ Regibus, Protestantibus Germaniæ Principibus, ciuitatibus Hanseaticis, Venetis, & alijs Rebus publicis, ad regni nostri oppressionem, illis missa subsidia.

Intuere dein immensos ipsarum Prouinciærum Confœderatarum annis singulis prouentus, vt quæ iam pridem, è septimo è domibus ad pretium taxaris, & è quinto ex agris collecto nummo, (quâ quidam collectionem, etiam non sine emolumento, redimentes, in se quotâ-

nis

nis soluendam recipiunt) supra septem florenorum miliones conflarunt.

His adde pecuniam illam, quam Regij in Belgio pagi, vastationem hostilem redimentes, hosti menstreuè submitunt, ad binos florenorum miliones per annos singulos ascendentem: nec non tres illos miliones, quos è portorio, quod *Licentias* dicimus, annuè collegerunt. Sunt autem hæc extraordinarius prouentus, præter ordinarium illum, quem è singulis rebus venalibus colligendum indixere: nihil vt in hominum vsum cedens, ab annua sit pensione & grauamine immune, sed ita grauatum, vt grauari non possit amplius. Hinc omnis bos & vacca annuè pendunt florenum, singula verò animalia dum mactantur nummum octauum; tritici molendi modij quatuor stuferos tricenos, siliginis duodenos, hordei senos: ciues non caupones pro vase cereuisiæ florenos tres stuferos octo, caupones verò florenos septē, stuferos sedecim pro *Impost* vt dicunt, præter ordinarium ciuitatis tributum: pro vase vini ciues duodecim florenos cum dimidio, caupones quinquaginta, vltra ordinarium ciuitatis vectigal. equi diuenditi nummum octauum; omnia bona immobilia, quotiescumq; demum venditione permittantur, quadragesimum; & capitalis eorū summa, quingentesimū. Sal pro temporis ratione ac diuersitate, & pro domesticorū in singulis familijs

numero taxatur, hero indictum in singula capita tributum pendere coacto, esto tantum salis nec emere, nec infumere decreuerit. Butyri libra tres pendit quadrantes, tonna cespitum stufferum cum dimidio. ne currus quidem & cymbæ à tributo exēptæ sunt : imò iam de calceis grauandis additur. crediderim & galeros, pallia, tibialia, thoraces, interulas, calyptras, ricas, collaria, indusia, antependia, mulierum poderes, crepidas, manicas, igniaria, sedes, scamna, mensas, lecticas, nasos, oculos, aures, ipsos denique hominum digitos nouo grauamine onerandos: in quod omnes, credo, incolæ non inuiti etiam consentient. adeò vt opërarium è viginti illis quos in diem lucratur stufferis, duodenos penè ad communē patriæ necessitatem necesse sit contribuere: & multos, inter opulentiores reperire sit, quos vltra bis mille florenos annis singulis, ob v̄aria hæc grauamina conferre oportet. imò multis in locis eò res deuenit, vt conductor villicus, aut inquilinus plus ad cōmune reip. bonum, quàm locatori suo aut domino pendat. Adhæc. vniuscuiusque facultates eæca quadam æstimatione taxantur, & pro illarum amplitudine cuique pensio annua, huic quidem quingentorum. illi mille, alteri bis mille, etiam sex mille florenorum, pro taxationis magnitudine indicitur. Vix quisquam credat, quæ quantaque illarum prouinciarum incolæ

one

onera subeant. nulla vt caro mensæ inferatur, quæ non ad minimum quinquies tributum antè perfoluerit: primum, dum primùm in Batauiam animal ingressum est; secundum, dum in pascuis egit; tertium, dum mactatur (vocat id tributum victimarium;) quartum, pendūt pelles & corium; quintum, carnisiam mactatæ emptor: quam si dein salire velit, sextum, tributum salis pendat oportet. Atque vt se res habet in carne, sic & in ceteris rebus omnibus. Iam verò etiam actitatur, vt è domorum omnium locandarum pretio octauus nummus pendatur; & decimarum, quæ hactenus duodetriginta stufers in cētum grauatae fuere, tributum iam ad quinq; & triginta ascendat. quin & gallinæ & capi mensæ inferendi dimidium pendunt stuferrum. galli Calecutani & pauones octo.

His addas oportet, florenorum millionem pluris illis quoad expensas præstandas valere, quàm Regi millionem auri. Nam Primò, nulli extraordinaria sumptuum tolerandorum subsidia dant. Secundò, nullos emeritos milites fouent. Tertiò, nulli sua adaugent stipendia, nisi ad altiora simul munia promoueant. Quartò, reformatis militiæ officialibus nullam pecuniariam pensionem assignant. Quintò, non sunt apud eos tot *pagadores*, *contadores*, & alij inutiles, & solo nomine tenus pecuniæ Regiæ administri, quorum integram propè co-

hortem Rex noster habet & tolerat. Sextò, nulli variorum munitiorum nomine & specie, duplicatum numeratur stipendium. Septimò, militibus ipsorū annus nonnisi octo est mensium, cum in stipendij numeratione cuilibet mense quadraginta assignent dies. Octauò, ob aquarum oportunitatem, impensa bellica quadruplo penè illis minoris stat, quàm Regi, quem carris & curribus cōmeatum omnem castrensem terrâ conuehere necesse est.

Classium porro, quas vtramque in Indiam emittunt, nullam Ordines impensam sentiunt, quòd societates duæ, quas priuati & benenummati mercatores constituunt, illam omnem subeant. quantum quisque vult & potest, pecuniæ symbolam in eam confert, pro cuius dein magnitudine de lucro participat. Hancque negotiandi methodum non vtraque in India solum, sed & in omnibus cū oræ Africanæ incolis, Ægyptijs, Syris, Mofcis, & Groenlādīs, mercimonijs vsurpant. è quibus nō ipsi solum instructores & mercatores, sed & vniuersa regio, mirificè ditatur, & permagnum vectigalium prouentus incrementum capit.

PELAG. Ecquid in causâ putas, quòd Bataui, post tot nauium & classium iacturam, novas quotidie in Americam expeditiones suscipiant?

BONAVENT. Post tot irritos conatus, identidem ipsum eos tentare, tum mirari defines, si quæ

quæ inde sperent emolumenta, tecum perpendas: maiora hæc enim sunt, quàm quæ ex alijs omnibus regnis simul consequi sperent. Compendium enim quod ex Orientalis Indiæ frequentatione annuè colligunt, collatis inter se annis, quatuor florenorum milliones non excedit; Guineense, non parit duodecies centena millia; Ægyptium, non sesquimillionem; Moscovicum & Groenlandicum iuncta vix etiam sesquimillionem. Vt vniuersus harum navigationum quæstus octo florenorum milliones annis singulis non multum superet, cùm ex Occidui orbis frequentatione longè vberior sperandus sit, id quæ è solis mercibus euehendis inuehendisque, vt de auro argento quæ infecto è fodinis effosso nihil dicam.

Quod vt melius intelligis, noris oportet, Hispaniarum Regem annuas suas Americanas messes non tã ex argenti & auri fodinis, quàm è mercibus & fructibus patrijs, videlicet, saccharo, cæruleo colore (quem *Indicum* vocant) musca tinctoria, gossipio, tabaco, lignis, coloribus & aromatibus; tum etiam ex ijs quæ Hispani & Lusitani eodem inuehunt, oleo, vino, & omnibus quæ in Europa conficiuntur operibus, colligere. è quibus & Rex incredibilia capit vectigalia, & mercatores quæstum incomparabilem faciunt.

Id demum verum esse fatebere, si conside-

resin sola Brasilia plusquam ducentas & quadraginta esse officinas saccaro conficiendo destinatas: si vnamquamque, pariato prouentu, annuè supra septies mille arrobas saccari parare demus, quælibet autem arroba duas & triginta libras contineat; singulæ ducenties & vicies quater mille libras, simul omnes tres & quinquaginta milliones, septingenta & sexaginta millia librarum saccarearū quotannis dabunt. iam singulæ libræ si sex stuferis veneant, sedecim florenorum milliones solum saccarum pariet, cum merces aliæ etiam duplo ampliorem prouentum ferant.

Notandum insuper, Hispanos ex America, (Brasiliam sub ea comprehendo) quinquaginta circiter argenti milliones percipere: è quibus vix duodeviginti auri & argenti dant fodinæ, reliquos verò duos & triginta euectæ merces & fructus. Videashinc, quàm sit cum his terris commercium quæstuosum. mirari proinde desines, Hollandos, illius acquirèdi spe tantos subire sumptus, nec vllum subterfugere.

Imò, etiamsi oram aliam præter quam nos frequentamus & incolimus, adirent, satis certè America terræ habet, in qua sua ipsi exercere commercia nullo nostrorum damno possent: nam, peritiorum negotiatorum & geographorum supputatione discimus, facile in sexcenties mille leucas patentem hinc inde supereffere-

gio-

gionem, quam hactenus Hispani nec adiere, nec sui iuris fecere: habere hanc quoque plurimas auri, argenti & æris fodinas, & non modicam illius portionem nostris prouincijs fertilitate salubritateque præstare.

Iam, fateamur oportet, Batauos agricolendi, mercandi, negotiadi industria nostratibus antecellere: verendū vt sit, ne, si semel in America pedem figāt, in signe tā in mercimonijs, quàm vendigalibus Regijs, nobis damnū sint illaturi. cūque iam saccarū quod è Brasilia defertur, à loci illius mercatoribus, supra centum ac triginta in cētenos singulos oneretur, mercesq; quæ è Lusitania in Brasiliam cum saccaro commutandæ mittuntur, certo etiam onere grauentur; ipsiq; adeò saccaro, cū in Lusitaniā venerit, ipsi Lusitani mercatores, supra impositū à prioribus in Brasilia pretiū, nouū grauamen imponant; sit vt vniuersum facilè onus in singulos centenos ad centū & septuaginta conscēdat, magno & Regis & subditorum quæstu. qui indubiè minuetur, si Bataui pedem in America fixerint. nam saccarum æquè ac reliquas merces longè minoris quàm modò Lusitani, vendere poterunt.

Dices, multum requiri temporis, antequam è nouis plantis & fruticibus haberi queat fructus. Sed respondeo, non tantum, quantū vulgò putatur: saccarum enim anno primo fructum dat. Indicum cæruleum, tabacum, gossipium

pium quinto post plantationē mense colligitur.

Adhæc, si Bataui oleas & vineas in Americam semel inferant, quantum hinc vniuersæ Hispaniæ, putas, dānum accedet? etenim multò vilioris erunt fructus iam domi nati & proprii, quàm quos modò Americani ex Hispania petere & expectare coguntur.

Viden' Batauorum industriam, dum sumptu & impensa mercatorum, sine vlllo prouinciarum grauamine aut damno, prouentus suos adaugent, & nouas sibi regiones subdunt, vti in Orientis Solis India eos fecisse liquet?

Hæ sunt rationes, ob quas tanto cū nauium & pecuniarū impendio Bataui Americam sibi frequentandam censeant, & cur superiorum annorum iacturā in eo passam pro nihilo ducant. ampli quæstus spes omne dulcorat damnum, vti & sperata præda militum vulnera & plagas. Triumphosiorum classium in Americam missarum iactura ingens, fateor, fuit; sed ea sperati lucri est magnitudo, vt illa præ hoc nihile esse videatur; præsertim quòd in partem illius plurima mercatorum concurrant capita: adeò vt priuati cuiusque iactura, tametsi ingens in se, exigua sit. quin imò, esto superioris mensis tempestate duorum millionum argenti passi sint dispendium, quorum pars quarta ad solos Zelandos spectauit, nondum tamen animo cadunt, sed nouam in Americam exped-

ditionem non minùs impigrè adornant.

PÉLAG. Egregium sanè incomparabilis generositatis exemplum. nunc scire eâdem operâ optem, in quo potissimùm Batauorum cum Afris commercia sita sint, quas in Africam merces mittant, quas inde exportent, & quibus stationes in locis habeant.

BONAVENT. Africana commercia sex maximè in locis exercentur.

Primò, in flumine Senegalenfi. Illuc important ferrum, pelues æneas, pellucidam crystallum, coraliũ, præsertim longiusculũ; vitrea omnis coloris rosaria, & alias id genus minutias. Inde verò reuehunt arefactas animalium exuias, & quidè per annos singulos sexaginta aut septuaginta millia; item gummi Arabicũ magna in copia, ambram griseam, & ceræ aliquantulũ.

Secundò, in Promontorio viridi. Illò inferunt ferrum Namurcense, crystallum, coraliũ, omnigena æramenta Norimbergica, penulas gausapinas Hibernicas, lodices Duffelenses, vinum igne decoctum, quod aquam vitæ vocât; vitreas omnis generis elegantias, pelues ahenas, diuersas è lino & lana contextas telas. referunt verò ebur, dentes elephantinos, ambram griseam, ceram, orizam, & pelles sole induratas, (& earum facilè centum millia) vestes gossipinas varias, quas in Guineam dein auctas cum auro illic conmutant.

Ter-

Tertiò, in ora granaria & dentaria. Huc feruntur inter alia ferrum Namurcense, pelues & cacabi ærei, omnigeni vitrei globuli. Reuehuntur verò dentes elephantini, & piper Guineense: & quidem tanta in copia vt quotannis ducentæ eius tonnæ & amplius inde exportentur.

Quartò, in ora Guineensi. Vehunt huc Namurcense ferrum, pelues æneas, telas lineas Si-lesias, quæ in Flandria meliores cõfici possent; stragula lanea mensalia, quæ Tornaco & Insulis commodè petentur; rosaria vitrea, quæ tam his in terris, quàm Venetijs parari queant; pannos quoque Boreales spissiores, Hibernicas penulas, stragula Dusselensia, telas lineas coloratas varias, amicula gossipina, vina ad ignem distillata, omnis generis cultros, armillas æreas & spinteres, securiculas, ascias, coralium, & quidquid Norimberga submittit æramenti. Hæc verò mutant cum auro patrio, cuius is est valor, vt penè viginti & duarum caratarum illius puritas esse perhibeatur. referunt illius annuæ bis mille quingenta pondo. Loca, in quibus plerumque cum indigenis negotiantur, sunt hæc, Affinum, Arx Minensis, Comenda, Maura, Carnetinum, & Accara: loca verò, in quibus illa auri permutatio fit, vix vixenas in latitudinem patent leucas.

Quintò, in Sinu Benino vel Lagenfi. Hic vitrea

treæ rosaria, tapetia, Norimbergensia crepundia, corallium, & telæ Cameracenses permuntantur. Primò, cum vestibis goffipinis, quæ deinde in ora aurifera cū auro permuntantur quadruplo carius, quàm in hoc Benino Sinu sunt emptæ. Secundò, cum pipere Benino, quod Indico præstantius & acrius est. Tertiò, cū Mauris mancipijs, quæ deinde in Brasiliam auhuntur. Quartò, effertur hinc quoque ingens eboris vis, cuius libra vix tribus stat stufferis. Hac in ora celocibus nauigatio instituitur, & illæ maximè merces diuèduntur, quæ in Guineensi cōmodè emptorē aut permutatorē non inuenere.

Sextò, in regno Angolano. Huc inferunt boresales omnis generis pannos, vestes lineas, præstans coraliū, vitreos globulos, ferrum, pelues æheneas, Norimbergensia æramēta: quæ permuntant cum Mauricis mancipijs, quæ in Brasilia & alijs locis veneunt; & elephantorum dentibus. quorum tam hinc, quàm ex alijs locis, sexcenta propè quotannis in Hollandiam millia mittuntur.

PELAG. Curiositati meæ abunde per te factum satis, yt iam tum apertè videam, quam in re Batauorum sita sit, & quibus artibus frangi queat potentia, & quo illorum arrogantia modo cogi Regis sui imperium agnoscere. Didici quoque, qua Rex arte sine vllo ærarij sui detrimento potentissimos terra marique alere queat

queat exercitus, maris sibi imperium (sine quo belli huius civilis non haberi, nedum sperari, finis potest) comparare, & peruvaces Batauorum animos, vt subsidant, & dominum agnoscant, compellere. Sed fore vt Rex consilijs his acquiescat, & me bene morientem audiat, vix ipse mihi persuadeo, idque ob axiomata quædam Politica, quæ expertes rerum Proceres & Consiliarij nonnulli, nullum præter Hispaniensem experti solem, Regi nostro suggerent, re nec maturius excusâ, nec ab vlllo, extero præsertim, edoceri sustinentes, turpe rati Consiliarium Regium, quasi non vniuersa nosset, ab alio quid debere ediscere. Est hic è maximis, meo iudicio, gētis nostræ erroribus. Certè magnus ille Imp. CAROLVS V. per quem Hispanum nomen orbe toto inclaruit, vnicum omnium orbis Regum & Principum miraculum, cuius sapientia & armata manu Mediolanum, Neapolis, Sicilia, Vltraiectensis ditio, & Gelriæ Ducatus, & aliæ plures prouinciæ, coronæ Hispaniensi aut accessere, aut arctius sunt annexæ; nos hoc minimè docuit, vtpote qui Italicos, Gallicos, Germanicos, Belgicos duces in militiam suam legere, eorumque consilia exquirere & sequi, turpe non duxit. Sed quia ab eius vestigijs nimium quantum posterius eius desciuisse videmur; hinc sæpè mecum dubitavi, fatiûsne foret ad pacem aliquam, aut ar-

morum inducias cum Batauis incundas nos descendere, quàm diutiùs belligerari, cum Hispania paucissimos iam imperatores bellicos habeat, imò præstantes quos habuit. duces. penè omnes terra marique iam amiserit.

BONAVENT. Ingenij mei captum longè hæc transcendunt: vellem tamen, pro militari mea opinione, rem tibi aperire. cuius neminem, præter vnum te, conscium vellem, vtpote cuius mihi fides & taciturnitas sæpiùs perspecta & probè nota est. Quis neget præstantibus hoc tempore ducibus Hispaniam destitutam esse, quos CAROLI V. Imp. inuictissimæ ætate gentes plurimæ habebant plurimos? Sed cedo, quæ gens aut regnum iam ducibus militaribus abundat? Totâ mihi Galliâ vix vnum reperiâs, cuius Hispaniam arma timere oporteat: vnum quoque Anglia virum non dabit, qui celebris imperatoris nomē mereatur, vti nec Italia tota & Germania. Inter Turcas etiam hodie non inuenias, qui cum laude arma tractent. In Polonia quoque, Hungaria, Bohemia, Dania, Suecia defunt hodie duces, quibus tutò rei bellicæ sūma credi committi que posset. Et quem, quæso, hodie Bataui habent, tam equites inter quàm pedites & nauales ducem, qui magni militis & imperatoris titulum iure promereat? vt, si rem prout oportet inspicias, & omnem in partem
libres,

libres, plures in Hispanici iuris regnis sis reperi-
turus viros, qui periti summiq̃ue Imperatoris
meritò nomen gerant, quàm in alijs. Vt nudè
tamen dicam quod res est, nostræ sanè ætati
à talibus, omnium Regum in exercitu, satis ma-
lè videtur prospectum: quorum tamen abhinc
annis quadraginta & quinquaginta, magna
cùm in Belgio, tum alijs in regnis, fuit copia.
Idem propè in omnibus scientijs, Concilijs, vi-
ris nobilibus vsu venire comperies, vt ab anti-
qua, generosa, prudenti, forti illa nobilitate
multum deciderint, & ab illustribus maiorum
in bello facinoribus, solertia, sapientia, pruden-
tia procul recesserint. Idem in Theologis, Iurifi-
peritis, & medicis, aliarumq̃ue artium professo-
ribus locum quoque videbis habere: idq̃ue in
omnibus regnis.

Quid verò de pace, inducijs, aut armorum
suspensione dicam? non ita pridem est, quòd
cum cordato sagaciq̃ue viro, mihi amicissimo,
hac sum super materia locutus. hic se sibi per-
suadere posse negabat, vt tales, quales nuper
illæ fuere, Rex cum Batavis inducias pacisca-
tur, & non sine notabili suæ magnitudinis de-
decore tales eum aiebat posse contrahere, nec
sine aperta impotentia suæ confessione in eas
consentire. Neque enim intelligere se, ecquod
talibus ex inducijs accedere Hispania commo-
dum posset. Primò namque, illis durantibus,
hostis

hostis se per otium communit. Secundò, ab alijs Regibus & Principibus tunc vt liber & sui iuris populus agnoscitur. Tertiò, omnibus Austriacæ domus æmulis & aduersarijs auxiliares copias submittit. Quartò, in Imperatorem ensem exerit & acuit. Quintò, hæreticos, perduelles & infideles aduersus Catholicos Reges concitat. Sextò, arcibus validissimis prouincias suas circumquaque obvallat. Septimò, subditos in sua aduersus legitimum Regem perduellione corroborat. Octauò, omnem mercimoniorum genus in prouincias suas inducit. Nonò, ingentem hominum mechanicorum vim ad sedes ibi figendas allicit, idque per vberem & opportunam operum manualium, quæ induciarum tempore decuplo magis quam belli valent, distractionem. Decimò, Catholicos tunc exagitat acerbius & acrius, quam dum arma vigent: metuit enim, ne belli tempore persecutionis rabie pertæsi animis in Regem suum Catholicum propendere incipiant, cuius rei induciarum tempore nullum periculum subest. Vndecimò, talibus in inducijs non minus auri Rex, quam bello feruente, infumit, cum tot in mentita illa & laruata pace exercitus, quot in aperta hostilitate alere cogatur. Duodecimò, hostem hic ob liberum in omnibus prouincijs & regnis Hispanicis commercium mirè locupletat. Denique, ad Austriacæ domus, ab illo oppu-

N

gna-

gnatæ, tutelam & propugnationem, sua per vniuersam Germaniam signa circumferre cogitur.

Non possum, quin tibi hoc loco communem, quod haud ita pridē Amsterodamo ad me per scriptum est. Catholico enim hinc, & Gommarista illinc de præsentis rerum statu, & inter alia de inducijs aut pace, inter se colloquētibus; Catholicus, quibus Rex conditionibus honestā cum Batauis suis pacem inire posset, rogatus, respondit: Primò atque ante omnia necesse sibi videri, vt liberum Catholicis per vniuersas prouincias religionis exercitium Gommaristæ permittant, & omnibus in opidis & locis mediam templorum partem ad hoc ijs cedant. Secundò, Ordines ita Regem agnoscerēt, vti vrbes Hanseaticæ Imperatorem, tamquam suum defenso-rem ac tutorem, vt quas possident prouincias, ab eo tamquam feuda Regia reciperent, de decennio in decennium eas aliquo in recognitionē præstito honorario, denuò ab eo recipientes & releuantes. Tertiò, nullum, præter regem Hispaniæ dominum aut Principem, villo vniquam tempore agnoscerent. Quartò, pecuniam suam Regio nomine signarent, verbigratiā in Hollandia quidem, PHILIPPVS IV. HOLLANDIÆ COMES, & ita per alias omnes prouincias. Quintò, honorabilem aliquam, in modum recognitionis, & superioritatis signum, quotannis Regi pen-

pensionem, simul etiam prisca eius, vt Comitatus Hollandiæ, iura & tributa penderent. Sextò, nulla Hispanicæ coronæ, aut Austriacæ domus hostibus, armorum pecuniæue subsidia clàm aut apertè submitterent. Septimò. si quādo rogarentur, octo armatorum millia, suis meritura stipendijs Regi submitterent, quem vt hostem Principem Rex bello impeteret, suum etiam hostem ducendo. Octauò, liberam per omnia flumina, & præsertim Antuerpiense, nauigationem eo modo permetterent, quo olim nauigabantur, nouum mercibus inuehendis euehendisue grauamen non imponendo. Nonò, omnes quas in Brabantia & Flandria iam possidēt, ciuitates & loca, aliis earum loco acceptis, permutatione factâ, Regi cederēt. Decimò, suis Americam nauibus frequentare desinerent. Vndecimò, in nullis alijs Orientalis Indiæ locis aut regionibus mercimonia sua exercerent, quàm quæ Regis Hispani imperio non parent. Denique omnes facultates & possessiones, etiam Ecclesiasticas, fisco aliàs adiudicatas, quæ quidem supersunt, quarumque dominus legitimus commodè inueniri potest, legitimis possessoribus redderent.

Tum Gōmarista, has sibi conditiones æquas satis videri, aiebat; multoque se reputare satius, illas admittendo ad speratam & optatam peruenire libertatem, quàm continuo hoc

N 2 bello

bello ad extremam inopiam & ærumnam redigi. Quæ haud dubiè cōsequetur, si fluminum omnium navigationem sine vlla Rex conuiuentia inhibere, & (quod factu ei per facile) maris sibi imperium (in quo solo omnis Batavorum vis & potētia subsistit) comparare velit. vt quisquis huius vsum illis eripit, fauces ijs quodammodo comprimat, & ad quæcumque lubuerit, conuenta conditionesque eos sit compulsurus. Addebat tamen fore, vt in has plebecula conditiones non priùs assentiret, quàm terrâ ac mari, acrius paulò ab Hispanis in angustias redigeretur. fiet id, si emissis cùm è Brabantica, tum Flandrica ora, celocibus & actuarijs Zelandi infestentur & fatigentur: nulli vt in pagis agentitudo sit. Sic enim continget, vt Zelandi, qui ab omni pacis tractatione nunc inter alios sunt alienissimi, belli iam incommoda sua intra viscera sentientes, sint in ea procuranda petendaque futuri primi: & hoc præsertim tempore, quo omne illis cum hoste sublatum commercium est. Si enim octoginta, aut certè quinquaginta, in ora Flandrensi bellicas Hispanorū Rex naues haberet, quæ Batavos in Angliam aut Galliam nauigaturos identidem exagitant, itaque commerciū omne hoc mari disturbarent; aliam credo (aiebat ille) populares nostri & plebecula cantilenam canerent, quàm cecinere hactenus: idque etiam magis, si om-

ne cum Hispanis commercium Rex nobis penitus præcideret: nihil quippe magis hodie plebem nostram allestat, & quietam reddit, quàm frequentata nostrorū cum Aragonensibus, Catalaunis, Valétinis & Cantabris & insulis Hispaniæ subiectis mercimonia. Ea enim ni esset, potissima manualiū & mechanicorū operum pars intercideret, & opifices ipsi provincias nostras deferere coacti, aliò commigrare compellerentur. magis etiam, si nostram in Italiam, Ægyptum, oramq; Syriæ nauigationem Rex (quod nullo negotio facere potest) interciperet, vti &, si omne nostrum cum Afris commercium inhiberet.

Idem colloquium, & iisdem penè verbis, est à Transilalano nobili, & quodā è Statibus Zelandiæ viro institutum: in quo hic Zelandos ad penuriæ extrema iam redactos esse, minimè dissimulabat, vtpote omni maritimo commercio exclusos, & iam nonnisi rapto & piratica viuentes; & ipsa rerum comestibilibium, agrorum, domorum, & mercium grauamina eò iam excreuisse, vt sine certissima patriæ desolatione & ciuium seditione vltèriùs nequeant ascendere. videri proinde non inconsultum, de pace aliqua incunda Regem compellare. Sed addebat: quis primus vadum hoc tentet? quis hanc camarinam mouere audeat? tertij ergo cuiusdam operam hîc interuenire oporteret. Si

enim, quemadmodum Dunkerkanorum nauigationibus halecū piscatores disturbat, ita insulas nostras Zelandicas infestare Rex inciperet; insignem sanè mox ciuium seditionem & tumultum videremus, quorum in hoc operistitio, & halecū piscatus cessatione, furor velut sub cineribus latet, in apertum incendium & flammam (cui exstinguēdo vniuersi patriæ Ordines neuitquam sufficiant) si qua vis & oppressio ab exteris domi accesserit, erupturus. Qui religionis causa bellum nos gerere opinatur, nē ille grauissimè decipitur: incidantur nobis commercia, lucrum tollatur, mox cum Hispanis in religione conspirabimus: etenim tam immensa nostra cupiditas est, vt solius quæstus rationem habeamus, eam vt simus religionem, Regem, & politicum regimen electuri, in qua & apud quem maior lucrandi occasio affulgebit, philargyrîā nos ducente, & obtorto velut collo rapiente, quò lubuerit. etiam Turcissimum Bataui & Zelandi amplecterentur, si is vberiore sit quæstum daturus; imò & caco-dæmonem, modò aurum spondeat, latrię cultu adorabūt. Is videlicet eorum est genius. Deum ibi inueniunt, vbi aurum & opes: hæc qui dat, ille ijs & princeps & deorū summus; qui aufert, iuratissimus patriæ hostis. religio susque deque habetur; vbi aurum, ibi religio; vbi aurum, ibi & Deus: vt nobis & aurū & Deus pares sint. Imò,
si

si sub Hispanorum imperio maior opum & argentimessis affulgeat, Hispani in sinum vltro nos dabimus, & è Zelandis & Hollandis Hispanifemus.

Hæc abhinc circiter bimestri in Hollandia & Zelandia priuatos inter parietes sunt dicta, è quibus hæc ego pauca tibi disserui; nescio tamè, an hisce priuatorum dissertationibus Rex auscultare velit: etenim hoc ab illius vnus arbitrio sententiaque pendet.

PELAG. Sanè, esto omnes hæc conditiones prouinciarum confœderatarum Ordines Regi nostro proponerent, adhuc Regitali perquã durum foret, intercedentibus illis, ad pacem cum suis rebellibus ineundam descendere.

BOVAVENT. Verũ simul cogitet oportet, sibi velut cum filijs prodigis negotium esse, seque, ceu indulgentem patrẽ cum immorigeris & contumacibus filijs cõnuere debere, etiã in ijs quæ cõtra omnem militant rationem. Vt enim omnes rebelles Belgas suos ad internecionem deleuerit, cogitare nihilominus debet, illos, suos esse filios, se verò patrem. Durũ, inquires, id est patri. Concedo: sed quid refractarijs & duræ ceruicis filijs agas? eõsne ad internecionem deleas? memento verborum Davidis: *Fili mi Absalom, Absalom fili mi, quis mihi tribuat vt ego moriar pro te, Absalom fili mi, fili mi Absalom?* Cogita, quid immorigerorum & contumaciũ filio-

rum causa, Redemptor noster Christus etiam
modò patiatur. quid non Romani fecerint,
plebeà patribus dissidente, & secedere. Vt
speremus, ijs quæ tètata hæctenus, armis regio-
nes illas edomari posse. frustra sumus: non nego
tamen id posse fieri, si quidẽ viginti illos quos
tibi proposui, articulos sequi & obseruare
Rex, ac maris sibi imperium (quod in manu ha-
bet, prout antè sæpius tibi cõmemorauit idq; ijs
quos protuli modis) vindicare velit. ambgo ta-
men, an non multò sit futurum satius, honestis
& æquis eũ conditionibus cum subditis ac filiis
suis pacisci, quàm vi armorũ eos sub imperiũ &
ferulam redigere. Meũ non est hoc illi suadere,
quod à sola paterna eius clementia & affectu id
pendeat. Ad hæc nescio, an ad tam æquam se
conuentionem Batauorũ arrogantia & fistus
sit demissurus; vereor potius, ne, esto ad extre-
mam necessitatem & restim (vt aiunt) iam re-
ducti sint, & quæcumque potuerint grauamina
suis imposuerint, nullum vt vltra superfit, Re-
gis sui arma propius sentire cogantur, & quidẽ
maritima magis quàm terrestria. Nā vt demus
eos dimidia prouinciarum suarũ parte, imò &
duabus tertijs exutos, dum modò maris impe-
rium sibi seruent, nihil (scio) de fastu pristino re-
mittent: at, si Regi cedere ipsum cõpellantur,
quamprimum animo cadent, & ad quæcum-
que iusserit non inuiti accedent.

PE-

PELAG. Abhinc diebus aliquot, è viro illustri è Belgica primùm appulso, audiui, & certè non sine admiratione, omne illic, Regias & rebelles prouincias inter commercium Regis esse iussu sublatũ, & grauibus propositis pœnis interdictũ; è quo tamen in ærarium illius, octingenta propè florenorũ millia quotannis inferebantur (quod sanè nō contemnendũ erat sumptuum tolerandorum subsidium) & non minus à subditis eius, è mercium omnigenarũ importatione & exportatione, emolumentũ colligebatur. Quid ad hæc dicerem non habebam; hinc, quod amico illi respondeam, ex ore tuo expectabo.

BONAVENT. Hac de re artic. XVIII. egisse memini, vbi cum primis necessariũ duxi, omnem inter Belgas morigeros & immorigeros mercimoniorum cōmunicationem inhiberi. Licet enim ex hac inhibitione octingentorum propè millium annuè iacturã Regium ærarium faciat, subditi quoque eius luculento prouentu & lucro frustrètur, multarumq; ad victum & vsum fabrilem necessariarũ rerum pretia ea de causa nimio opere increuerint; rebellium tamen prouinciarũ hinc natum dispendiũ ita enorme est, vt suũ morigeras æquanimiter ferre par esset, quòd id hostis incomparabiliter maius sentiat: qui ex hac Licentiarũ clausura, & cōmercij mutui inhibitione, lōgè supra tres argenti milliones, quos ex Licentijs colligebat, annuè deperdit (esto su-

N 5 præ

prà nō nisi duos milliones assignarim, vt qui minorem semper numerū ponere gaudeam.) nam ē solis tibialibus, soccis, pileis nocturnis, interuallis, & id genus alijs vestibus laneis manu sine stamine contextis, quæ ē Regio Belgio ad rebellē mitti solebant, quotannis supra quadringenta florenorū millia, Licentiarū nomine, conficiebat: ē cerasis verò, piris, pomis, & alijs huiusmodi fructibus, tum à libripende, tum Licentiarū portorio. centies mille florenos & amplius; vt nihil dicā de priuato vendentiū quæstu. Hinc efficere tecū ipse potes, quantum ex innumeris alijs, & magis necessarijs, & pretiosioribus, tū inuehendis, tū euehendis mercibus, putā saxis, ligno, ferro, & alijs id genus, auri quotannis Bataui redigere solerēt. dein, quantum ē butyro, caseo, piscibus, frumento, aromatibus, mercibus borealibus, & alijs huius notæ, quas submittebant, quantū ē diuersissimis, quas à nostratibus vicissim recipiebāt, confecerint; & videbis, pecuniam, quam & dixi. & dicturus sum, verē minore esse eā quæ de facto recipiebatur.

Et certē adhuc parua sunt hæc: nam, quanta rerum & mercium patriarum per mutuum hoc cōmercium esset distractio, & quis inde sequeretur quæstus, vix credat nisi qui re ipsa sentiat. sunt proinde qui cēsēt, mutuū hoc provinciarū vtriusque terra mariq; commerciū videnos florenorū milliones & amplius, tā in hac quā in illa,

qui mi-
n.) nam
, interu-
anu sine
o ad re-
quadrin-
ine, con-
alijs hu-
tum Li-
s & am-
tiū quæ-
ntum ex
et pretio-
mercibus,
uriquot-
antum è
matibus,
otæ, quas
uasà no-
int; & vi-
rus sum,
iebatur.
o, quanta
uum hoc
de seque-
a sentiat.
rouincæ
enos flo-
quàm in
illa,

illa, iunctim annis singulis valuisse: qui tota dein Belgica diffusi, incredibile incolis vtriusque, maius tamen Batavis, cōpendium adferre solebant. Quod per hanc Licentiarū suspensionem prorsus sublatū est, vt iam nesciant quid mercibus agant, aut quò eas conuehant, cūm omnis illarum in solo nostro, & penè omnis in extero, distractio ipsis sit sublata. E quo necessariò consequatur oportet, non modicā opificum (à quibus tamē potissima consumptibiliū & comestibilium vectigalis pars apud eos dependet) turbam, Hollandiā relictā, aliò cōmigraturā, quòd per hanc commercij inhibitionē manualia ipsorū opera nullus cōēmat. Hinc fiet, vt, qui è cōsumptione sequitur, prouentui multū sit decessurum, & mercatura omnis decasura; præsertim cūm eos per fluuios, quibus suas merces euēhant & inuehant, & in quibus maxima quæstus pars sita, nauigare inhibebūtur, putà Albim, Vifurgin, Rhenū, Mosam, Scaldin. hinc omnis eorum cum Germanis & Leodiensibus negotiatio cessabit, è qua tamen vberima pecuniarum & mercū messis proueniebat. Sola ergo Licentiarū suspensio, ad aliter sentiendum, alia consilia capienda, iactantiæ alas demittendas, asperitatē exuendam, etiam nullis accedentibus armis, eos cōpellet: etenim per hanc fluuiorum occlusionē plus quàm duæ tertiæ illorum cōmercij partes tolluntur, cūm potissimā mercū patriarum

&c

& externarū partem in Germania, Belgio, ditione Leodicensi, Iuliacensi. Cliuensi, Montēsi, Westphala & Coloniensi soliti sint distrahere. Adeò vt ob huius prouētus defectū, noua iam compellantur ciuibus suis onera imponere & quidquid vsquam grauari potest, grauare; vt, quod è Licentiarum suspensione sequitur detrimentū, hac via resarciant. quæ plebi eo futura sunt grauiora, quòd per hanc fluuiorū clausurā, & commerciorum inhibitionem, maxima mercimoniorū & quæstus parte iā frustrata sit, & duplici virga quodāmodo vapulet, nouis videlicet exactionibus & soliti emolumenti sublatione. Quamdiu enim, patentibus fluminibus, merces vbiuis locorum distrahebantur, & hinc consequens lucrū affluebat, imposita onera facilius ferre poterant, dānum horū sperato exstituto cum exteris commercio quæstu leniente: hoc verò nūc sublato, onera hæc nō nisi de sudore, corio & sanguine suo persolūāt oportet. hinc illis ferendis tandē impares reddētur: quod vbi fiet, necessariò illis pecunia, quæ tamē belli omnis neruus, alimentū & basis est, deficiat necesse est.

Imò nuper nonnulli curiosi, calculo inito, asserere non dubitarūt, rebelles prouincias, ex hac fluminū clausura; ex collapsa mercium, tum patiarū, tum aliarum, quas alijs è regnis & prouincijs (vt alibi diuendant) efferebant, distractione; ex suspensa denique illarū, quas è suprà nomi-

natis regionibus, vicinorū fluuiorū subsidio in Batauiā inferre solebant, inuectione, plus quā quinquaginta millionū annuē in omni cōmerciorum genere. iacturam facere: vt interim nihil dicam de cambio, è quo incredibile ipsi tantē compendium oriebatur, sed iam ob inhibitionem hanc penitus intercidit.

Non ita dudum est, cū viro, & ætatis satis prouectæ, & rerum Belgicarū cum primis gnaronarrante audiui. hanc fluuiorū clausuram, & cōmerciorum inhibitionem vsq; eò hosti grauē videri, vt biennium non sit effluxurum, quin suō sit à Rege pacē, necessitate cōpulsus, petiturus. etenim necessarium nauibus cōpingendis atque instruēdis ferrum, & lignū quernum iam paulatim apud illum deficiunt & rarefcūt: his enim si careat, nec illas nouas adornare, nec collapas instaurare, nec molendina cōstruere poterit. molēdina enim ni sint, nec prouinciā suam ab aquarum eluuione tueri, nec agros, & prata (è quibus tamen potissimū colligunt prouentum) aquis identidē innatātia exficcare valebit. Nā quisquis bellicas atq; alias id genus naues, & molēdina eum è ligno molliori aut Noruegico cōstructurū credit, errat grauissimē, & rē prorsus impossibilē suo sibi in cerebro cōminiscitur. Iam liquet, illum & Rheni & Mosæ nauigatione deturbatum, nullū posse aliunde ferrum durius, nullum robur ilignum acci-

accipere. nauibus autē deficientibus, vniuersa
 concidet cum exteris negotiatio, in qua tamen
 potissimus eius situs est quæstus; & sine molen-
 dinis, ab aquarum inundatione agros suos in-
 dēnes præstare nequibit. Vnde fiet, vt bello diu-
 tius ferendo futurus nō sit par, & quæ ei tole-
 rando indicta sunt grauamina, indices difficilior
 & ægrius sint pensanda, quin & noua inue-
 hēda. Adeo vt, si Rex hac Licētiarum, & per di-
 cta flumina navigationis suspēsiōe, bellum dū-
 taxat defensuum gerendo, de illatiuone cogi-
 tans quidē, vti pergat, eas sit Batauos in angu-
 stias redacturus, vt, quas ijs volet præscribere
 pacis condiciones, necesse eos sit admittere ne-
 cessitate cōpulsos. Is quoque est vniuersorum
 Hollandicarū rerum peritorū sensus & opinio.
 Etenim, si potissima commerciorum parte fru-
 strētur; & interim onera agris, domibus, mercibus,
 rebus vsu cōsumptibilibus, annuis censibus
 imposita nihilo eos seciūs pēdere oporteat, quē
 ijs futurū putas sensum? equidē his eos ferendis
 impares fore autumo. Intuere, quæso, insulas
 Zelandicas. Harum incolæ, quod annuum tem-
 pore suo grauamen rite pendant, iā inde ab an-
 no viceſimo primo vsq; in præsentem, necessa-
 riā ad hoc pecuniam mutuari ab alijs persoluto
 fœnore sunt coacti. factū hinc, vt æ alienū in-
 tolerabile contraxerint, ac quotannis octingēta
 & plura florenorū millia primis mutuatoribus,
 vsura

vsuræ nomine incredibile cū dispendio pēdere cogātur. de sorte quid ergo fiet? Atq; hæc quidē in Zelādia. Hollādiz verò Comitatus supra tres argēti milliones, pecunię aliās acceptæ effusoribus, in scēnus annuē persoluit. Sic & alię prouinciæ, pro necessitatis ratione, vt oneribus annuis ferēdis pares sint, pecuniā mutuam sumere debere, cuius vsurā mutuantibus repēdunt. Ad eò vt iā onera nec increfcere, nec vltteriūs ascēdere queant. Quamobrē Zelandi, suam necessitatē minimē dissimulantes, & rem penitiūs inspicientes, ingenuē confitentur, solita ni onera decrescāt, & grauamina finē habeant, haud dubiē fore breui, vt prouinciales sub onere fatiscētes tandē succumbant, concidāt, & necessarius vitæ trahendæ succus penitus exhauriatur. Idē quoque de suis sentit Frisia, Groninga, Gelria, Transsalauiā: nec id diffitetur in suis Hollādia.

Imò verò, cū quidquid hætenus grauari potuit, grauātū sit, plurimorum sentētia est, annum prouinciarum singularū prouētum non mediocriter decreuisse, nectantum eas quātum priūs vectigal recipere. etenim adeò illic singuli in re domestica iā facti sunt frugales, vt à solita lautitia & splendore nimium quantum deciderint: qui enim melioris notæ cereuissiam priūs bibebant, iam secundariā, vt prioris grauamē subire non cogantur, sunt cōtenti. eadem de causa abstinēt vino, & quodammodo fiunt
ab-

abstemij, cū prius id in mensis admodū esse frequens: luculentos non struunt focos, sed tantū necessarios: de auihus altilibus, & capis mēse inferendis rara iam fit mētio. Eadem frugalitas & reliquis in rebus locū habet. Hęc proinde in causa est, vt penē dimidio minor iam sit opidorū singulorum prouētus, quā fuit hactenus. Ædium quoque, & agrorum, tum vendendorum, tum locandorum, pretiū tertia propē parte est imminutū. Vnde necessariō consequitur, vt, cū harū & illarum pretium opidō decreuerit, etiā, quod ijs ad æstimationē & valorem taxatis impositum iam suprā cōmemorauit tributum, decrescat. Idē & in omnibus rebus comestibilibus & vsu consumptibilibus vsu venire vir ille aiebat; atq; hinc fieri, vt, cū antē, dum onera vtrūq; erāt tolerabilia, ciues quilibet lautius viuerent, iā in parsimonia vectigal constituant, & ne quarta quidē parte tot vini & cereuisiæ pocula bibantur, quot antea, solum vt impositū ab Ordinibus vtriq; liquori tributum hac ratione euitent; cōuiuia quoq; & epulæ inter amicos ac cōsanguineos iā rariū instituantur, ne elcis & dapibus quibuslibet annexū vectigal persolvere teneantur. Hinc fit, patrios ob enorme hoc grauamen prouētus ac census tenuiores iam esse, quā dū mediocre & tolerabile tributū dabatur: etenim nemo non frugalitē colit, & viuut quā potest tenuissimē, minoribus,

bus, quàm prius fuisset, ædibus, supellectile tenuiore, vestibus modestioribus, cibis secundariis & minùs lautis contentus; omnē in his & illis resecans superfluitatē, & nihil quo commodè carere potest, ac non necessariū vsurpans, veritus ne cōmunium vectigalium onera subire cogatur. quæ vsq; eò iam increuere, vt multis in locis qui ex annuis suis viuunt prouentibus & censibus, penè duas eorū tertias Ordinibus ad cōmune patriæ bonum, & hostis communis depressionem, pendant, vna dumtaxat in vsum proprium parte reseruata.

Hoc quoque certum. primo huius mercimoniorū interdictionis, & fluminum dictorum cōclusionis anno, maximo Batauos impendētis sibi mali ac damni metu correptos fuisse, nesciētes quò sese aut verterent, aut merces suas auerherent; vnde augurabantur fore, vt extremum res sua in discrimen veniret, mercimoniorū omne cum exteris genus intercideret. vsque dum, nostrorum conniuentia rationes ac modos adinuenere, quibusex hac inhibitione exoriens detrimentum quadam tenus refarciunt, dū liberè, & sine vllō capitis aut mercii periculo, Lusitaniā, Cantabriam, Catalauniam, Valentiam, Murciam, & prouincias alias Hispano suppositas imperio nauibus suis, quibus & patrias & exteramas merces imponunt, frequentant. Etenim omnium regnorum, prouinciarū, & liberarum

ciuitatum insignia in nauibus habent ; imò omnium magistratuum , Secretariorum , regnorum & prouinciarum Europæarum nomina & sigilla mentiuntur. Vbi ergo in Hispaniam, aut Hispanici iuris prouincias appellunt, eas tam nauium, quàm mercium cōuectarum litteras testimoniales proferunt, quas loco & rei præsentī expedire cēsent; Gallorum, Italogum, Hambugensium, Lubecensium, cedanensium, & aliorum id genus locorum, quæ libera sunt, hunc in vsum nomina mutuantes. quod quo minori fiat cum periculo , semper inter socios nauales & nautas, Italos, Germanos, Gallos nōnullos habent. vt etiā tutiūs, non parcut auro, ad emporiorum & vrbiū maritimarum , ad quas cum mercibus appellunt, præfectos inescādos. His autē mercibus Germanica aut Gallica signa appendunt , tamquam si è Germania aut Gallia primū venirent, cū in Hollandia tamen potissimū natæ sint. E qua re quantum quæstum faciant, dici non potest.

Adhæc Italiā, Asiam & Ægyptum plus solito iam frequentant, cū per vniuersas Italiæ prouincias illas nunc merces cōuehant, quas in Belgium Regium solebant aliàs inferre, etiā butyrum, caseum, pisces: vt, esto ob Licētias interdictas trium millionū iacturam faciant, iam plus quàm duos è mercibus, quastum in Hispaniam, tum in alias iuris Hispanici regiones importāt,

haud

haud difficulter colligant. Vnde mihi verisimile fit, nisi huic per Regios malo occurratur, fore vt ante annum, etiam supra tres milliones, hoc è commercio Batauici Ordines conficiant.

Itaque nisi omne hoc commercium suis Hispania provincijs proscribat & arceat, fateamur oportet, per hanc fluuiorum occlusionē, & commerciorum inhibitionem, æquē magnam penē nos hosti opum colligendarū & potentiae corroborandæ occasionem dedisse, quā habebat prius. Minimè tolerandum, hæc Hispaniā tolerare & permittere, cū sua in potestate & arbitrio habeat vndique hostē excludere. Si ipse Gaditani freti angustias possideret, è centum Hispanorum nauibus vna eas indēnis non pertransiret: si Hispaniā haberet potentiam, aunos nō elaberetur, quin tutum & liberum maris totius haberet imperium. quod quādiu Hispani sibi vindicare negligunt, nullam aut illius edomandi, aut potentiae frangendæ, aut maritimi cōmercij (à quo solo omnis ipsius incolumitas, opes & potentia dependent) disturbandi spē modumūc conspicio. Quis posterorum credat, Hispaniā hæc omnia præsecare & impedire valentē, se ne mouisse quidem? quis item credat, Hispaniā, cū sine vllō Regij ærarij sensu, centum & quinquaginta, imò & ducentarū instruere, ac de rebus necessarijs mēstruoq; stipēdio providere, & sustentare nauium classē posset,

set, qua in vniuersum mare dominaretur, & omnē confœderatarum prouinciarum mari negotiationem disturbarēt, consilio huic auscultare, & suppetijs oblatis vti noluisse? quis hominum, hoc vt credat, à se ipso impetret? aut Regios administratos & cōsiliarios diurni & cruenti belli Belgici finem videre velle? Hac in re me cæcutire ingenuè confiteor, & Hispaniensis in consilio prorsus nihil videre. Quid prodest, Licentias & commercia in solo Belgio sustulisse, (vnde summa rerum omnium ad victum spectantium consecuta caritas, & ciuium lucrum magna ex parte collapsum est, magna cum morigerarum prouinciarum oppressione, indigentia, & gemitu) si, tecta illa commercij in Hispania, & insulis, regnis, prouincijs ab Hispania dependentibus, concessione & tolerantia, maius Batauis ad proventus suos pecuniarios non parum inaugendos, ostium pandimus? ita fit, vt fidelibus Regis vasallis, quod ante fluminum occlusionē colligebant, lucellum iam eripiat, hosti verò via ad nō minorē iam, quàm prius, quæstum faciendum sternatur. Quis, quæso, mysterium hoc intelligat? Bataui omni-genas patrias merces, & mechanica opera impunè, nobis conscijs, Ligurnum in Italia, Massiliam & Baionam in Gallia, Fredericopolim in Holsatia vehunt; atque inde Italicis, Gallicis & Germanicis nauibus, quin & proprijs, merces patrias

patrias imponentes, rectâ Hispaniam petunt; vbi eas insigni suo cum emolumento, ac notabili vectigalium patriorum, & pecuniarij proventus incremento diuendunt. Et nos hæc videntes, non plus mouemur, quàm si ad nos minime spectarent. quis æquo hæc animo ferat?

Varij autem sunt huic malo quamprimùm occurrendi modi. Primus, si omnibus prouinciarum & vrbium præfectis, & alijs iustitiæ administris sub poena amissionis bonorum, dignitatum, & capitis Rex interdicat, ne quiseorum vllas, quorumque demum titulo, nomine aut colore missas, naues aut merces Batauas in Hispaniam appellere patiatur: eius verò, qui secus fecisse, & conuiuentia aliqua vsus fuisse deprehendetur, bona & facultates omnes delatori assignet. Secundus, si maris sibi imperium Rex comparet, in quo solo belli finis, & plena omnium Hispanicæ potentiae æmulatorum debellatio sita sunt. Vtinam Hispania hæc credat & sequatur! Solus executioni ea mandare potis est Deus: vt enim Concilium Hispanicum rem promoueat, opto quidem; sed vtrùm verè ac solidè id sperare quis possit, prorsus nescio. Tamen si suas ipsum obturatas hactenus aures, & clausos oculos, aperire iam aliquatenus incipiat. Det qui dare potest omnia, & Regum corda manibus suis versat, & impellit quò lubuerit, Deus, vt eos magis indies aperiat, quò tandem ali-

quando optatum belli finem conspiciamus.

PELAG. Vltteriùs porrò molestus tibi esse nolo, summas potiùs ex animo gratias ago; simulque boni omnis datorem Deum rogo, huiusv tibi laboris mercedem rependat, & doctrinæ ac consiliorum tuorum amplectendorum desiderium animis inspiret illorum, qui totius reip. bonum, diuini nominis gloriam, regni huius prosperitatem, consilio & opere promouere possunt. Itaque me æternum obsequio tuo deuotum habe.

tis.

nus.

ffeno-

simul-

uiusvi

Strina

n defi-

s reip.

i huius

nouere

uo de-

REFORMATA

APOCALYPSIS

BATAVICA.

OR-

Beneuole Lector.

PRIORI Colloquio Batavicam maritare placuit Apocalypsin, ut sibi per omnia pares. quod tibi coniugium, spero, minimè displicebit. In tui ergo gratiam iunxi, ut & melius vnum alteri componas, & commodius per viam tecum feras; ut, quod tum hæc, tum temporis longitudo adfert tedium, in carru æquæ æternæ, isthæc legendò leues, & cum duobus hisce prudentibus viris subinde colloquendo otium fallas, animumque oblectes.

HOLLANDI CVIVSDAM AD

AMICVM EPISTOLA.

NVSUPERABILIS nostra potentia per vniuersum terrarum orbem iam innotuit: generosa nostra audacia & animositas per omnes eiusdem angulos sese diffudit. Sua Romani eoulsque arma non produxerunt,

xerūt, quousque nos nostra. Orbem, quā patet,
 sæpissimè euauigauimus; nullum ut suis sol an-
 gulum radijs perlustret, quem nostra non lu-
 strarint, non viderint arma.

Orientalis Indiæ prouincias omnes percur-
 rimus. varijs illius in insulis arces & propugna-
 cula nostra magna cum industria condidimus;
 ut iam non modicam maximarum insularum,
 in quibus Indorum potentia potissimùm sita
 est, partem nostræ potestati asseruerimus.

Hinc factum, ut ferè omnes orbis terrarum
 Reges ac Principes opem nostram efflagitent;
 ut, quemadmodum olim Romani rerum do-
 mini, armatas illis leges præscribere & impone-
 re, in nostro sit arbitrio.

Gallia plus quàm semel potētiae nostræ sup-
 petias petijt, & felicem earum successum, in
 expeditione cōtra Soubisium & alios suscepta
 sensit. Ipsi quoq; Reformati Rupellani & Mō-
 talbanenses, non abhinc multis annis, aduersus
 Regem suum dum insurgūt, ope nostra sufful-
 ti, edomari non potuere. Testari ut possit Gal-
 lia, illuc suam inclinare prosperitatem, vbi no-
 stra sunt arma; & illi victoriam parti accedere,
 cui nobis pro temporis oportunitate cum ar-
 mis nostris lubet accedere.

Anglorum Rex in Regia sua aduersum
 Hispanos expeditione arma & naues nostras ex-
 petijt; quibus si caruisset, nullam sibi de Hi-

O s. spana

spana potentia victoriam audebat polliceri.

Daniæ item Rex, generalis Inferioris Saxonie districtus copiarum imperator denominatus, sæpissimè nostra requisivit subsidia; in his namque spem omnem reponebat suam : vnde etiam hæc illi magna cum fide submisimus.

Brandeburgicus Elector iam dudum à Neoburgico Hispanis armis suffulto, fortunata nostra arma impedimento nō fuissent, debellatus, & toto Iuliacensi, Cliuio & Montensi dominio ciectus esset.

Comes Palatinus suasu, consilio & auspicijs nostris Bohemicam sibi coronam imposuit ; & eandem etiamnum haberet , quin & Imperatoriam pacificè iam possideret, si modò Bohemi ante Pragam nostra sequi consilia , & animositatem imitari bellicam voluissent.

Gades , Hispaniæ fauces & introitum , per quem olim Mauri in eam penetrarunt , & plus septingentis annis possederunt, nostris Comes Essexius auspicijs inuasit & expugnauit ; Anglorumque etiamnum in potestate forent , si ibidem is , (vt consulebamus) arce erectâ se communire voluisset.

Potens Venetorum Respublica, nostra, dum aduersus Pontificè Paulum V. ac deinde FERDINANDVM, modò Imperatorem, bellum gereret, subsidia exposcere sibi turpe non duxit.

Sabaudia Dux , heros ille indefatigabilis, nostro

noſtrorum ope armorum, cum varijs Hiſpano-
rum exercitibus, quibus S. Germani Marchio,
& Feriæ Dux cum poteſtate præerant, feliciter
confluxit, & ſuperior euafit. Iam dudum is Ge-
nuam, vti & Mediolanum, & Neapolitanum
ac Siciliæ regna inuaſiſſet, ſi noſtrorum ducto-
rum conſilijs Galli acquieſcere, & hebdomade
quæ Paſchalia præcurrit feſta, montes penetra-
re voluiſſent. Genua quippe nullo comœatu,
& paucis ad deſenſionem neceſſarijs rebus tûc
erat inſtructa. Certum verò eſt, ab illa vniuer-
ſæ imperium Italiæ, tamquam ab ancora na-
uim, ab arce & propugnaculis vrbem, à duce
ſuo exercitum, tunc pependiſſe. Etenim Me-
diolanum præſidarios pauciſſimos habebat, Si-
ciliam & Neapolitanum regnum qui defende-
rent, aliò conceſſerant. vt à ſola Genua, Italia
vniuerſa, velut à filo penderet.

Moſcus cum Poloniæ Rege bello decertans,
copijs noſtris adſcribat oportet, quòd victor e-
uaſerit, & ſua conſeruarit.

Sueciæ Rex, noſtris & armis & ductu for-
tuniſſimè cum Polonis certauit, ac Rigam
locaque vicina illis ademit.

Gabor Bethlinus animoſam & generoſam
ſuam aduerſus Imperatorem FERDINANDVM
initam expeditionem, noſtro ſuaſu ac milite,
felicem ad exitum conduxit.

Magnus Turcarum Dominus noſtras, ad ini-
mico-

micorum suorum incurfiones coërcendas , etiam naues expetiuit.

Potens & longè diffitus Perfarum Rex , in Armuzia sibi vindicanda, nostros in belli societatem adsciuit.

Brasilijs vni nostræ potentiaë attribuant, quòd, Hispanicæ seruitutis excusso iugo , pristina libertate se , præter omnium expectationem & opinionem, viderint restitutos.

Americanis, Peruanis, Mexicanis, nostris ipsi classibus sæpè timorem incussimus.

Magnus Mogoris Monarcha nostram ambiuit amicitiam & foedus. ambiuit & potentissimus Sinarum Rex. & Iaponiorum dynarcha, nec non vniuersi omnium Orientalis Indiaë provinciarum & insularum Reguli.

Maris porro imperiū penes nos esse, in confesso est, & notius quàm vt opus sit dicere. Nullas quippe quis ab hominum memoria , omni retro ætate, audiat, vel in omnibus omnium gentium historijs legat, generosiores, audaciores, simul & feliciores expeditiones, quàm nostrates paucis abhinc annis susceperere ; vt qui soli plus viarum terra marique confecimus , quàm omnes aliorum regnorum nautæ.

Adhæc, plus quinque & quinquaginta annis terra marique, toto penè terrarū orbe, aduersus Regum omnium potentissimum iuxta ac maximum, bello certauimus. Vicimus multa, am-

simus

simus nihil, non modicam terræ partem, tam
 hisce in prouincijs, quàm in India, ei ademimus,
 quam etiamnum in potestate nostra habemus;
 classes eius plus quàm semel aut disturbauimus,
 aut interceptimus, vrbes & prouincias illius ex-
 pugnauimus, exercitus varios fudimus, eumq;
 ad inducias, & ab armis cessationē à nobis ex-
 poscendā compulimus; quas, Belgicarum pro-
 uinciarum vastationem & desolationem solū
 miserati, Regum Galliæ & Britannię interuen-
 tione & suasu, ei denegare non potuimus.

Quamquam fateri me oportet, non eam no-
 stram fuisse potentiam, vt ea sola tam potenti
 validoq; Regi, tot per annos resistere potuif-
 set. hac enim de causa, vicinorum Regum, Pro-
 testantium Imperij Principum, & Serenissimæ
 Venetorum Reipubl. auxilia implorauimus; vt
 vnitis iunctisq; viribus, atque vnanimi cona-
 tu, communi Europæ totiushostis nos oppone-
 remus, eiusq; potentiam & vires ita accidere-
 mus, vt is ad Galliam, Britanniam, Germaniam,
 & Venetos impetendos impotens fieret, & sua
 continere arma domi cogeretur. Nec multo ad
 hoc apud exteros opus fuit conatu aut molimi-
 ne, cū Hispana potentia in omnium Regum
 ac Monarcharū oculis sudes fit & cordolium.

Et hæc omnia fortunatissimis ductorum no-
 strorum, Auriacorum Principum, Gulielmi &
 Mauricij Nassouiorum, iuratissimorum Hispa-
 nicæ,

nicæ, nec non Austriacæ potentia hostium, auspicijs ductuque gessimus; idque, ut in naturalem & innatam homini libertatem nos vindicaremus, & ab Hispanico dominatu & Inquisitione liberi viveremus.

Sed potissima armorum induendorum causa, fuit religionis nostræ propugnatio. in ea quippe cupimus esse liberi, & talem deligere, qualem cuique nostrum & voluntatis instinctus, & internus Domini spiritus præ alia amplectendam suaderet; & plenam unicuique libertatem dari, eam fidem & religionem assumendi, quæ ei ad salutem consequendam optima videretur, neminem ad certam & determinatam aliquam deligendam compellendo. In quo, tum naturam, tum Deum ipsum sumus imitati, qui liberum nobis dedit arbitrium atque optionem, ignemque & aquam simul apposuit, ut ad alterutrum, prout liberet, manum extendamus, nulla verò voluntati vis inferatur.

Et licet in eadem, qua Hispani fide, iam inde à multis sæculis, continuâ patrum successione, nati essemus; & per aliquot annorum centurias, in eadem quoque, sponte, non repugnanter, nec inuiti, vixissemus; innatæ tamen hominibus libertati videbatur aduersari, à quoquam nos compelli, in eadem ut perseveraremus, viveremus & moreremur: cum fidei & assumptionem & conservationem homini liberam &

à nullo dependentem fecerit Deus, hæcquæ ipsa eiusdem sit donum. ad quam proinde neminem par sit cogi, sed vnique liberum relinqui, vt in, cuius libuerit, illius verba iuret.

Vt igitur libertatem nostram, hominibus diuinitus datam, conseruaremus, aduersus omnium orbe toto Regum potentissimum, insigni cum audacia, armis nobis agendum putauimus; causæ nostræ æquitate freti, dum nimirum innatam nobis & à Deo datam libertatem propugnamus.

Atque ideo anno MDLXXVII. Ianuarij die XXI. Harlemiensibus solenni iuramento promissimus, vt, quotquot tum è sæcularibus, tum Ecclesiasticis in Romanæ religionis exercitio permanere vellent; nullum in eo à quopiam impedimentum paterentur. Artic. namque I. pactorum sic dicitur: *Quantum ad caput religionis; promittimus fore, vt Romana religionis exercitium Harlemij, tam inter sæculares, quàm Ecclesiasticos & Religiosos, tam viros quàm feminas, qui eandem exercere volent, futurum sit liberum & sine vllò impedimento, turbatione & iniuria exercendū.* Hæc nostra sunt verba. In quibus mox sequitur: *Quisquis verò Romana huic religioni iniuriam, turbulam, aut impedimentum aliquod attulerit, grauissimas tamquam publicæ quietis perturbator, sine vlla conniuentia vel indulgentia, pœnas dabit.*

Eodem anno, XXI. Martij mensis, id ipsum

Goe-

Goefanis & Sutbeuerlandijs, iureiurando art.
1. promissimus.

Idem in quinto conuentionis cum Vltraie-
ctinis anno MDLXXIX. initæ articulo expre-
sum legere est. Artic. verò 13. sic: *Vnicuique in sua
religione liberum erit exercitium; ac eiusdem cau-
sa, nullus aliquod à quoquam grauamen, malef-
cium, aut vexationem patietur.*

Quin etiam apertiori Amsterodamensibus,
anno MDLXXVII. 8. Februarij die, promisso
cauimus, dum artic. 1. dicimus: *In Amsteroda-
damensi ciuitate, & omnibus eius territorij terminis
ac dominio, nulla præter quàm antiqua Romana
predicabitur, docebitur, exercebitur religio.*

In conuentione autem Grauiensi anno
MDCII. peracta, sic art. 1. pollitici sumus: *Om-
nes Religiosi, tam viri quàm femina, nullo excepti;
item omnes Catholici ciues & inquilini, in Catho-
lica religionis exercitio pacificè agere & manere
permittuntur.*

Hæc autem fecimus, vt vnicuiq; plenam in
fide assumenda libertatem faceremus. quam-
quam me fateri necesse sit, his nos promissis,
esto iureiurando firmatis, minimè stetisse; ve-
rùm, non tam deliberata nostra voluntate,
quàm seditiosorum & perduellium quorum-
dam instinctu & suasu. Putem autem, si addi-
ctam Catholicis fidem seruassemus, futurum
fuisse, vt iam penè omnibus hostibus nostris su-
perio-

periores essemus. Sed uti in multorum capitum ac Senatorum concilio fieri videmus, ut sæpè vnus alterius sententiæ aut opinioni acquiescere recuset; & quemadmodum medios inter maris fluctus constituta naus, non rarò, gubernatore etiam reluctante & inuito, vndarum & ventorum vi ad littus hostile eiicitur; ita & in Republica, quæ diuersorum capitum & opinionum colluue constat, & in qua sæpè magis ex aliqua necessitate, ac vi exteriori admota, & coacta inconsiderantia, quàm maturis, deliberatis ac præmeditatis consiliis homines aguntur, vsu venire constat.

Quod quamuis homini, qui futura & euentura vsquequaque ad plenum præuidere nequit, ut etiam addicta & promissa sua non rarò immutare cogatur, ignoscendum sit; attamen citra extremam & summam id necessitatem fieri non debet. quæ ubi premit & vrget, prius alteri promissa ad aliquod erunt tempus seponenda, cum videlicet ea, sine notabili reip. incommodo & damno, præstari non poterunt. Atque hoc in casu, eorum violationem & infractionem vir prudens ignoscat oportet, cum maior nimirum vis vis & potentia præualeat.

Vnde etiam contingit, ut dum maius non expectantibus nobis deforis bonum aduenit, priora minoris boni promissa, illius causâ violamus. Etenim si maius illud præuidissemus,

minus non promississemus; præsertim cum vi armorum quædam spondere & iurare compellimur, quæ postea, è casibus & euentis quibusdam inexpectatis, notamus vniuerso & communi reip. bono repugnare. Cumq; maius bonum minori prævalere debeat, & inexpectatum nos damnum vrgeat; fas & æquum videatur, priores sponsiones, publici causa boni, in quid melius commutare.

Hæc vt ita se habeant, negare tamen non possum, maiorem nos Catholicis Romanis libertatem concedere oportuisse; atque adeò illi, quam semper spectauimus & iactauimus, religionis libertati repugnare, quempiam aut ad certam aliquam fidem assumendam, aut ab ea quam aliàs assumpsit recedendum cogere, illius causa eum persequi, & damnum inferre; aut in eiusdem professione & exercitio, quæ unicuique ita esse libera debet, nullus vt in sua turbandus sit, perturbare; aut conscientiaë aliquius vim inferre; aut denique maiorem exercere velle dominatum, quàm in homines ipse exerceat Deus.

Et sanè petentibus à me Catholicis nostris inquilinis, quam in re conscientiaë libertas sita sit; an non in libera eius religionis, quam mens & instinctus noster interior optimam nobis esse contestatur, delectione? quid respondeam nescio. Vti nec rogantibus in quo
nos

nos ab Hispanis quoad religionum exercitia
inhibenda discrepemus.

Hispani namque Reformatæ religionis ex-
ercitium prohibent: nos antiquæ Romanæ Ca-
tholicæ, in qua omnes maiores nostri iam inde
à multis sæculis & vixere & mortui sunt, vsum
proscribimus:

Illi supplicia infligunt peregrinas religiones
profitentibus: nos qui aliam præterquam no-
stram, & maximè qui Romanam profitentur,
mulctamus. Quod dum facimus, omnes retrò
maiores nostros damnamus, ipsosque in poste-
ris castigamus.

Illi graues & diras leges ferunt in eos, qui
secum in fide non conspirant: nos immanium
in Romanæ Religionis, etiam in cellariis &
speluncis sub terra, & solariis cultores, edicto-
rum ferendorum finem nullum facimus. Si
maiores nostri à morte resurgerent, & à fide
sua primogenia & cum lacte nutricis imbibita
desciscere nollent, nescio an non & illos de-
cretis nostris premèremus.

Illi libros omnes, quibus peregrina religio
traditur, proscribunt: nos in eos qui Romanæ
fidei libros, aut legunt, aut domi seruant gra-
uiter animaduertimus. timeo sanè vt & in ma-
iores nostros hac de causa animaduerneremus.

Illi regnis & prouinciis suis vniuersos ex-
cludunt qui externam fidem sequuntur: nos

Romanæ fidei cultores à quolibet magistratu, dignitate & munere publico arcemus. nescio an non & patres nostros, si in viuis essent, tamquam Romanæ fidei defensores & propugnatores, arceremus.

Plenis faucibus, sexcentis libris, & nusquam non, Hispaniarum Regem sugillamus, quòd nos ad fidem susceptam deferendam compellere voluerit, aut eam quam animus nobis dictabat, suscipere vetuerit. Et nos, Romanos fidei suæ veteri renuntiare cogimus, cùm tamen nos fateri oporteat, Romanam supra nongentos apud nos annos viguisse, antequam nupera Reformatio iam inde è Germania & Gallia ad nos commigrasset.

Sciscitantur à nobis (nec immeritò) quo eos iure nouem sæculorum possessione deturbemus, cùm ipsi quinquagenaria Reformationis nostræ possessione ab Hispanis deturbari ac deiici nolimus? Quid ipsis ad hoc replicem, aliud non habeo, quàm, nostrum id Statum suo à nobis iurè deposcere.

Regerunt hi rursus, Hispanorum quoque in his prouinciis Statum poposcisse, nulla vt alia, præterquam sua, religio permetteretur. Hanc tamen illationem plurimis olim libris impugnauimus, & quæ ipsi nunc vsurpamus axiomata (cùm aliud quod respondeamus, nobis non suppeditet, quàm è Status nostri re non

videri, Romanæ exercitium religionis permitti) hætenus armis tum patriis, tum externis oppugnavimus.

Præter hæc nobis obiiciunt, Romanæ fidei hisce in locis cultores, primos aduersus Hispanum arma induisse, primos suo profugum Auriacum gremio suscepisse, ei que tutum apud se asylum præbuisse. Id quidem nos confiteri oportet, licet suæ illis exercitium religionis prohibeamus, qui tum auro, tum vita primi libertatis nostræ, qua modò pacificè fruimur, assertores & vindices exstiterunt.

Ad Romanam quidem religionem provinciis nostris eliminandam, aliqua nos mouere ratio videtur: ne videlicet huius efficiaciâ, vi, & exteriore cæremoniarum illius splendore (vti Aduocatus subveritus dicere solebat) allekti & inescati carissimi populares nostri, tandem ad illam accedant; itaque religionis huius, quam & Hispani profitentur, potentiâ & adminiculo, pristini sui Principis, Hispaniarum Regis, recordentur, & erga eum animis propendere incipiant. Quod certè cum patria libertate, quæ nihil Hispanicum fert, & omnem erga eos affectum excludit, nimium quantum pugnaret.

Sed, vt Romanos missos faciamus, quid de confratribus nostris Arminianis, fidis nostris commilitonibus, veris patriæ libertatis no-

biscum zelatoribus, & aduersus omnem Hispanorum potentiam propugnatoribus dicemus? quæ nobis dictat aut suadet ratio, vt liberum illis religionis exercitium permittere nolumus, sed omnem conscientiaelibertatem, & liberam fidei susceptionem ac professionem auferamus, Gommaro nostro ac Synodo Dordracenæ eos inuitos subscribere compellentes?

Hispanos inauditæ & intolerabilis cuiusdam tyrannidis passim ad rauim vsque accusauimus, quòd nos inuitos Tridentini Concilij decretis subscribere cõpellerent: & ipsi iam, non Catholicos solùm, sed & fidos & cooperatoros nostros Arminianos, in Dordracenam Synodum vt iurent, eamque propugnent, cogere volumus. Quin & eò nostra ascendit superbia & præsumptio, vt & Henrico Nassouio Auriaco Principi eam, quò in illam iuret, obtrudere non vereamur. Ecquis audaciorem impudentioremue stuporem vidit? quid ad hæc respondere possumus?

Nec hîc stetimus. sed ulterius progressi, generalem prouinciarum Syndicum & Aduocatum, Arminianorum coryphæum, vnicum patriæ zelatorem, tutorem ac parentem; sincerum & natium, non fucatum aut fictum Hollandum; iuratissimum Hispani nominis hostem (cuius vnus sapienti ac solerti consilio

lio astuque, cum ad extremum nostra iam redacta esset potentia, & annum fœnus ita graue, vt omnes nostri prouentus ei ferendo nimis quàm impares essent; factum est, vt potentissimus Hispaniarum Rex primus inducias, & ab armis cessationem à nobis expetierit) neci dedimus, & infami carnificis securi subieci-
 mus. idque potissimum exterorum Gommaristarum, iuratissimorum communis prouinciarum nostrarum boni hostium (qui iam inde è Brabantinis partibus in has profugi, homines de triuio ac terræ filij cum essent, post paucorum annorum dignitatem & magistratum, iam supra octoginta, etiam centum, in annos singulos de prouentibus suis florenorum millia percipiunt) suasu & instinctu. Vndenam verò hi ita rem fecerint, & hæc illis fors allapsa sit, aliis examinandum relinquo.

Quid ergo Arminianis, meritò de istac iniuria conquerentibus, respondeamus? quam vel verosimilem facti huius rationem illis reddamus? præsertim cum eos & omni magistratu excluderimus, illorumque in locum, in omnibus propè ciuitatibus, sartores, cerdones, veteramentarios, piscatores, fabros ferrarios, cæmentarios, scriniarios, pollinctores. aliosq; eius notæ triobolares gnathones, quibus res angusta domi, spes nulla foris, substituerimus. hos verò vrbi gubernaculo ad mouimus, nullo alio

nomine commendabiles, quàm quòd Gommarum mordicus tuerentur; vt horum operâ & adminiculo executioni mandaremus, quod perduellibus & publicæ quietis perturbatoribus nonnullis alluberet: probè gnari, menduculos hosce Gommaristicos magistratus nobis per omnia ad nutum, seu cereos, fore obsequentissimos. neque enim eos aliud fuisse dicas, quàm impium quoddam & nefarium eorum, quibus propositum erat res nouare, patriæ libertatem tanto sanguine comparatam pessumdare & euertere, eamque noui cuiusdam Comitis seruituti & dominatui denuo subicere, instrumentum.

Etenim, non sine insigni fortitudinis nostræ labe, fateamur oportet, nullum ab hominum memoria Dominum, Comitem, Principem aut Regem, tantū in hacce prouinciasearumque inquilinos iuris habuisse aut vsurpasse, quantū nuperus habuit Auriacus Princeps Mauritius. Imò nullum, etiam inter Hispaniæ Reges, futurum, qui adeò liberè, audacter, hominem nullum timendo, omnia nostra priuilegia, nullo excepto, sit (vt ipse) abrogaturus: adeò vt absolutius & maius in hacce prouincias imperium habuerit, quàm superiorum Principum ac Comitum vllus.

Illo enim viuo, post Aduocati nostri mortem, velut incarcerati & mures in muscipula
vixi-

viximus. Etenim, toto induciarum tempore, aded omnes terræ limites & accessiones nouis munitiōibus & arcibus, in quas multi florum milliones sunt impensi, firmavit, validisque militum præsidis communiuit (quos item ad minimum oculorum nutum paratissimos, sibi que additissimos, & per omnia habuit obsequentissimos) ut illius vnus imperio, quod arma & propugnacula prouinciarum omnia sua in potestate haberet, cuncta regerentur, & nos inuitos licet, sibi parere cogeret.

Qui puro religionis & fidei zelo hæc cum fecisse putat, nã ille sublimi eius ingenio & spiritui iniurius est. illius enim religio, eius erat magnitudo & potentia, omnis item ad eam perueniendi via & ratio, gladius & arma; magnus illius Deus, sui ipsius amor, instrumenta bellica, vis, exercitus, quos ad instar filiorum suo velut in gremio habebat. Equidẽ per magnum Iehoua, Deum deorum iuro, si nulla, nisi Romanæ religionis adminiculo & gradibus, ad prouinciarum harum imperium illi patuisset via, illam ipsum non secus ac vestem nouam, haud illubenter assumpturum fuisse. etenim multis Missarum sacrificiis æquiualeat Hollandia. Et quis aded demens, ut terram hanc promissionis, ob non assumptum Romanæ religionis velamen & speciem, velit amittere? Maior sane erat Mauritij sapientia, quàm ut ob fidem

quam non profiteretur, pretioso hoc monili carere vellet: neque adeò is despiebat, ut, ne Romanæ Ecclesiæ cæremonias admitteret, hanc sibi è manibus imperandi occasionem elabifineret. Imò etiam (iurare ausim) hebdomadam peccatorum confessionem instituisset, & Romano cœnam Ecclesiasticam more percipisset, si hac illi viâ ad Germanicum Imperium, aut certè alium paulò inferiorem principatum aditus patuisset. Mihi credas velim, adeò is in Gommari verba, aut Synodi Dordracenæ decreta non iurarat, ut se, illorum tuendorum causâ, non dico flammis tradidisset, vel alapam, aut irrogatam dicti mendacij contumeliam tulisset; sed ne vel minimam aciculæ, etiam in omnium Hollandicarum, quòtquot cogi possent, Synodorum, aut excerebrati Gommari gratiam, puncturam pati voluisset. Vsq̃ue adeò is vecors non erat. Illa enim ei optima videbatur religio, quæ ad illius quam spectabat magnitudinis incrementum & promotionem maximè conducebat. Secùs de eo qui opinatur, errat gravissimè.

Eandem quoque religionem profitentur & sectantur, quotquot ei Aduocati de medio tollendi suasores & instigatores fuere. Summus illorum Deus, est compendium & honoris incrementum; religio verò, omnis illa per quam optatis eorum commodis, possessionibus,

bus, dominatui aliqua fieri potest accessio. Imò, tametsi hanc religionem cacodæmones sectarentur, plenis eam nihilo minus vlnis & ambabus manibus amplecterentur. Cælum ipsorum in terra est; aliud quippe nec expectant, nec esse credunt. inter hominis enim, & iumenti aut bouis Hollandici mortem nihil interesse putant; & credunt firmiter, nullam, post hanc mortalem, vitam superesse aut expectandam. Vt mirandum non sit, illam ipsis religionem optimam videri, quæ ad destinatum illos finem & scopum optimè dirigit. Sic mercator illam sibi viam compendiosissimam & optimam ducit, per quam maior peculio suo fit accessio, & annuus prouentus maximè increfcit. Quisquis aliam Statibus nos regentibus religionem affricat, magnam is illorum sagacitati, acumini, & prudentiæ irrogat iniuriam. Hinc toties eam vendere, abnegare, & abiurare non dubitabunt, quoties per aliā quamdam maior quæstus & commodi spes affulgebit. Imò nec Turcismum, Iudaismum, & proinde nec circumcisionem abnuent, si hæc illos fides ad scopum præfixum, speratas opes & honores conductura sit. Aliud qui de ipsis sentit, aut opinatur, cæcutit. Asseuerare & iureiurando confirmare ausim, fore vt etiam parentes, vxorem, filios, Hollandiam, Deum ipsum vendant, quò votorum & intentionis suæ red-
dantur

dantur compotes. Exemplo tantum tibi sit, quod superioribus hisce annis, tam in Gallia, quam Anglia machinatum est. quoties enim duobus illis Regibus nescientes venditi sumus! Testantur hoc immensa illa & regia, quæ Legati nostri domum retulere, quibusque suas illi facultates incredibile quantum adauxere, munera. Si tam facile nostradere, quam vendere, potuissent, iam dudum Anglorum aut Francorum sub iugo gemuissimus.

An non istoc in euentu longè nos satius esset Hispano subiici? Hoc tecum cogites obsecro, & simul intueri (reprimō me) Francorum leuitatem & inconstantiam, intolerabilem Anglorum arrogantiam, quæ gentes reliquas seu peripsamata & propudia præ se contemnunt. Illorum secures, cruces, patibula intueri; vtriusque gentis mores cum Hispanorum moribus compone.

Hispanorum mores te docebunt. Siculi, Neapolitani, Mediolanenses, quibus tot annis Hispani sunt dominati, & etiamnum dominantur. Vide, quàm illis pacificè leniterque præ sint, quanta incolæ & indigenæ in securitate & quiete agant, quàm omnis metus expertes, quàm ab vniuersis hostibus tuti, quanta domi & foris pace potiantur, & toto dominatus Hispanici tempore sint potiti; cum ante illum vix esset annus, quo non aut domestico, aut exter-

no bello fatigarentur. Sunt hæc huiusmodi, ut & ad oculum videri, & manibus propè queant palpari; & orbe toto quàm notissima. Quam illorum fidem, sinceritatem, & in addicta semel fide tenenda constantiam docebunt quoque nos nostrates nuper è Brasilia reuersi; quos primùm Hispani magna cum humanitate in fidem & tutelam recepere; deinde domum reuertentibus de omnibus rebus necessariis prospexere, & in Hollandiam non tamquam hostes, sed hospites & amicos, reuexere; nullus ut vel verbum contumeliosum & asperius, aut minimum maleficii signum, ab ipsis sit passus; sed toto viæ tempore quasi socij, & vnius Regis subditi, amicè beneuoleque sint habiti. Non possunt hanc iam domum reuersi benignitatem non vbiuis prædicare, & centuplo maiorem expectatione se in hoste humanitatem & affectum expertos, maiorem quoque benevolentiam, quàm in popularibus suis & eiusdem secum gentis hominibus; plura denique, quàm addicta erant, beneficia percepisse, passim spargere.

Idem & in Bredanæ vrbis iam victæ & traditæ pactis conuentis videri poterit. Etenim SPINOLA, copiarum Hispaniensium imperator, cum ex interceptis ex vrbe in castra nostra, & è castris vicissim in urbem missis litteris, quis rerum in vrbe status, quæ opidanorum esset
 necessi-

necessitas, didicisset; HENRICVM COMITEM DE
 BERGIS ad vrbs Gubernatorem misit, qui ami-
 cè ei consuleret eam vt Regi quantocyùs tra-
 deret, etsi nostris è litteris iam tum nosset, opi-
 danis nonnisi in sex dies annonam superesse.
 quorum expirationem cùm exspectare, ac
 proinde nostros ad probrosissimas & turpissi-
 mas conuentionis condiciones adigere potuif-
 set, nihilominùs ostendere ad oculum cupiens,
 Hispaniarum Regem tyrannorum more non
 agere (quemadmodum nonnulli nostrorum,
 & præsertim verbi diuini Prædicatores, plenis
 buccis numquam non crepant) neue nos vt
 seruos aut mancipia velle habere; sed illum
 verè se, etiam in contumacès vasallos & filios,
 patrem exhibere; incredibili erga nos huma-
 nitate est vsus, sine vlla nos necessitate præue-
 nit, & in victos benignum se victorem exhi-
 buit. Quam etiam benignitatem declarauit
 tum, cùm prædiarios nostros, non sine ipso-
 rum stupore, & magno nominis sui apud om-
 nes gentes præconio, peramanter ac benignè
 habuit. Vnde numquā non eum prædicabunt,
 atque inprimis ipsam Infantem ISABELLAM,
 cuius maternis ab vberibus hanc profluxisse
 lenitatem minimè dubitandum est, probè
 gnaræ hanc & patruelis sui Hispaniarum Re-
 gis, esse mentem. Vt nos de paterno Regis in
 nos & hæc prouincias, affectu amoreq; nefas
 sit

fit dubitare. has enim ille semper primariam coronæ suæ gemmam duxit, easque vt subigat, & aduersus plurimorum Regum, Principum ac Rerum publicarum potentiam sibi vindicet, nullo hæctenus sanguine aut auro pepercit; atque (vt Hispani vulgò dictitant) nonaginta nouem provincias suas propemodum deseruit, quò errabundam hanc Belgicam ouiculam, ad Regium suum ouile, magno animi sui cum gaudio & voluptate reducat. Non id eò dico, vt Hispano nos subiiciamus; sed vt hinc liqueat, centuplo hos benigniores erga nos fuisse, quàm modò se Franci in Italos, & olim in Genuenses, Siculos, Neapolitanos, Mediolanenses præbuere; & millecuplo humaniores, quàm nos in Indos, quos nostrates nullo suo merito, & nullius culpæ reos, inauditis suppliciis, & incredibili cum immanitate, iubētibus Præfectis nostris, neci dederunt; idque non militari quadam petulantia aut licentia, sed præmeditato nostrorum consilio, & occultis ad hoc ipsum faciendum traditis litteris. Quod sanè Orientalis Indiæ societatis membra & Directores negare nequeunt. Atque hæc forsitan est causa, cur Admiralius noster Wittardus cum omnibus suis, parricidalis suæ feritatis pœnas vindici Deo dederit.

Non possumus etiam ignorare, quo in Orientis India modo in amicos nostros Anglos
anno

anno MDCXX. sæuierimus: quos manibus pedi-
 busque vinctos, & è scopulis præcipientes datos,
 membratim dilaniari vidimus. Anno verò post
 hunc tertio, alios de trabe suspensos aqua in-
 fusa propemodum suffocauimus. Aliorum quo-
 que pedibus, manuum volis, & axillis arden-
 tes faces admouentes, lento eos excruciaui-
 mus supplicio, & mille mortibus; quos tandem
 post omnem hanc carnificinam, securi subie-
 cimus. Hoc sanè ipsi negare non possumus;
 Anglorum quippe nomina, vti & ductoris il-
 lorum Gabrielis Towerfonij, orbe toto no-
 tiora sunt, quàm vt rem negemus. Ac licet hanc
 Angli barbariem & carnificinam auro nostro
 excæcati, dissimulent & æquo ferant animo;
 non eo tamen minùs omnium bonorum hæc
 animos offendit, & linguis omnium carpitur.
 Non tanta Hispani in nostrates, iuratissimos
 suos hostes, crudelitate & feritate sæuierunt,
 quanta nostri in amicos & confœderatos; vt
 posset Nero, & prisca Christianorum persecu-
 tores noua à nostris suppliciorum & tormen-
 torum genera ediscere. Hoccine Batauicum
 est? hæccine Reformatam religionem redo-
 lent? hæccine Christiana, imò & humana
 sunt: talem ne in barbaris quidem immanita-
 tem videre est. Interim tamen mites & lenes
 haberi volumus, nostraque Hispanam barba-
 riam ac feritatem clementiâ lenire; &, cum
 Hispana

Hispanorum tyrannidem nusquam non passim iactemus, quasi illius declinandæ gratiâ arma induerimus, illos certè barbarie & beluina immanitate longè transscēdinus. Quod breui ad oculum ine spero demonstraturum, vt sanguinarium Gommari spiritum, & inauditam omnium illius sequacium, & nos Anglis subiicere conantium, truculētiā orbis agnoscat & detestetur. Quid enim ab Anglis sperandum aliud, quàm vt, si semel absolutum in nos imperium obtineant, eādē nobis mensurā metiantur, qua Gommariistæ nostri ipsis in India mensi sunt? Vtinam in memoriam & mentem reuocaremus, quo Angli olim modo in Francos sint grassati. vt interim de Francis nihil dicam, qui quales se in Flandros, Artesios, Hannonios, Luxemburgios olim præbuerint, lippis notum est & tonsoribus. Licet enim civili hoc bello insignem & spe maiorem ab illis opem senserimus, ac nobis aduersus Hispanum bello certatibus supra centum ac quadragenos florenorū milliones (credet posteritas?) Gallus erogarit; in eo tamen non tam rerum nostrarum accrementum eum, quàm Hispaniensis monarchiæ decrementum, & illa decrescēte, suum stabilimentum & augmentum spectasse constat. Imò auratis hisce hamis & elcis nos inescare, nostrarum prouinciarum imperium sibi arrogare, & suam eas redi-

Q

gere

gere sub potestatem, ante omnia intendit; ac deinde armis nostris in partem venientibus reliquum Belgium Gallicanis liliis subiicere, vti Artesios, Hannonios ac Flandrosolim maiores eius reducere sunt conati.

Horum ergo exemplo sapiamus. Beati & ter felices illi, qui fortunato & infortunato aliorum exemplo, agenda & cauenda sibi queunt ediscere.

Et quamquam non id agam, vt Hispanis nos ideo subdamus, cùm tanto sanguinis & auri impendio nostra nobis libertas tot per annos steterit; negare tamen non possum, quin, si, vt extero cuipiam nos subiiceremus, extrema nos compelleret necessitas, satius sit multò, ad pristinum Dominum Hispaniarum Regem respectare, quàm vllum alium exterorum Regum aut Principum deligere, vel priuatum Comitem ac Dominum admittere. Hic enim aduersus vicinorum, & Hispanicam potentiam, prouincias nostrastueri, & vim hostilem propulsare per se non valeret.

Verùm, haud dum huc extremitatis redacti sumus; at, quamdiu, & qua possumus, prouidâ sagaciq̃ue prudentiâ hanc à nobis necessitatem amoliamur. tametsi rei nostræ non parum timeam: idq̃ue ob varias quæ me timere cogunt, rationes. Quarum ea potissima & maxima est, quòd aduersarios nostros à diuina potē-

potentia notabiliter videam iuuari & protegi.
Videas enim

Primò, quomodo *BVCQVOYVS* Comes exigua militum manu (pugillo penè dixero) Imperatorem, ab omnibus destitutum, aduersus Ottomannicam potentiam, Hungaros, Transilvaniæ Principem Bethlinum, rebelles Boheimiæ Directores, Palatinum, Iagerendorfium, & Durlachij, Hassi, Brandeburgici, Anglorum & nostrorum suppetias sit tutatus, quam paucissimos aduersus potentissimos & innumeros exercitus in aciem educens.

Secundò, ut idem Comes ad Danubij pontem, à sexaginta & amplius hostium millibus cinctus, cum ipse vix vicena sub signis haberet, gloriosissimè tamen cum suis euaserit, & Vienna hostem discedere compulerit.

Intuere Tertiò, conflictum Pragensem: in quo tot propè videbis prodigia ac miracula, quot euentus. Primò, *BAVARIÆ* Ducem bellij imperitum, qui fortè vix hostem & arma vnquam viderat; Secundò, *BVCQVOYVM* vulneratum; Tertiò, Cæsarianos defatigatos & fractos; Quartò, Bohemos accliui in colle, tormentis bellicis & vallis communitos, & Pragmam urbem copiosissimam à tergo pro vallo habentes; Quintò, Cæsarianos toto corporum obnifu, hostem in colle suo quiescentem ut ferirent, in clium ascendere, & quidem angu-

stum per callem coactos; Sextò, hostium multitudinem, vt qui Cæsarianos duplo penè superabant. Hæc tamen omnia BAVARVS & BVCQVOYVS nihil morati, manus conferunt, Bohemum Regem in fugam agunt, Pragam, quam ne duplex quidem exercitus expugnasset, vtpote quæ supra quinquaginta bellantium millia complecteretur, intercipiunt. Hæc si humano iudicio pensentur, & iuxta militarium legum præscriptũ, ac peritorum ex quolibet gente ducum consuetudinem examinentur; temerarium maximè & stultum videatur, Bohemos tanta armorum, bellicorum tormentorum, loci, quietis, copiarum tam equestrium quàm pedestrium prærogatiua præuallentes à Cæsarianis impeti. Mirum vt non sit, veteranum aliqui militem BVCQVOYVM, initio à confligendo alieniorem, prælium dissuasisse & propè derectasse. At BAVARVS, plus Deo quàm suorum sisus viribus, & hostiles prærogatiuas nequidquam moratus, collegam BVCQVOYVM ad manus cum rebellibus conferendas induxit; & superior euasit. Hæc omnium in ore, & memoria versantur.

Quartò, conflictum cum Durlachio & confœderatis intueri. in quo primò Hispanicus & Tillianus peditatus in fugam pellitur, equitatus funditur, CORDVBA à suis met militibus recedere cogitur; Durlacenses contrà concatenate

natis ferro curribus (inaudito castrametationis genere, omni propugnaculo & vallo valentior) communiti, & aduersus omnem hostilem incursionem affirmati, in tuto sunt; TILLIUS denique consternatus, quò se vertat aut quid agat, ignorat. Et tamen post hæc omnia, CORDUBA & Tilliani hoste profligato superiores opima spolia referunt.

Quintò, considera, vt Halberstadius valentissimis copiis suffultus, & ad instar arrogantis Holofernis adueniens, Cæsarianos & Regios ceu paleas dissilaturus; prius in fugam agatur, quàm suos in aciem eduxisset, victumque antè se videat, quàm hostem vidisset.

Sextò, hic ipse nouis iterum copiis firmatus, & omnibus rebus necessariis quàm abundantissimè instructus, rursus à paucissimis Tillianis haud procul Breuordia funditur, fugatur, & castra sua diripi videt.

Septimò, vide vt CORDUBA haud procul à Fleruaco à Mansfeldicis impetatur, eius equitatus distrahatur, peditatus perterritus propè in fugam agatur; & nihilominus victor euadat, quin & Mansfeldium prosequatur; cum tamen huius equitatus Cordubensem duplo superaret.

Octauò, triplicem nostram aduersus Antuerpienses expeditionem in mentem reuoca.

Prima sanè aurà erat temperatissimâ susce-

pta: sed vix Princeps cum suis nauem conscenderat, vix medio nauigatum erat die, cùm, ecce, tantum, tamque vehemens repente incubuit gelu, omnes vt naues ad nauigandum inutiles & impotes redderentur, & subitâ ventorum coortâ tempestate, ita illarum sint latera conquassata, & ipsa classis, magna nauium & hominum cum iactura, hinc inde ita foedè iactata & distracta; vt Princeps in subito hoc gelu, tempestate, aquarum agitatione, Deum cæli nosse, eumque (primùm fortè id ei fuit quamdiu vixit) inuocare cœperit, vt qui tempestates, & ciere, & compescere, cùm visum fuerit, potest.

In secunda, sub ipsa arcis (in qua vix centum præsidarij armorum tractandorum potentes tum numerabantur) mœnia cùm penetrassemus, derepentè coorta ventorum tempestas impedimento fuit, quo minùs scalas & alias machinas pontibus ac mœnibus ad mouère, cymbas aquis inicere potuerimus; vt cœpta abrupte, & re infectâ domum nos reuerti oportuerit.

In tertiâ, integram propè noctem in ericeto à via errauimus, cumque perpluti & madidi vix tandem sub arcem venissemus, cælesti quodam lumine perterriti & consternati, eam aggredi ausi non sumus.

Nonò, considera, quomodo post Brasiliense
opi-

opidum *S. Saluatoris* dictum, à nostratibus occupatum, classis, quam nostrorum auxilio destinaueramus, trimestri & amplius in Batavicis & Anglicis portibus ventum opportunum expectans hærere coacta sit; tamquam si nos tamdiu vento carere oportuisset, quoadusque Hispana classis felici & optato vento in Brasiliam appelleret, & antè opidum expugnaret, quàm nostrates sociis auxilio venire possent: vt nonnisi aliquot post expugnationem diebus nostra Pernambucum classis, per tempestatem & epibatarum morbos prorsus impotens (cùm centum & triginta epibatarum nauis, vix septem incolumes & valentes numeraret) appulerit:

Decimò, Bredanam obsidionē spectā: quot illa fuit mensium, tot penè videbis miracula. Etenim MARCHIO SPINOLA Regiarum copiarum in Belgio ductor, in Gillseno pago, loco deserto & ericoso, non sine stupore omnium, castrametatur, secum diu deliberans quem potissimum locū adoriatur; nostris interea velut tempus dans & oportunitatem ad vicinis vrbibus & arcibus de omni re necessaria in annos plurimos prospiciendum. Tandem Bredam castris ad decem in circuitu leucas (inauditum id hactenus) extensis & patentibus cingit. Nos interea eius ausus explodimus, eumque sua in oculis propè nostris valla & propugnacula per

otium erigere patimur; nec plus mouemur, quàm si ea nos res minimè spectasset. Tandem nono pòst mense Regis in manus opidum traditur. In hac porro oppugnatione obsidioque permulta notanda sunt. Primò, quòd datū ab hoste, ad vrbi de necessaria in annos plurimos annona prouidendum, tempus neglexerimus. Secundò, quòd SPINOLAM, cum vix quindecim hominum millia penes se haberet, non impedierimus, sed suos per otium aggeres & propugnacula perficere, passīsimus, ne telum quidem mittentes. Tertiò, quòd flumen quo Bredam nauigatur, arcibus in ripa erectis antè non communierimus, quàm urbem vallaret SPINOLIA. Quartò, quòd toto obsidionis tempore, viuentē Mauritio, hostilia latissimè per decem leucas diffusa munimenta semel non simus ausi impetere, aut vllum propugnaculorum tentare. Quintò, quòd hostem annonam omnem & commeatum octo leucarum itinere, continuo carris ad castra conuehere necessariò coactum, semel adorti non simus, nedum vt interceperimus. Sextò, quòd eius equitatu, qui annonam aduehendā identidem stipabat, absente, aggeres illius numquam simus aggressi, nullumq; animi aut potētiae nostrae periculum fecerimus; nisi fortè sub Comit̃s Henrici Nassouij ducatu. Septimò, quòd ab hoste ultro in aciem ad manus conferendas prodeunte

laes-

laceffiti, illi occurrere aufi nō fimus, fed noſtris
 nos caſtris tamquam obſeſſi continuerimus;
 cū tamē & multitudine ſuperiores eſſemus,
 & ſuos illum aggeres & propugnacula, quæ
 ſupra ducenta erant, præſidiario milite tueri
 oporteret. Octauò, quòd totius penè Europæ
 viribus, & Gallicis, Britannicis, Germanicis co-
 piis roborati, & Veneto auro ſuffulti, vni Ge-
 nuenſi bellanti, & Infanti Bruxellæ precibus
 inſiſtenti, atque in ſolo Deo fiduciam locanti,
 præualere velut enerues nequierimus. Nonò,
 quòd omnē propè Batauicam gazam in vnam
 Bredam inſumpſerimus; & ſupra vicanos flo-
 renorū milliones, re nulla, ſpe maxima, iam
 inde ab eo tempore, quo MAR CHIO Bruxellâ
 urbem obſidere cogitans egreſſus eſt, prode-
 gerimus. Decimò, quòd poſt obiectas flumini
 moles, erectos hinc inde aggeres, aquarū latè
 ſtagnantium inundationem, irritò conatu, ac
 re infectâ domū redierimus. Vndecimò, quòd,
 variis in caſtra hoſtilia emiſſis incendiariis,
 omnem conatum noſtrum euentus ſit fruſtra-
 tus, & nonniſi modico farinæ aceruo inferre
 noxam potuerimus. Duodecimò, quòd, cū
 noſſemus in quot menſes Bredaniſ annona ſuf-
 ficeret, nullum interim hoſtile opidum tenta-
 uerimus: nam nouem ſpatio menſium potuiſ-
 ſent haud magno negotio Veſalia, Rinberka,
 Grolla, Lingena, Oldenſelia; aut quædâ Flan-
 driæ

driæ opida, putà Dunkerka, Neoportum, Brugæ, Ostenda de hoste capi; aut, expeditione saltem tentatâ, is cum probro à cœpto obsidio auocari. Decimotertiò, quòd non modicam Regibus Gallo & Anglo, aliisq; lociis & amicis nostris, quibus obsidionem indubitatè solvendam addixeramus, intulerimus iniuriam, magnòq; illorum nomini & gloriæ orbe toto infamiæ notam inusserimus, tamquã si vniuersis viribus suis MARCHIONEM ad Bredâ recedendum cõpellere non potuerint. Decimoquartò, quòd nostram vniuersæ Europæ ignauiam & degeneres animos detexerimus, thrasonica quidem verba, sed opere & animositate cassa; diuites sponsiones, sed rebus viduas; dum sex & triginta armatorũ millibus instructi, hostem eiùsq; vallos adoriri, aut aliquod generositatis nostræ specimen edere non præsumpsimus.

Intuere iam, obsecro, ærumnosum reip. nostræ statum. Supra octoginta argenti milliones æs nobis alienum est, idque è pecunia à nostris mutuata, cuius in annos singulos fœnus creditoribus nos pendere oportet; vt taceam eam quam Gallo, Venetis, & aliis exteris mutuantibus, accepimus; item quinquagenos illos argenti milliones, & amplius, ab Orientali societate mutuo acceptos, & numquam refundendos; non quidẽ in ipsos pecuniæ dominos ac proprietarios, quibus societatis illius Direc-
tores

atores (*Maiores* nominantur) per Capitaneos suos illam surripuerunt; non item in hos ipsos Directores, qui veri rerum furto surreptarum domini esse nequeunt. adeò vt omnis direpta pecunia Generalibus prouinciæ Statibus, tamquam bona derelicta, nullumque dominum agnoscentia, competat. Interim nullam Directores de his conquerendi ansam habent, cum omnis furto sublata pecuniæ dimidium Status illis non inuiti cedant. Imò verò Statibus illi gratias agant oportet, Primò, quòd bona illorum cum venia liberè sibi rapere & prædari licuerit. Secundò, quòd dimidiam rapinæ partem sibi cesserint; quæ nisi fuisset, sæpiùs societatem foro cedere oportuisset; imò ne modò quidem extra periculum est. Etenim omnis illius fors iam dudum disperiit; hinc, ne penitus societas intercidat, noua indies pecuniarum nomina contrahit.

Duodecimò, vide, vt Comes Mansfeldicus, cum Gallicis atque Anglicis copiis iam inde à Bredani obsidij initio expectatus, cum tempestatibus variis conflixerit; & post naues plurimas amissas, Anglos suos delumbatos, exhaustos & morbosos, mortuis quàm viuis similiores, in Hollandiam adduxerit, & vniuersæ prouinciæ inauditi hætenus morbi contagia intulerit; imò ipse met actuaria in cymba, cum pauculis comitibus, vix sospes euaserit.

Deci-

Decimotertiò, quis dicere aufit, quid classibus nostris in Americam missis factum sit, vbi nam tot naues variis sub nauarchis disperierint; quantum auri, à plebe in hanc expeditionem suasu nostro tam libenter erogati, irritò euentu dissipatū sit? Vniuersam pulsīs Hispanis Americam, Peruuiam, Mexicū, Brasiliam subacturi videbamus, & ita rem ibi nostram acturi, vt in Noua Hispania Nouam conderemus Hollandiam, ac gentes illas barbaras nostrā & linguam & religionem (missis eo fine permultis Euangelij nostri Ministris) Romanā & Hispanā proscriptā, edoceremus. At in ventos hæc abiere molimina, vix centesimus domum reuertit; de reliquis quid actum sit, nouit Deus.

Decimoquartò, tecū perpende, quam naues nostræ ante Dunkerkam, Deo castigatæ, à vento & oceano, & quidem in loco vbi tempestas rarior, sint passæ iacturam, vt pars malos præcidere sint coactæ, pars ad littus collisæ & exarmatæ in hostium potestatem deuenerint; cum hostiles ne rudentē quidem amiserint. Factum hinc, vt illæ, nostris, à quibus velut obsidebantur, dissipatis & luxatis, liberum mare nactæ, sexaginta propè piscatorias nostrorum naues, & duas onerarias interceperint, quarū partem mersere, partē flamnis absumpsere. quæ sanè iactura, quinque florenorum millionibus vix pensetur. Vt taceam ortum hinc in populo pa-
uorem

uorem & consternationem, vt quæ sit magis, quàm Bredæ amissione percussus; viso, nauium plurimas sine halecibus, reliquas cum pauculis domum redisse. vnde factū, vt superior iactura multò sit visa maior. Adhæc piscatus omnis est turbatus & dissipatus, ac retia amissa: verendum vt sit, vt anno proximo pauci piscatum sint abituri; vnde non vulgare vniuersæ prouinciæ obueniet detrimentum.

Decimoquintò, vt Gabor Bethlinus, secus ac iureiurando promiserat, & contra ictum cum Imperatore foedus, iam paratus (nobis instigantibus) vt potenti cum exercitu in Cæsarianas prouincias irrueret, quò TILLIVM & WALSTEINIVM Brunsvicensi ditione excedere cogeret, ac Danorū Regi viam nullo impediante in Palatinatum penetrandi, veluti sterneret, à Deo sit castigatus. etenim quatuor primarij eius duces & velut atlantes, quibus amissis nihil est, vno simul tēpore ex hac vita abripiuntur. Seczius enim & alius violenta, & ferro alieno; Butianius, & quartus subitâ ac repētīnâ morte sublatus. In quibus Gabor vindicem Dei cum Antiocho in manu sentiens, sceleratam suam expeditionem, ne fortè pares Deo pœnas daret, abrumpere est coactus.

Decimosexto, Dei in hostes nostros propensionem & nutum pondera. Classi Anglicanæ nostras ipsi naues cum iunxissemus, animis & viri-

viribus concordibus Hispaniam petiimus, Gades insulam expugnaturi: quam Afris dare polliciti, decimo tandem die, felici acti vento, et si non sine maris periculo, exscensionē fecimus. Hac porro in expeditione, quędam nobis consideranda sunt. Primum. cū non pauci Angli æquē ac nostrates exscēdissent, & octo bellica tormenta in terram exposuissent, sunt à præsidariis Hispanis, quos sextuplo numero superabant, primò quidem inhibiti vlteriùs progredi; dein prorsus in fugam compulsi. Hac in fuga cæsi octingenti, & octo illa tormēta Hispanis cessere. Itaque occupato illo portu, sempiterna nostri & Britannici nominis cum infamia, excedere coacti sumus. Secundum, quòd, cū Rex pro solitā suā prudētiā plures actuaras & celoces in classis suę Mexicanę occursum, & quidem per diuersos cæli & altitudinum gradus, emisisset, nuntiaturas ne Gaditanum, vti quotannis solet, portum subiret, sed vel Olyssiponensem, vel Corunensem; classi Regiæ harum actuariarum ne vna quidē, post omnem eius per mare inuestigationem, occurreret. Vnde, cū ex harum nonnullis, quę nostram in classem inciderant. Regimentem intellexissemus, classem ipsi nostram bipartitò diuisimus, pars Olyssiponensem, pars Corunensem portum obsessuri, ne nostras Americana illa vllatenus manus effugeret. quas haud dubiè

biè non effugisset, si priùs è speculatoriis illis nauigiis Regis mentem intellexisset. Verùm quòd, Deo disponēte, nullum omnino horum in classem inciderit, hinc pro more Gaditanū portum petiit, ac feliciter sine vlla hostium incursione subiit. quod sine singulari Dei prouidentia & directione fieri non potuit. Quo in euentu fateamur oportet, Deum opt. max. Regis adfuisse cœpto, & à Regiâ nos prudentia decipi permisisse. Speculatoriorū ergo dispersio, & classis non inuentio, quæ Regi obfutura maximè videbatur, ipsa vt feliciter appelleret, in causa fuit; & illa Regiæ intentionis, quam ex aëtuariis in manus nostras incidentibus didicimus, notitia, quæ (humanitus loquendo) in nostras eam manus tradere, nobisq̃ue prodesse debuisset, obfuit. vt videre & fateri nos necesse sit, Regiam ideo classem non periisse, quia cymbæ eius speculatoriæ periire, Regisq̃; bonum in earum malo, & nostrum infortunium in fortunata illarum inuasiōe situm fuisse. Et sicut nil ad victoriam magis conferre vulgò solet, quàm hostilia prænosse molimina; ita nihil ad eandem hîc mage nobis obfuit, quàm Regiam intentionem nouisse. Quod sanè omnem humanum intellectum & sagacitatem longè transcendit, & à Deo solo prouenire potest. Nihil hîc loquor de erogata in centum nauium adorationem & annonam impensa,

de

de inutilibus eundo redeundoque factis sumptibus. prætereo & Anglorum luctum & querimonias, suorum tum in agro Gaditano caforū, tum in Oceano præ morbis & tæbe conſumptorum, amiſſionē plangentium; nec non fruſtranea militum & epibatarum ſtipendia. non examino, quis quæ vltra eis debentur, poſt reditum perſoluturus ſit, & non hinc aliqua toto regno ſecutura ſit commotio. non dico, quibus nos huius expeditionis cauſas Angli diſis ſint deuoturi: vt taceam vltricem Dei dextram, quæ (ſi modò Deus ſit & omnipotens) hanc iniuſtitiam inultam non ſinet. Niſi forte omnibus illis, ſuaſu & exemplo noſtro, eo ſatiſ fiat modo, quo nos noſtris è Braſilia reducibus perfidè perſoluimus. Hæ ſcilicet ſunt Puritani & Gommeriſtici Euangelij, è ſacris Bibliis depromptæ ad inuentiones & artes. hæccine Gommeriſtarum, Bogermanno Pontifice, in Dor-dracena Synodo accuratè ad verbi diuini amuſſim & normam efformata dogmata? Dij talem terris auertite peſtem, & plures id genus fruges noſtra ne ferat tellus.

Decimoſeptimò, notabilem & euidentem Dei erga TILLIUM propenſionem & fauorem contemplare. etenim hic in agro Brunſuiceniſi Dani copias ita proſligat, vt vltra decem ſint è peditatu Danico millia ipſo in conſictu deſiderata, & equitatus ita diſcerptus, vt è nona-
ginta

ginta turmis vix triginta superessent, & quidē
 admodum diminutæ; adhæc bis mille capti
 viui, & in iis centum ac duodecim castrenses
 præfecti, maiores æquē ac minores; abducta
 præterea octoginta & ampliùs bellica signa
 velut trophæa & monumenta victoriæ: cū ē
 Tillianis vix ducenti interfecti sint, vix toti-
 dem vulnerati. quod quē mirere magis, equita-
 tu æquē ac peditatu Danus Tillio longē erat
 superior. Vt quē apertiùs propugnatricem Dei
 agnoscas manum; nocte prælium præcurren-
 te visus ab exercitu utroque flammeus in aërea
 cæli regione gladius, acie in Danos obuersa,
 certus rei postridie euenturæ prænuntius &
 præco. Quo ex portento satis super quē Deum
 hosti nostro fauere & adesse videas; nosq; post
 cladem hanc aliud à Dano Rege præmium
 expectare non posse, quàm sexcentas in ca-
 put nostrum diras, & bacchantium Germano-
 rum imprecationes, vt qui illum ad probro-
 sam & infelicem hanc expeditionem impul-
 mus, instigauimus; nec non à Galliæ & Angliæ
 Regibus, quos ad Dano copiis & auro succur-
 rendum induximus vt hac ratione domus Au-
 striacæ potentiam deprimerent, extorrem Pa-
 latinum post multorum annorum exilium pri-
 stino statui restituerent, Hispanos & Bauaros
 vi Palatinatu exigerent, Catholicos Germa-
 niæ proceres tam sacros quàm profanos in or-
 dinem

dinem redigerent, Imperatorem denique Romanum de folio deturbatum, vniuersis regnis suis pellerent, quæ dein, vti & reliquas Catholicorum prouincias, inter Danorum & Suecorum Reges, Gaborem, Palatinū, Durlachium, Iagerendorffium, Halberstadium, Hassiæ Lantgrauium, Mansfeldium, aliosque Protestantium & Calvinianorum assecclas distribuerent; magnum verò Turcarum dominum in protectorem & tutorem assumerent, à quo ea ceu feudum annua cum pensione possiderent. Vt hac ratione nostras ipsi prouincias aduersus Hispanum firmaremus, & ab eius potentia vindicaremus; alias verò, quæ ei etiamnum parent, imperio illius extorqueremus, & ad Heluetici regiminis formam conformaremus: vnde fieret, vt & Galliæ, & Britannię, & Germanię nullum ab Hispanica potentia periculum immineret. Tum verò magis, cūm, Anglicanarum & nostrarum nauium ope, Afros in Hispaniam inuexissemus; & confederatā nostrā potentiā, Germanię Proceribus, ac Galliæ, Britannię, Daniæ, Sueciæ Regibus, & potentissimis quibusdam Rebus publicis subsidio nobis venientibus, vtriusque Indiæ frequentationem Hispano extorsissemus: itaque binas suas, quibus vniuersum terrarum orbem circumuolitat, alas ei præcidissemus. Tum demum Sabaudię Regulū ad arma Mediolanensi-

nenſibus, & alios Principes ad Neapolitano & Siculo regnis mouenda impuliffemus. Vt hoc pacto, vndiquaque ſumma vilaceſſitus Hiſpanus, omniq̃ue potentia exutus, ne lacertos mouere quidem poſſet vtq̃ue omni ſuo prouentu annuo exclusus, fractus & fatiſcens ſub aliena genere poteſtate cogeretur. Sed, vt verum fatear, omnes vulpinæ machinationes & artes noſtræ in nihilum recidunt, extremam amicus perniciem creamus, res noſtræ nutant & collaſcunt, primum vt abſit, quin ad extrema reducti, Hiſpani nos iugo denuo ſubmittamus.

Decimooctauò, viden' vt TILLIVS poſt ſuperiorem illam cladem totum Brunſuicenſem Ducatum, ditionem Hildeſheimenſem, Verdenſem, & Comitatum Hoyenſem Imperatori ſubiiciat, & quidquid Viſurgim & Albi interiacet, armis ſuis edomet? quod tantillo tempore vt fieret, impoſſibile videbatur.

Decimononò, vt Fridlandiæ Dux pugillo militum Mansfeldium, decem millia ſub ſignis habentem fundat & profliget, incruentâ prorſus victoriâ; quæ ſparſo inter Mansfeldios rumorì, quaſi Baltazar de Marradas decē è Bohemia millium ſuppetias Duci miſiſſet (cùm tamen hic Bohemia pedem non extuliſſet) poſt Deum, potiſſimum eſt aſcribenda.

Denique vide, vt Comes HENRICVS DE BERGIS nouem equitum turmis, & ducentis

clopetariis assumptis, etiam post octo leucarum iter confectum defatigatis, equitatum nostrum summo diluculo adoriatur & dissipet, ultra mille equos abducatur, & septem cohortes nostris auxilio venientes, octoginta pugnatoribus opprimat, fuget; plurimosque eorum, inter reliquos Comitem Stirumensem, & Baronem Botfelarium, victos secum abducatur, omni exercitu nostro inspectante.

At, vndenam nuperæ illæ clades & infortunia, rebus nostris antè tam feliciter & ad votum fluentibus, ortum habuerint, forsitan ex me percontaberis. Dicam tibi quod sentio, candidè, batavicè, & sine fūco.

Primò, intolerabilis nostra iniustitia, quam Orientalis societatis Directores in India per suos exercuere, Dominum cæli indubiè ad iracundiam & à nobis auersionem excitauit: cum nostrates, totâ passim Indiâ, & variis sub Regibus, Indos incautos fraudulentis in casses suos verbis pertraxere. ac suis eos dein facultatibus & mercibus exspoliare. Dum, verbi gratiâ, anno MDCX. ductore Francisco Henricio Wittardo, Sinensibus centum maiorum regalium millia præsentè pecuniâ exsoluimus, alia verò ducenta millia per cambium Bantani recipienda promissimus. quos, cum Bantanum suam ex fide data pecuniam recepturi venissent, primùm verbis exproposimus, dein violentè inde,

indē, nī perire vellent, recedere compulimus. imò (quod scelestius) naues illorum inter nostras dum nauigarent, diripimus, merfimus, & vectores omnes manus pedesq̃ue vinctos in altum deturbauimus. E qua impia & scelesta machinatione plus centum argenti millionibus redactum est; vti ad oculum ipsas Directorum Orientalis societatis rationes inspicienti patebit. E quibusetiam, annis MDCXVII. & proximo, nauarcho & ductore Ioāne Theodericio Lammio, supra tres ducatorum milliones direptos disces. Quæ rapina innoxiiis illata vlticem Dei in nos dextram armat, vindictā exposcit, & Batauicum toto terrarum orbe nomen meritò exosum & probrosum reddit. Prædatoria hæc negotiatio anno MDCX. primum ortum habuit, quòd Directores incredibili cum impensa, ad sui suorumq̃ue tutelam, varias hinc inde construere coacti sunt arces, eisq̃ue de præsidio militari prospicere; quodq̃ue & aromatum in India pretium increfceret, hîc verò ob immensam illorum copiam decrefceret. Itaque Directores suis per Indiam ductoribus & nauarchis, obuios quosque, nullo amici fociiue & inimici cum discrimine, deprædandi & exspoliandi potestatem fecere. Hæc porrò rapina, iam quindecim annis elapsis, adhuc in vsu est; nec finem inuenit. Videant hîc cordati nostri ciues, Bataui iuxta at-

que alij, qui suas huic societati pecunias dedicarunt, quâ sibi monetâ à Directoribus persoluatur, direptis inquam & auctis misellorum Indorum facultatibus. Hac enim technâ & arte nisi societas sibi consulisset, iam plus vicis foro cedere & dissolui debuisset. Atque hæc est causa, cur Directores rationes dare nolint, nec, si vellent, possint. Et esto immensum è rapina hac secutum sit compendium, fors tamen capitalis parum abest quin deperierit. Hæc videlicet ordinaria furtorum & rapinarum est merces ac præmium, cum præsertim cædium & sanguinis humani illis accedit auctoramentum. sic enim falsis assignationibus circumuentos Sinenſes facultatibus primùm ac mercibus spoliauimus, dein honesto amicitiae & mercimoniorum velamine neci dedimus. Factum hinc, ut opulentissimi & pecuniosissimi quique Directorum societate paulatim excesserint, prius sibi scripto ita cauentes, satis ut prodant, verise ne, si rapina illa aliquando innotescat & palàm fiat, à plurimorum linguis vapulent. Verùm hæc eos cautio aut stipulatio ab iniquè raptorum restitutione veris rerum possessoribus facienda, non apud Deum, non apud homines excusabit: hæc enim nō fiat, nec ipsi, nec ipsorum heredes in futuras generationes unquam erunt securi.

Secundò, iniustitia nostra, quâ in Cæsarem

FER

FERDINANDVM vsi sumus, dum Palatinus
suasu, auro, milite nostro fultus, Bohemi-
cum ei sceptrum extorsit, sibiq̃ue præter fas &
æquum, nullo iure vel verisimili nixus, sed ma-
nifesta ambitione actus, arrogauit; venientibus
præsertim in partem Ottomannica potentia,
& impio Bethlino domini sui interfectore, &
iniquo dominiorum eius vsurpatore.

Nec hîc nostra stetit iniquitas; sed est lon-
gius progressa. Cæsari quippe sumus vniuersas
hereditarias prouincias eripere conati, dum
Hungariam, Morauiam, Lusatiam, Silesiam,
Austriam vltiorem & citeriorem, & quid-
quid ad Imperij corpus vllatenus spectabat,
aliis perduellibus, velut Orpheum Mœnadi-
bus, discerpendum & dilaniandum dedimus.
At, qui apertas id genus iniquitates exosas ha-
bet Deus, Cæsarem, aduersariis dissipatis, mira-
bili quodam modo tutatus est, ac non solum
omnes illi prouincias & vrbes reddidit, sed &
ad longè quàm priùs habebat, maiorem po-
tentiam euexit; idq̃ue copiis tam exiguis, vt
ad illi auxiliandum Deum cæli concurrisset,
& iustam eius causam & pietatem respexisset
sole meridiano appareat clariùs. Etenim fatea-
mur necesse est, illustres has victorias, & ho-
stium depressionem, Imperatori ob assiduas
solum preces, & insignem in Deum fiduciam
obtigisse. Nam, humani iudicij pondere rem li-

R 4 brando.

brando, fieri prorsus non posse videbatur, suorum vt aduersariorum manus Cæsar effugeret. At iuratissimus omnis iniustitiæ hostis Deus iniquorum consilia destruxit, & humanam nostram prudentiam confudit; itaque toti terrarum orbi impietatem nostram patefecit. Adhæc, Palatinum non tantum Imperio, sed & paterno Comitatu eiecit: aded vt qui Imperatorem prius suo expellere satagebat, expulsus sit suo, & iam apud nostrates, profugus, extorris & inops, alieno ex ærario alatur. Idq; non aliam ob causam, quàm quia impias hæc machinationes nobis consultoribus infelicitè suscepit, & Mauritium Principem auunculum habuit. Etenim Gulielmus Orengeus, ducta in uxorem Religiosâ, imò Abbatissa Deo votis obstrictâ, permultas ex ea filias, & in his ipsam Palatini huius matrem, genuit.

Tertiò, iniustitia & ingratitude nostra in communem patriæ Syndicum & Aduocatum, cuius prudenti cordatoq; consilio, solerti sapientiâ, & auspiciis optatam nacti libertatem sumus, declarata. Cuius in morte duo potissimum consideranda sunt. Primum, nos hac Aduocati occisione Hispaniarum Regi longè gratissimum maximumq; obsequium præstitisse; quodd hanc ille facile auri milione redemisset: nullum enim eo reperiebat in omnibus suis conceptibus euertendis, artibus & artu eludendis,

poten-

potentia eneruanda, moliminibus infringēdis, suadendo consulendoque solertiolem & versutiolem; quique maiorem Regi noxam suis consiliis, quam omnes nostri exercitus coniuncti armis intulit. Alterū, quod vnicum patriæ nostræ Atlantem, libertatis nostræ vindicem & basin, vnicum rebus in afflictis consilium & solamen in eo amiserimus: cuius prudenti directione omnes, quæ nobis impendebant militares seditiones impediæ & sublata, & in omnibus necessitatibus numquam nobis defuit pecunia; & quo agente, omnium totius Europæ Regum ac Principum ita certò nouimus arcana, ac si nostros in eorū conclauibus habuissēmus amanuenses & scribas. Qui denique Anglicanum iugum, ceruicibus nostris Comitibus Lecestrij temporibus imponi cœptum, solerti ingenio suo felicissimè ab eisdem depulit, & pristinæ nos libertati asseruit. vt vnicus patriæ baculus, magnes, anchora, & turbidis in rebus clauus extiterit. Non sanguinem eius, vindictam aduersum nos & ingratitude nostram clamare credis? quem nunc aliis animum, ad re & sanguine patriam tuendam, futurum putas, cū tam indignè, ne dicam sceleratè, beneficia & labores compēsēmus? quid alia de nobis regna sentire existimas, aut quid sibi ab ingratitude nostra exspectent?

Quartò, iniustitia nostrò, insigni mixta in-

R s grati-

gratitudine, elucet in ea quam in fratres nostros, quos Arminianos dicimus, ostendimus, inhumanitate ac barbarie. qui, si verè loqui velimus, vnà cum Aduocato in causa sunt, vt nos Gallus, Anglus, & nupervitâ functus Mauritius sub iugum non miserint, & vt seruos sibi subiecerint. Quamquam, Mauritio agente, post Aduocati necem, & Arminianorum oppressione, grauiore sub seruitute genuimus, quàm omnes Hispanorum subditi, qui maiore longè libertate gaudent, quàm nos sub illo gauisi sumus; quibusque pristina sua priuilegia integriora steterunt, quàm nobis sub illo nostra. Obstupui, & non sine lacrymis vidi, cùm per vniuersas nostras prouincias, Arminianos omnes, qui sanè singulis in ciuitatibus, optimi, ditissimi, & eminentissimi ciuium erant, omnibus magistratibus ac dignitatibus vno pariter tempore vidi deturbari, tamquam si Hispaniarum Regi palàm sacramentum dixissent; eorum verò in locū facem vrbium, ne familiam suam quidem regere, & vxores ac filios curare gnaram, substitui. An non hoc tyrannidem sapit, & Hispanica Inquisitione est grauius? interim tamen vt iusti & placidi Bataui passim apud exteras haberi gentes volumus. Sed eò iam res deuenit, vt, qui hoc dicamur nomine, indigni censeamur.

Quintò, magis verò nostra se prodit iniustitia,

tia, cum carissimam matrem, patriam inquam nostram, opprimere ipsi & pessumdare incipimus, certissimo totalis libertatis amittendæ, & prouinciarum Anglorum tyrannidi subiiciendarum, periculo nos exponentes. Quod ut fiat, cum Anglo, per speciem necessariarum suppetiarum, pacti sumus, ut præter ordinarios, quos in præsidiis habemus, & ad quatuordecim millia ascendunt, Anglos, alia viginti ac quinque peditum, ac sex equitum millia, illius ære apud nos alerentur; quorum in Gelria, Iuliacensi & Cliuensi agro, locisque vicinis statio foret, & quibus Rex ipse de suo stipendium persolueret. Ut vniuersim quadraginta & quinque Anglorum millia nostro in Belgio numerarentur. Quis hanc technam non intelligat? quis specioso hoc velamine libertatem nostram vendi ac proscribi non videat? an non hi, cum allu- bebit, nos oppriment, & iugum imponent? Non satis, quid Angli spectent, nos edocuit Lecestrius? itane præteritorum periculorum nos cepit obliuio?

Hoc in consilio & machinatione, euidencia perfidiæ, ne dicam patriæ prodicionis, argumenta, eaque plurima, elucent.

Primum, istuc Achitopheles hi & patriæ proditores collimant, ut Henricum Orengeiæ nunc Principem Anglis subiiciant, potentia & auctoritate quam habet exuant, ac ceu puerum illo-

Illorum ferulæ subdant. Verentur scilicet illius potentiam, generositatem, illustria bello facinora, militum in ipsum propensionē, animum denique placidum, & hisquæ rationis sunt accedentem. verentur adhæc, illo dominante, vt suam sibi in Romano-Catholicos & Arminianos sæuitiem & tyrannidem, vt factum hæcenus, exercere non liceat. Ideoque, sub necessarij subsidij prætextu, Anglorum Regem, ad eam quam dixi militum copiam, nostris in provinciis alendam, amplissima sponsione & fictis pollicitationibus præuiis, inducendū censuerunt. Aperiat, obsecro, Deus Principis oculos, & mentem suggerat, qua & inimicos supplantet, & nefarias eorum machinas subuertat.

Secundum. horum proditorum scopus est, Anglicanâ iuuante potentiâ & viribus, extorem Palatinum in dominum & Principem assumere: putant enim hunc, sororij sui Angli viribus & milite roboratum, aduersus Hispanorum potentiam nos nostraque numquam non posse defendere. quod cum sub Henrico Principe vt fiat desperent, &, Palatino dominante, maiora compendia & emolumenta sperent; hoc quod dixi machinati sunt, quod per Anglicanum hoc foedus maris imperium conseruent ac stabiliant, itaque omnium Regum sint domini, & sub precario illo Principe suam egrégiè rem faciant.

Tertium. ampla & speciosa ex Anglicano ærario sperant munera, eminentiores dignitates, Comitatus, Ducatus, & cum Anglorum magnatibus per nuptias affinitates. Huc ut pertingant, per nouas has militum copias viam sibi sternendam putarunt, ut sic pariter nos Britannicæ tyrannidi subiiciant. Cogitent hinc secum patriæ incolumitatis amatores, quò nos hæc tandem deductura sint, quò nostra abitura libertas, & quem libera nostra resp. ad statum redigenda. tum verò, quam non in Gallorum animis Anglicana potentia excitatura sit æmulationem. Auertat impia & scelestæ hæc molimina, aut saltem ea bene vertat, Deus.

Sextò, iniustitiam nostram euidentissimè ostendimus in nautas & epibatas illos, qui Brasilià nuperrimè sunt reuersi, suoque opidum S. Saluatoris, & primarias validissimasq; totà Brasilià arces, sanguine, non sine omnium gentium stupore generosè subegerunt; sed à nobis, dum necessaria in tempore subsidia illis mittere negleximus, deserti sunt. Vnde factum, ut tandem inimico copiosa cum classe aduenienti, postquam aliquousque Hispanam vim & arma sustinuissent, honestis cum conditionibus occupata priùs loca reddere sint compulsi. Hos verò iam domum reuersos nos sanguinario & impio decreto, capitis damnauimus, quasi si vltro, & non compulsi, sed velut patriæ

patriæ proditores, Hispano arces & opida celsissent. Quænam hoc nos docet Theologia? nihil tale vniuersa Scriptura, aut Gentium loquuntur historiæ. Duodetriginta mensium illis debebatur stipendium, sed, quia ærarium exhaustum est, ad eò id illis non numeramus, vt innocuos etiam proditoris infimulemus. Vt verò nostram aliquo modo clementiam testemur, Occidua societas mensis vnus stipendiū & non amplius, illis, qui mille quadringenti vniuersim sunt, vt numeret permittimus; sub capitis verò pœna, ne quid amplius eorū quis exigat, interdiciamus. Non pium, hoc est? quis vniquam tale quid tyrannus fecit? & hæc licet ita se habeant, pij tamen & iusti haberi volumus. Ne verò Præfectorum quispiam iustam suam causam verbis tueatur, pro meritis eorum sententiam studio premimus, vt semper sibi metuentes taceant, nec proteruè ius suum iactent. Et hanc tu Deo iniquitatem inultam futuram putas? fieri sanè non potest, vt, si modò aliquis sit Deus, hæc alixque huiusmodi iniustitiæ non tandem aliquando dent pœnas. Si verò nullum in orbe sit Numen (vt quidem suâ Status nostri vitâ satis produnt) mirum sanè non est, tale quid eos moliri. Et, vt nullum sit, ipsa certè natura ab omni nos iniustitia auocaret, ac proximo doceret præstare id, quod ab alijs ipsi nobis fieri volumus.

Appa-

Apparet demum iniustitia nostra, in nupera illa viginti aut plurimum navium Hispaniensibus mercibus pecuniâ, & argento onustarum, (quarum pretium ad quatuor propè florenorum milliones ascendit) suasu nostro facta ab Anglo inuasionem. Quas nisi inuasisset, Anglicana illa classis expediri, Gades petere, classem Americanam in mari expectare minimè potuisset, quòd illi emittendæ domi deesset pecunia. unde & militi & nauiculariis redactò ex hisce manubiis auro potissimè satisfactum est.

Dices mihi, omni qua fieri potest, via & modo, fas esse cuiuslibet hostem suum atterere, & damnum ei creare. Sed heus, ne quid nimis: terminos rationis excedis; neque enim sacris id litteris edocemur. Liceátne, ad inimici potentiam accidendam & debilitandam, alium ad sanguinaria & iniqua molimina instigare? Florebat inter Angliæ & Hispaniarum Reges, iam abhinc multis annis pacta & confirmata, pax: amborum quoque Legati hinc & inde in vrbe Regia stationē in amicitiae tesseram habebant: habebant Anglus Agentem suum Bruxellæ, & suum Infans Hispaniarum, Londini: Anglici denique mercatores indemnes, in Hispaniam suas vt amici & socij, merces vehabant & vendebant. Et nos, tot annorū pacem societatemq; nihil morati, sed Machiauellica quadā religione ducti, Anglis auctores fuimus, has vt naues sibi

sibi vindicarent. In quibus tamen Galli mercatores millionis & amplius, uti & nostrates aliterius millionis se iacturā passos occlamant: reliqua ad Brugeses, Antuerpienses, Insulenses spectare pars dicitur. Inimici merces ut impetantur & diripiuntur, non dissuadeo: sed ut verbis consilio ut Anglos inducamus, ut suorum amicorum, tamquam hostium, temere & promiscue merces diripiantur sibi; arrogēt, nec Turcarum quidem edocebit Alcoranus, non Iudæorum Talmud, denique vix quisquam cordatus credat.

Respondes mihi, necessitate sæpè hominem ad ea quæ nunquam cogitarat, aut facere decreuerat, adigi: & illam hoc in casu usu venisse. Etenim cum (ut incredibiles impensas, & plurimos florenorum milliones in classem illā Anglicanam productos taceam) sine aliquo notabili pecuniarum subsidio, ipsa portubus Anglicanis excedere non posset, quod Afris, iuxta fidem ipsis prius datam, Gaditanæ insulæ possessionem tribueret; ac simul, illā moras trahente, euidēs esset periculum, ne commoda ad aliam quam præterea cōceperat expeditionem peragendā præteriret oportunitas; & iam Deus opt. max. Angliæ ærarium exhaustum videns, plurimas in Anglicanos portus naues, pretiosis plurimisque onustas mercibus inexpectatō, tamquam unicam ad militi satisfaciendum rationem, submisisset; placuit hanc quodammodo

dammodo cælitus submissam sortem & felicitatem ambabus vlnis amplecti.

Egregia sanè & acuta ratio, quæ Deum inauditæ cuiusdā iniustitiæ auctorem facit: qualis est haud dubiè, amicorum bona, ipsis etiam inuitis, violenter inuadere, quò iniqua aduersus alios amicos suscepta expeditio executioni possit mandari. Sic licebit quoque Statibus, quò magnam pecuniæ sibi vim parent, omniū amicorum suorum naues & merces deprædari, quò sic Hispano Regi meliùs resistent: imò verò, omnium vasallorum suorum, ac præsertim Arminianorum & Romano-Catholicorum, facultates sibi arrogare, quibus & aduersus Hispanam potentiam sese tueantur, & Gommaristas locupletent. Verùm hoc & libris, & scriptis dictatisque omnium gentium legibus reclamant, nec vt verisimile Batauo mihi persuaderi potest.

At dices, Anglos in suprema sua necessitate harum mercium diuenditarum pretio tātisper vt; sed eas veris dominis, persoluto etiā fœnore, tandem restituturos. Est hæc Orientalis societatis Indicæ Directorum techna & mos: qui tandem aliquando illorum quinque & sexaginta, & aliorum octoginta vasorum auri, tam anno MDCXIX. quàm XXI. vt & aliarum immensarum pecuniarum, annis superioribus à caris nostris inquilinis, mutuo & ad depositum

acceptarum, rationem reddituri, quin & vsum earumdem persoluturi sunt; cum tamen hæcenus plenam nec sortis capitalis, nec vsuarij questus rationem possessoribus nec defacto reddiderint, nec reddere velint, imò nec possint; quòd omnis illa auri vis aut in Directorum marsupia defluxerit, aut in auras euenerit. Vt verear, vt eisdem & Angli imitentur, & aliquot tandem post sæcula exteris iacturam passis rationem omnium reddant.

Verùm exactiùs & propiùs paulò, quid hisce quinque proximis annis nobis evenerit, iam disquiramus. comperiemus enim plurima nos amisisse, vix autem quidquam vicisse; cùm tamen Hispaniarum Rex proximè elapso quinquennio,

Primò, pseudoBohemorum Regem ante Pragam, per ducem suum BVCQVOYVM, Bavaricis copijs corroboratum, fuderit, & vniuersum Bohemiæ regnum Cæsari restituerit; nec non Moraviam, & Hungariæ opida non pauca quæ iugum excusserant, suis sub Imperatoris potestatem armis denuò redegerit.

Secundò, per SPINOLAM in Palatinatu iuxta ac Iuliacensi, Clivio, Montenfi, Marciano, Ravensburgensi territorio plusquam nonaginta tam opida, quàm arces interceperit, ac iuris sui fecerit. Ac non solùm externis hæc Principibus ac Statibus extorsit; verùm etiam Pa-

penmut.

penmutfiam arcem, Iuliacum urbem, Monioniam, Bredam, (quæ loca infuperabilia ducebamus) nec non alia opida plurima, quæ noſtris ipſi præſidijs prædictis in provincijs infeſa habebamus & munieramus, noſtræ poteſtati ac manibus violenter eripuerit.

Tertiò, per GONſAL. DE CORDVBA, cui TILLIVS auxilio venerat, duos potentes Proteſtantium Principum exercitus, rebus omnibus neceſſarijs inſtructiſſimos, quos Brunſuico-halberſtadius & Durlacenſis Marchio ducebant, in Palatinatu fuderit ac fugarit. Mansfeldium verò, eiufdem GONſALVI ductu in Belgio propè deleuerit.

Quartò, Genuenſium rempub. cui de præſidiarijs, armis, bellico commeatu vix proſpectum erat, aduerſus duos validos exercitus, Gallorum inquam Leſdiguerio Comeſtabili ductore, & Sabaudjæ Ducis, tutatus ſit; expugnata ab illis opida & arces varias armis ſuis recuperarit, & alia contrà non pauca, Sabaudici iuris quæ erant, inuaſerit.

Quintò, ab oppreſſis & ſub Griſonum onerementibus Vallis Tellinæ Catholicis rogatus, ipſos non modò illorum è manibus liberarit, ſed & priſtinæ libertati reſtitutos, à ſeruitute, quæ plus Turcas quàm Chriſtianos ſapiebat, vindicarit.

Nos verò, Primò quidem S. Saluatoris, in

Brasilia, suis cum arcibus & propugnaculis opidum improvise inuasimus, & nemine impediante interceptum dispoliaimus. Sed, cum triginta navium classe illuc appuissimus, fœdè, & nonnisi mutuo acceptis nauibus inde excedere, & domum redire compulsi sumus.

Secundò, sex & triginta nauibus, & quinque militum ac nauiculariorum millibus *Porto rico* opidum quidem diripuimus; arce verò nequidquam tentatâ, solâ prædâ contentos nos inde recedere oportuit.

Tertiò, eâdem classe Minensem in Africa arcem inuadere tentauimus, sed septingentis nostrorum desideratis oppugnatione desistere coacti sumus; ac nauibus non paucis, militum verò quatuor millibus supra ducentos amissis, exarmatos & laceros, & vix vllò cum compendio reduces nos vidit *Hollandia*.

Quartò, tres quoque in Antuerpiensem urbem expeditiones mouimus; nullatenus eam iam manuseuadere nostras posse (ea nimirum nostra erat potentia, machinæ & industria) totâ passim *Hollandiâ*, etiam antequam solueremus, iactitantes. sed cœpta nostra celitus disturbauit Omnipotens, & gelu repentinum, ventos, & tempestates in aciem velut producens, pro aduersarijs pugnavit. vnde omnis spes nostra, vt fumus in ventum euanuit.

Quintò, omni nuper armorum impetu ac
poten-

potentiâ in Oldenseliam opidum conuerso, octidui spatio ipsum expugnaui-
mus. Opidum dico, pagum dixerim potius, quoddam hostilem lo-
cus impetum nequeat sustinere, & SPINOLÆ
olim viribus ne ad quatuor ac viginti quidem
horas potuerit resistere. vnde etiam eius vaila
& moenia solo æquauimus, quoddam hostili impu-
gnationi ferendæ eadem non sufficerent. Ma-
ius quid, fateor, spectaueramus, nostrasque ad-
dictis à Dano Rege copijs turmas iungere: sed
cùm, quatuor Danorum legionibus, & aliquot
equitū millibus, quos nobis in occursum emi-
ferat, antè, quàm nostris iungerentur, à TILLIO
ad internecionem deletis, spes illa concidisset;
aliò mentem, ne nihil egisse videremur, con-
uertere oportuit. Itaque septimus ex omnium
conductarum domorum, & quintus ex agro-
rum pretio redactus nummus, quem nostri no-
bis ciues tam gratanter erogant, dum illu-
strem aliquam illis spondemus victoriam, in
Oldenselianis fossis sepultus iacet & disperijt.

Sextò, tria deinde nauium millia omnibus re-
bus necessarijs instructa, & duodeviginti pedi-
tū, ac binis equitū millibus firmata, in Flandriâ
emissimus. His primò Gandensium propugnaculū
mari imminens (*Saxeam* vocāt,) deinde aliud in
alia Flandriæ ora tenue satis (ei nomen *Kiel-
drecht*) tentauimus; vt duplici hac via patefacta;
primò vniuersum agrū Wasianū, ex in Hulstū

& arces vicinas, quin & Antuerpiam occuparemus. Sed cum ventus, primum propitius & fauens, post redditus esset aduersus, ne sexto quidem post die ad oram hostilem appellere valuimus: & interim hostis, qui à rebus ad defensionem necessarijs satis tenuiter instructus erat, sibi per otium prospexit, locisque illis consuluit. hinc post equos plurimos in nauibus prææstu extinctos, reiecti ab eo sumus, & multiplicem commeatus & instrumentorum bellicorum iacturam passi (vt omittam, duos in hanc expeditionem absumptos florenorum milliones,) tandem irrita re fracti ac debilitati, sempiterna cum Batauici nominis infamia, vela colligere, & domum renaugare compulsi. Probrum inde augetur, quòd antè paulò, thraſonica quadam præſumptione, Hollandiâ, Galliâ & Angliâ totâ sparsissemus, trinfestri nos spatio Brabantiam ac Flandriam vniuersam nostram sub potestatem redacturos. Sed superbiam nostram deiecit Deus.

Omnia porro elementa in nostram videntur ruinâ conspirasse, dum hosti sunt propitia, nobis verò aduersa. Etenim aqua nos destituit in vltimis illis in Flandriam & Antuerpiam susceptis expeditionibus; itidem terra, cum ob aquæ paucitatem, & fundi altitudinē exscensionem facere minimè potuimus. terram verò aduersariam & inimicam sensimus tū, dum in
Africa

Africa haud procul ab arce Minensi, nostri à barbaris in arena, arma præ lassitudine vix tractare valentes, sunt obtruncati.

Aër in prima nostra aduersus Antuerpienses expeditione tunc se nobis inclementem ostendit, cum postquam in altum prouecti iam essemus, ica turbari coepit, tamquam si

Machina diuulsis diffracta labasceret orbis

Cardinibus:

cum etiam, vix duarum spatio horarum, aqua omnis crustis glacialibus repletur, & ventis furentibus intumescens æquor naues nostras violenter impetit, vela discerpit, rudentes induratur, nauigationique iuuitiles, nautas verò præ gelu torpidos reddit, naues denique in naues tamquam in hostes inuolare facit. vt vix Princeps Mauritius discrimen euaserit.

Mare quoque indignatur tum, cum nauium nostrarum, in loco à tempestatibus tuto ante Dunkerkam in anchoris stantium, pars à mari haustæ, pars ad littus allisæ sunt, omnes verò malo amisso, huc illucque iactatæ sunt velut maris ludibrium, magno hominum & nauium cum damno. Idem factum Mansfeldio, cum nouum Anglorum & Francorum exercitui nostro conscripturus supplementum mare conscendisset; cuius copiarum à tempestate, procellæ, & dira lue miserè disperiere.

Ventus nos destituit, classemque nostram

trimestri spatio in Belgio detinet, vsque dum S. Saluatoris in Brasilia opidum Hispani per otium recuperassent. Idem vidimus in postrema aduersus Flandros expeditione, cum tantisper ventus subsidit & languet, quousq; hostis minimè paratus, varijs è locis suos ad oræ illius tuitione euocasset. Idem qui hîc torpuit ventus, in duabus aduersus arcem Antuerpianam expeditionibus inualefcit, adeò vt nec cymbulas nostras commodè aquis iniicere, nec vallo scalas applicare licuerit.

Pluuiæ denique in tertia contra eandem expeditione nos obruit. nam miles noster perplutus armis tractandis prorsus erat inutilis, & duabus à recto itinere leucis, tum ob spiritam noctis caliginem, tum ob continuum imbrem deflexit. Quis hîc ad oculum potètem Dei manum, nobis quidem aduersantem, hostes verò protegentem, obumbrantem & propugnantem non videat?

Itaque ne terræ quidem glebam toto ultimo sexennio Regi abstulimus, plurima verò amisimus; ac potissimum in Breda, quam insuperabilem putabamus. idque eò magis quòd plurimo duorum potentium Regum (vt alios Principes & Respublicas omittam) auro & milite tunc maximè foueremur. Vt Hispanum in vna Breda Reges duos, plures Principes & Respublicas, & in Mauritio vniuersam

uerſam Hollandiam ſubegiffe, dicere queas. Ad infamiam accedit, quòd, inſpectantibus, & tantam Regum & Principum manum ſub ſignis habentibus nobis, hoſtilibus verò caſtris per dena circumſecus milliaria diffuſis, & minore quàm nos habebamus, milite communitis, eam tandem, ringamur licèt inuidiâ, nobis extorſerit, & ſibi parentem reddiderit.

Pluribus quidem tecum hîc agerê; ſed longas nimis Regibus eſſe manus, tenacem nimis memoriam, & acutas nimis ſecures, nō nescio. quare, cùm hæc in præſens dicta ſufficiant, finio. neque enim morbidum corpus expedit nimis medicamentis obruere; ſed paulatim, ex Phyſicorum mente, fit motus, eoquæ diuturnior. Paucula medicamenta, cùm tempeſtiuè ea dantur, ægrum recreant; plurima, Galeno & Hippocrate teſtibus, enecant. Hæc ergo fidelis expoſitio ac ſincera monitio mea ſi quem locū inueniat; diuturnam Reipublicæ noſtræ ſalutem fore, ac magnam exinde proſperitatem ſucceſſuram auguror.

Quid Buckinghamiæ Dux moliatur, quòd collimet, liquidò videbis, ſi eius opéra, intenta, ſcopum perrimeris, & miram eius cum Palatino, illuſtre aliquod ſuorum connubium (intelligenti, pauca ſatis.) per eum ſperantis, conuenientiam, & occultam aduerſus Principem & ductorem noſtrum Henricum Naſſouium,

ac dulcem patriæ nostræ libertatem conspirationem & molimina perspicias.

Te itaque, Illustrissime Orangiæ Princeps Henrice, compello. Quid agas, quò te vertas, quos in sinu tuo & domi dracunculos & aspidas foveas, perpende, quorum venenatæ technæ, virulentæ linguæ & calami, amicorum tuorum principem Aduocatam securi subiecere. Violentam Excellentissimi Marchionis Hamiltonij mortem, nec non inexpectatum & præcipitem Iacobi I. Magnæ Britanniae Regis interitum, accuratiùs tecum expende. Aliena hæc exempla cautum te faciant. Satiùs longè est, cautum te faciant exempla antecedentium, quàm te exemplum habeant secururi. Et felicitatis pars non minima est, aliena nos ex infelicitate & casu sapientiam discere, circumspectiores fieri, & infortunia declinare: ingens contrà calamitas & infortunium, nostrâ vt calamitate alius cautior & fortunatior euadat. Quibus fidas, & quorum manibus fortunatum æquè atque infortunatum exitum tuum concredas, circumspice: Falli semel, humanum est; secundò verò decipi, stoliditatem redolet, & in Principe vix ignoscendum. In sanguinem & cædes instigare te nolo, sed vt prudenter tibi caueas volo. Memento, quæso, omnem potentiam, maximè in bellis civilibus, multis esse obseptam laboribus, ac diffi-

culta-

cultatibus variis obnoxiam. Vide ne à nimio
 externo milite, sub necessariarum suppetiarū
 velamine, circumuentus vñquam opprimaris,
 & tuam seriùs imprudentiam damnes. Vicini
 Reges tamdiu suis sunt contenti, quamdiu vi-
 cino præualere nequeunt; at, semel vbi præua-
 luerint, rationes illis non deerunt, ad regna &
 prouincias quas cumque sibi per commodas, in
 potentia & dominij accrementum, inuaden-
 das: etenim sexcentæ semper ad hoc eis sup-
 petunt rationes, quas scrinijs suis occlusas te-
 nent. Præterea nota illa intestinorum bellorum
 incertitudo, rebellium subditorum mutatio,
 eorumque qui semel legitimorum dominorū
 iugum suis à ceruicibus excussere, impatientia
 identidem tibi ante oculos verletur. In bellis
 enim civilibus impudentissimum & audacissi-
 mum quemque semper nemo non sequitur:
 hinc audacia, armorum est loco, impudentia
 vallorum. qui primū suos impetere riuales ac
 socios audet, is vt plurimū victor. Temporis
 adhæc perpende incertitudinem, omnium
 hætenus rebellium diffidentiam & ingrati-
 tudinem, vtque illis magnitudo & potentia om-
 nis suspecta sit, vt in omni rebellionē ipsa sem-
 per placeat nouitas; deniq; ipsam omnis rebel-
 lium coalitionis & congregationis certitudi-
 nem in continua versari mutatione, quam ho-
 mines inquieti & pacis optatæ perturbatores,
 speratæ

speratæ suæ prosperitatis & boni successus intuitu, assiduò vrgent & machinantur. Quisquis veteres euoluet historias, id in nullo non bello civili locum videbit habuisse. adeò vt in eo nullus sibi, aut ob potentiam, aut ob ampliores dignitates plus alijs possit polliceri: minimus quisque maximo par esse & dignitate æquari vult; nemo cedere maiori. etenim vbi semel legitimo ac natio Principi suo repudiato, libertatem sibi, velut tunicam induere, nullum amplius volunt dominum agnoscere, nullum ferre caput; suam cuique inuident prerogatiuam, quamdamque in omnibus amant paritatem, in qua demum suæ fructum libertatis situm arbitrantur. Et quamquam aliquod subinde caput & superiorem agnoscant, id tamen nequit esse diuturnum. Considera & tecum pondera, quàm frater tuus frequenter indigna ab Amsterodamensibus sit passus, numquam quid quod ipsis displiceret, aggredi ausus; quomodo ipsis perpetuò eum obsequi, morem gerere, omnibusque ipsorum postulatis annuere oportuerit. Prudenter id & quàm consultissimè ab ipso factum, vtpote non ignoranti, omnem in populari gubernatione coryphæum ac principem à filo, id est ab impudenti perduellis alicius ac sicarij audacia, dependere. Quod sanè nimis quàm durum & intolerabile est ei, qui naturâ Princeps est, ac nil nisi

Prin-

Principe & heroë dignum animo voluit.


Popularis ergo imperij incertitudinem & inconstantiam pluribushic tibi nolo exponere; quòd ea satis superquetibi sit nota. Prudentiam tibi det Deus, qua inimicos & amicos internosse valeas. Sed quamdiu amicos tuos, per Galliam, Germaniam, Brabantiam extorres & profugos errare patieris? hæccine perpetua futura, dissimulatio est? & illis te fidere, quos etsi quotidie ante oculos habeas, maiore tamen & magis Vatiniano odio te prosequuntur & invidia, quàm omnes quos Hispania habet ciues & Proceres: Innata certè tibi est quèdam de omnibus Hispanorum amicis ac fautoribus diffidentia: at plus diffidas oportet ijs, qui sub specioso zelandæ patriæ libertatis prætextu, tuū & verorum amicorum tuorum, interitum, malum ac ruinam, & quæsierunt hætenus, & etiamnum quærunt. Simulatio sæpè, præsertim Principibus, necessaria est; at ea, cum equo diuturnior est, pares Hamiltonio exitus causatur. Pluribus Principe dignis virtutibus te Deus & natura beavit: vnde veros & fidos à fictis ac vulpinis amicis dinoscere vt queas, tibi opto; nec non effusam ac munificam in omnestibi ex animo beneuolos & addictos mentem, & manum largam. Tenaces animi suo, dum opus est, defensore destituuntur; & clausæ manus amicos sibi non parant: prodigæ generosum
produnt

produnt animum, suaque in necessitate since-
ros & magnos amicos inueniunt. Finem igitur
facio, felicia tibi omnia ex animo precatus, fi-
dumque & minimè fucatum obsequium
meum tibi addicens. noui enim, te inter omnes
qui tibi & à mensa & consilio sunt, hoc scri-
ptore obsequentiorem famulum reperturum
neminem, qui in omnibus quæ tui vel obse-
quij vel commodi futura sunt, nulli vel mini-
mum est concessurus.

F I N I S.



ce-
tur
fi-
um
nes
cri-
um
ofe-
ini-



John R

Corrected by G. Dziński

Biblioteka Jagiellońska



stdr0003919

